

अथषष्ठोऽष्टकः

। व० १-४०

प्रथमोऽध्यायः

(१) प्रथमं सूक्तम्

(१-३३) त्रयस्त्रिंशदृचस्यास्य सूक्तस्य कारवः पर्वत ऋषिः । इन्द्रो देवता ।  
उष्णिक छन्दः

य इन्द्र सोमपातमो मदः शविष्ठु चेतति । येना हंसि न्यश्त्रिणं तमीमहे १  
येना दशग्वमधिगुं वेपयन्तं स्वर्णरम् । येना समुद्रमाविथा तमीमहे २  
येन सिन्धुं महीरपो रथाँ इव प्रचोदयः । पन्थामृतस्य यातवे तमीमहे ३  
इमं स्तोममभिष्टये घृतं न पूतमद्रिवः । येना नु सद्य ओजसा ववक्षिथ ४  
इमं जुषस्व गर्वणः समुद्र इव पिन्वते । इन्द्र विश्वाभिरूतिभिर्ववक्षिथ ५  
यो नो देवः परावतः सखित्वनाय मामहे । दिवो न वृष्टिं प्रथयन्ववक्षिथ  
६

ववक्षुरस्य केतव उत वज्रो गर्भस्त्योः । यत् सूर्यो न रोदसी अर्धयत् ७  
यदि प्रवृद्ध सत्पते सहस्रं महिषाँ अर्धः । आदित् त इन्द्रियं महि प्र वावृधे  
८

इन्द्रः सूर्यस्य रश्मिभिर्न्यर्शसानमौषति । अग्निर्वनैव सासहिः प्र वावृधे ९  
इयं त ऋत्वियावती धीतिरैति नवीयसी । सपर्यन्ती पुरुप्रिया मिमीत् इत्  
१०

गर्भो यज्ञस्य देवयुः क्रतुं पुनीत आनुषक् । स्तोमैरिन्द्रस्य वावृधे मिमीत् इत्  
११

सनिर्मित्रस्य पप्रथ इन्द्रः सोमस्य पीतये । प्राची वाशीव सुन्वते मिमीत् इत्  
१२

यं विप्रा उक्थवाहसो ऽभिप्रमन्दुरायवः । घृतं न पिप्य आसन्वृतस्य यत् १३  
उत स्वराजे अदितिः स्तोममिन्द्राय जीजनत् । पुरुप्रशस्तमूतर्य ऋतस्य यत्  
१४

अभि वह्नय ऊतये ऽनूषत् प्रशस्तये । न देव विव्रता हरीं ऋतस्य यत् १५  
यत् सोममिन्द्र विष्णावि यद् वा घ त्रित आप्तये । यद् वा मरुत्सु मन्दसे  
समिन्दुभिः १६

यद् वा शक्र परावति समुद्रे अधि मन्दसे । अस्माकमित् सुते रणा

समिन्दुभिः १७

यद् वासि सुन्वतो वृधो यजमानस्य सत्पते । उक्थे वा यस्य रण्यसि

समिन्दुभिः १८

देवदैवं वोऽवस इन्द्रमिन्द्रं गृणीषणि । अधा यज्ञाय तुर्वणे व्यानशुः १९

यज्ञेभिर्यज्ञवाहसं सोमैभिः सोमपातमम् । होत्राभिरिन्द्रं वावृधुव्यानशुः २०

महीरस्य प्रणीतयः पूर्वीरुत प्रशस्तयः । विश्वा वसूनि दाशुषे व्यानशुः २१

इन्द्रं वृत्राय हन्तवे देवासौ दधिरे पुरः । इन्द्रं वाणीरनूषता समोजसे २२

महान्तं महिना वयं स्तोमैभिर्हवनश्रुतम् । अकैरभि प्र णोनुमः समोजसे २३

न यं विविक्तो रोदसी नान्तरिक्षाणि वज्रिणम् । अमादिदस्य तित्विषे

समोजसः २४

यदिन्द्र पृतनाज्ये देवास्त्वा दधिरे पुरः । आदित् ते हर्यता हरी ववक्षतुः

२५

यदा वृत्रं नदीवृतं शवसा वज्रिन्नवधीः । आदित् ते हर्यता हरी ववक्षतुः

२६

यदा ते विष्णुरोजसा त्रीणि पदा विचक्रमे । आदित् ते हर्यता हरी ववक्षतुः

२७

यदा ते हर्यता हरी वावृधाते दिवेदिवे । आदित् ते विश्वा भुवनानि येमिरे

२८

यदा ते मारुतीर्विशस्तुभ्यमिन्द्र नियेमिरे । आदित् ते विश्वा भुवनानि

येमिरे २९

यदा सूर्यमुं दिवि शक्रं ज्योतिरधारयः । आदित् ते विश्वा भुवनानि येमिरे

३०

इमां त इन्द्र सुष्टुतिं विप्र इयर्ति धीतिभिः । जामिं पदेव पिप्रतीं प्राध्वरे ३१

यदस्य धामनि प्रिये समीचीनासो अस्वरन् । नाभा यज्ञस्य दोहना प्राध्वरे

३२

सुवीर्यं स्वश्वयं सुगव्यमिन्द्र दद्धि नः । होतैव पूर्वचित्तये प्राध्वरे ३३

तृतीयोऽनुवादकः । सू० १३-२०

(२) द्वितीयं सूक्तम्

(१-३३) त्रयस्त्रिंशदृचस्यास्य सूक्तस्य काण्वो नारद ऋषिः । इन्द्रो देवता ।

उष्णिक छन्दः

इन्द्रः सुतेषु सोमेषु क्रतुं पुनीत उक्थ्यम् । विदे वृधस्य दक्षसो महान् हि षः  
१  
स प्रथमे व्योमनि देवानां सदाने वृधः । सुपारः सुश्रवस्तमः समप्सुजित् २  
तमहे वाजसातय इन्द्रं भराय शुष्मिणाम् । भवा नः सुप्ते अन्तमः सखा वृधे  
३  
इयं त इन्द्र गिर्वणो रातिः क्षरति सुन्वतः । मन्दानो अस्य बर्हिषो वि राजसि  
४  
नूनं तदिन्द्र दद्धि नो यत् त्वा सुन्वन्त ईमहे । रयिं नश्चित्रमा भरा स्वर्विदम्  
५  
स्तोता यत् ते विचर्षणि रतिप्रशर्धयद् गिरः । वया इवानु रोहते जुषन्त यत्  
६  
प्रववज्जनया गिरः शृणुधी जरितुर्हवम् । मदेमदे ववक्षिथा सुकृत्वने ७  
क्रीळन्त्यस्य सूनृता आपो न प्रवता यतीः । अया धिया य उच्यते पतिर्दिवः  
८  
उतो पतिर्य उच्यते कृष्ठीनामेक इद् वशी । नमोवृधैरवस्युभिः सुते रण ९  
स्तुहि श्रुतं विपश्चितं हरी यस्य प्रसक्षिणा । गन्तारा दाशुषो गृहं नमस्विनः  
१०  
तूतुजानो महेमते ऽश्वेभिः प्रुषितप्सुभिः । आ याहि यज्ञमाशुभिः शमिद्धि ते  
११  
इन्द्र शविष्ठ सत्पते रयिं गृणत्सु धारय । श्रवः सूरिभ्यो अमृतं वसुत्वन्म  
१२  
हवे त्वा सूर उदिते हवे मध्यंदिने दिवः । जुषाण इन्द्र सप्तिभिर्न आ गहि  
१३  
आ तू गहि प्र तु द्रव मत्स्वा सुतस्य गोमतः । तन्तुं तनुष्व पूर्व्य यथा विदे  
१४  
यच्छक्रासि परावति यदवावति वृत्रहन् । यद् वा समुद्रे अन्धसोऽवितेदसि  
१५  
इन्द्रं वर्धन्तु नो गिर इन्द्रं सुतास इन्दवः । इन्द्रै हविष्मतीर्विशो अराणिषुः  
१६

तमिद् विप्रा अवस्यवः प्रवत्वतीभिरूतिभिः । इन्द्रं क्षोणीरवर्धयन् वया इव  
१७

त्रिकद्रुकेषु चेतनं देवासौ यज्ञमत्नत । तमिद् वर्धन्तु नो गिरः सदावृधम् १८  
स्तोता यत् ते अनुव्रत उक्थान्यृतुथा दधे । शुचिः पावक उच्यते सो अद्भुतः  
१९

तदिद् रुद्रस्य चेतति यहं प्रत्नेषु धामसु । मनो यत्रा वि तद् दधुर्विचेतसः  
२०

यदि मे सख्यमावरं इमस्य पाह्यन्धसः । येन विश्वा अति द्विषो अतारिम  
२१

कदा तं इन्द्र गिर्वणः स्तोता भवाति शन्तमः । कदा नो गव्ये अश्वये वसौ  
दधः २२

उत ते सुष्टुता हरी वृषणा वहतो रथम् । अजुर्यस्य मदिन्तमं यमीमहे २३  
तमीमहे पुरुष्टतं यहं प्रत्नाभिरूतिभिः । नि बर्हिषि प्रिये सददधं द्विता २४  
वर्धस्वा सु पुरुष्टत ऋषिष्टुताभिरूतिभिः । धुक्षस्व पिप्युषीमिषमवा च नः  
२५

इन्द्र त्वमवितेदसी तथा स्तुवतो अद्रिवः । ऋतादियमि ते धियं मनोयुजम्  
२६

इह त्या संधमाद्या युजानः सोमपीतये । हरीं इन्द्र प्रतद्वसू अभि स्वरं २७  
अभि स्वरन्तु ये तव रुद्रासः सक्षत श्रियम् । उतो मरुत्वतीर्विशो अभि प्रयः  
२८

इमा अस्य प्रतूर्तयः पदं जुषन्त यद् दिवि । नाभा यज्ञस्य सं दधुर्यथा विदे  
२९

अयं दीर्घाय चक्षसे प्राचिं प्रयत्यध्वरे । मिमीते यज्ञमानुषग्विचक्ष्यं ३०  
वृषायमिन्द्र ते रथं उतो ते वृषणा हरी । वृषा त्वं शतक्रतो वृषा हवः ३१  
वृषा ग्रावा वृषा मदो वृषा सोमौ अयं सुतः । वृषा यज्ञो यमिन्वसि वृषा  
हवः ३२

वृषा त्वा वृषणं हुवे वज्रिञ्चित्राभिरूतिभिः । वावन्थ हि प्रतिष्टुतिं वृषा हवः  
३३

(३) तृतीयं सूक्तम्

(१-१५) पञ्चदशर्चस्यास्य सूक्तस्य कारवायनौ गोषूक्त्यश्वसूक्तिनावृषी । इन्द्रो देवता । गायत्री छन्दः

यदिन्द्राहं यथा त्वमीशीयु वस्व एक इत् । स्तोता मे गोषखा स्यात् १  
 शिन्नैयमस्मै दित्सैयं शचीपते मनीषिणै । यद्दहं गोपतिः स्याम् २  
 धेनुष्ट इन्द्र सूनृता यजमानाय सुन्वते । गामश्च पिप्युषी दुहे ३  
 न तै वर्तास्ति राधस इन्द्र देवो न मर्त्यः । यद् दित्ससि स्तुतो मघम् ४  
 यज्ञ इन्द्रमवर्धयद् यद् भूमिं व्यवर्तयत् । चक्राण औपशं दिवि ५  
 वावृधानस्य ते वयं विश्वा धनानि जिग्युषः । ऊतिमिन्द्रा वृणीमहे ६  
 व्यश्नन्तरिन्नमतिरन्मदे सोमस्य रोचना । इन्द्रो यदभिनद् वलम् ७  
 उद् गा आजदङ्गिरोभ्य आविष्कृणवन् गुहा सतीः । अर्वाञ्च ननुदे वलम् ८  
 इन्द्रेण रोचना दिवो दृळ्हानि दंहितानि च । स्थिराणि न पराणुदे ९  
 अपामूर्मिर्मदन्निव स्तोम इन्द्राजिरायते । वि ते मदा अराजिषुः १०  
 त्वं हि स्तोमवर्धन इन्द्रास्युक्थवर्धनः । स्तोतृचफदृणामुत भद्रकृत् ११  
 इन्द्रमित् केशिना हरी सोमपेयाय वक्षतः । उप यज्ञं सुराधसम् १२  
 अपां फेनेन नमुचेः शिर इन्द्रोदवर्तयः । विश्वा यदजयः स्पृधः १३  
 मायाभिरुत्सिसृप्सत् इन्द्र द्यामारुरुक्षतः । अव दस्यूरधूनुथाः १४  
 असुन्वामिन्द्र संसदं विषूचीं व्यनाशयः । सोमपा उत्तरो भवन् १५

(४) चतुर्थं सूक्तम्

(१-१३) त्रयोदशर्चस्यास्य सूक्तस्य कारवायनौ गोषूक्त्यश्वसूक्तिनावृषी । इन्द्रो देवता । उष्णिक छन्दः

तम्बभि प्र गांयत पुरुहूतं पुरुष्टुतं । इन्द्रं गीर्भिस्तविषमा विवासत १  
 यस्य द्विबर्हसो बृहत् सहो दाधार रोदसी । गिरिंज्राँ अपः स्ववृषत्वना २  
 स राजसि पुरुष्टुतं एको वृत्राणि जिघ्रसे । इन्द्र जैत्रां श्रवस्यां च यन्तवे ३  
 तं ते मदं गृणीमसि वृषणं पृत्सु सासहिम् । उ लोककृत्तुमद्रिवो हरिश्रियम् ४  
 येन ज्योतीष्यायवे मनवे च विवेदिथ । मन्दानो अस्य बर्हिषो वि राजसि ५  
 तद्द्या चित् त उथिनो ऽनु ष्टुवन्ति पूर्वथा । वृषपत्नीरपो जया दिवेदिवे ६

तव॒ त्यदिन्द्रि॒यं बृ॒हत् तव॒ शुष्म॑मु॒त् क्रतु॑म् । वज्रं॑ शिशाति धि॒षणा॑ वरै॒ण्यम्  
७

तव॒ द्यौरिन्द्र॑ पौ॒स्यं पृथि॑वी वर्धति श्रवः॑ । त्वामा॒पुः पर्व॑तासश्च हि॒न्विरे ८  
त्वां विष्णु॑र्बृ॒हन् क्षयौ॑ मि॒त्रो गृ॑णाति वरु॒णः । त्वां शर्धे॑ मद॒त्यनु॑ मारु॒तम् ९  
त्वं वृषा॑ जना॒नां मंहि॑ष्ठ इन्द्र जज्ञिषे । स॒त्रा विश्वा॑ स्वप॒त्यानि॑ दधिषे १०  
स॒त्रा त्वं पु॑रुष्टु॒तँ एकौ॑ वृ॒त्राणि॑ तोशसे । नान्य॑ इन्द्रात् कर॒णं भूय॑ इन्वति ११  
यदिन्द्र॑ मन्म॒शस्त्वा॑ नाना॒ हव॑त ऊ॒तये॑ । अ॒स्मकै॑भिर्नृ॒भिरत्रा॑ स्व॒र्जय १२  
अ॒रं क्षया॑य नो म॒हे विश्वा॑ रू॒पाण्या॑वि॒शन् । इन्द्रं॑ जै॒त्राय॑ हर्ष॒या शची॑पति॒म्  
१३

### (५) पञ्चमं सूक्तम्

(१-१२) द्वादशर्चस्यास्य सूक्तस्य कारव इरिम्बिठिर्ऋषिः । इन्द्रो देवता ।

गायत्री छन्दः

प्र स॒म्राजं॑ चर्षणी॒ना मिन्द्रं॑ स्तो॒ता नव्यं॑ गी॒र्भिः । नरं॑ नृषा॒हं मंहि॑ष्ठम् १  
यस्मि॑न्नु॒क्थानि॑ रणयन्ति विश्वा॒नि च श्रव॑स्या । अपा॒मवो॑ न संमु॒द्रे २  
तं सु॑ष्टु॒त्या वि॒वासे॑ ज्येष्ठ॒राजं॑ भरे॒ कृत्तु॑म् । म॒हो वा॒जिनं॑ स॒निभ्यः॑ ३  
यस्या॑नू॒ना ग॒भीरा॑ मदा॒ उ॒रव॑स्तरु॒त्राः । हृषु॑मन्तः शूर॑सातौ ४  
तमि॑द् धने॒षु हि॒ते ष्वधि॑वा॒काय॑ हवन्ते । येषा॑मिन्द्र॒स्ते जय॑न्ति ५  
तमि॑च्चयौ॒त्रैरार्य॑न्ति तं कृ॒तेभि॑श्चर्ष॒णयः॑ । एष॑ इन्द्रो॒ वरि॑व॒स्कृत् ६  
इन्द्रो॑ ब्र॒ह्मेन्द्र॑ ऋषि॒रिन्द्रः॑ पु॒रू पु॑रुहू॒तः । म॒हान् म॒हीभिः॑ शची॒भिः ७  
सः स्तो॑म्यः स ह॒व्यः स॒त्यः स॒त्वा तु॑विकूर्मिः । एक॑श्चित् सन्न॒भिभू॑तिः ८  
तम॑र्के॒भिस्तं॑ साम॒भिस्तं॑ गा॒यत्रैश्चर्ष॑णयः । इन्द्रं॑ वर्धन्ति क्षि॒तयः॑ ९  
प्र॒णेता॑रं वस्यो अ॒च्छा क॑तारं॒ ज्योतिः॑ स॒मत्सु॑ । सा॒स॒हांसं॑ यु॒धामि॑त्रान् १०  
स नः॑ प॒प्रिः पा॑रयाति स्व॒स्ति ना॒वा पु॑रुहू॒तः । इन्द्रो॑ विश्वा॒ अति॑ द्विषः ११  
स त्वं न॑ इन्द्र॒ वाजै॑भि॒र्दश॑स्या च॒ गा॒तुया॑ च । अ॒च्छा च नः॑ सु॒म्रं नैषि॑ १२

### (६) षष्ठं सूक्तम्

(१-१५) पञ्चदशर्चस्यास्य सूक्तस्य कारव इरिम्बिठिर्ऋषिः । (१-१३, १५)  
प्रथमादित्रयोदशर्चा पञ्चदश्याश्चेन्द्रः, (१४) चतुर्दश्याश्चेन्द्रो वास्तोष्पतिर्वा देवता ।  
(१-१३) प्रथमादित्रयोदशर्चा गायत्री, (१४-१५) चतुर्दशीपञ्चदशयोश्च प्रगाथः

(चतुर्दश्या बृहती, पञ्चदश्याः सतोबृहती) छन्दसी

आ याहि सुषुमा हि त इन्द्र सोमं पिबा इमम् । एदं बर्हिः संदो मम १  
 आ त्वा ब्रह्मयुजा हरी वहतामिन्द्र केशिना । उप ब्रह्माणि नः शृणु २  
 ब्रह्माणस्त्वा वयं युजा सोमपामिन्द्र सोमिनः । सुतावन्तो हवामहे ३  
 आ नो याहि सुतावतो ऽस्माकं सुष्टीरुप । पिबा सु शिप्रिन्नन्धसः ४  
 आ तै सिञ्चामि कुक्ष्यो रनु गात्रा वि धावतु । गृभाय जिह्वया मधु ५  
 स्वादुष्टै अस्तु संसुदे मधुमान् तन्वेइ तव । सोमः शर्मस्तु ते हदे ६  
 अयमु त्वा विचर्षणे जनीरिवाभि संवृतः । प्र सोम इन्द्र सर्पतु ७  
 तुविग्रीवो वपोदरः सुबाहरन्धसो मदै । इन्द्रो वृत्राणि जिघ्रते ८  
 इन्द्र प्रेहि पुरस्त्वं विश्वस्येशान् ओजसा । वृत्राणि वृत्रहञ्जहि ९  
 दीर्घस्ते अस्त्वङ्कुशो येना वसु प्रयच्छसि । यजमानाय सुन्वते १०  
 अयं त इन्द्र सोमो निपूतो अधि बर्हिषि । एहीमस्य द्रवा पिब ११  
 शाचिगो शाचिपूजना ऽयं रणाय ते सुतः । आखण्डल प्र ह्यसे १२  
 यस्ते शृङ्गवृषो नपात् प्रणपात् कुरण्डपाय्यः । न्यस्मिन् दध्न आ मनः १३  
 वास्तौष्पते ध्रुवा स्थूणां ऽसत्रं सोम्यानाम् ।  
 द्रुप्सो भेत्ता पुरां शश्वतीना मिन्द्रो मुनीनां सखा १४  
 पृदाकुसानुर्यजतो गवेषण एकः सन्नभि भूर्यसः ।  
 भूर्णिमश्वं नयत् तुजा पुरो गृभे न्द्रं सोमस्य पीतये १५

(७) सप्तमं सूक्तम्

(१-२२) द्वाविंशत्यृचस्यास्य सूक्तस्य कारव इरिम्बिठिर्ऋषिः । (१-३, ५, १०-  
 २२) प्रथमादितृचस्य पञ्चम्या ऋचो दशम्यादित्रयोदशानाञ्चादित्याः, (४, ६-७)  
 चतुर्थाषष्ठीसप्तमीनामदितिः, (८) अष्टम्या अश्विनौ, (९) नवम्याश्चाग्निसूर्यानिना  
 देवताः । उष्णिक छन्दः

इदं ह नूनमैषां सुम्रं भिक्षेतु मर्त्यः । आदित्यानामपूर्व्यं सर्वामनि १  
 अनर्वाणो ह्यैषां पन्था आदित्यानाम् । अदब्धाः सन्ति पायवः सुगेवृधः २  
 तत् सु नः सविता भगो वरुणो मित्रो अर्यमा । शर्म यच्छन्तु सप्रथो यदीमहे  
 ३  
 देवेभिर्देव्यदिते ऽरिष्टभर्मन्ना गहि । स्मत् सूरिभिः पुरुप्रिये सुशर्मभिः ४  
 ते हि पुत्रासो अदितेर्विदुर्देषांसि योतवे । अंहोश्चिदुरुचक्रयोऽनेहसः ५

अदितिर्नो दिवां पशु मदितिर्नक्तमद्वयाः । अदितिः पात्वंहसः सदावृधा ६  
उत स्या नो दिवां मति रदितिरूत्या गमत् । सा शंताति मयस्करदप  
स्त्रिधः ७

उत त्या दैव्या भिषजा शं नः करतो अश्विना । युयुयातामितो रपो अप  
स्त्रिधः ८

शमग्रिग्रिभिः करच्छं नस्तपतु सूर्यः । शं वातौ वात्वरपा अप स्त्रिधः ९  
अपामीवामप स्त्रिध मप सेधत दुर्मतिम् । आदित्यासो युयोतना नो अंहसः  
१०

युयोता शरुमस्मदाँ आदित्यास उतामतिम् । ऋधग्द्वेषः कृणुत विश्ववेदसः  
११

तत् सु नः शर्म यच्छता ऽऽदित्या यन्मुमौचति । एनस्वन्तं चिदेनसः  
सुदानवः १२

यो नः कश्चिद् रिरिद्वति रक्षस्त्वेन मर्त्यः । स्वैः ष एवै रिरिषीष्ट युर्जनः १३  
समित् तमघर्मशनवद् दुःशंसं मर्त्यं रिपुम् । यो अस्मत्रा दुर्हणावाँ उप द्वयुः  
१४

पाकत्रा स्थन देवा हत्सु जानीथ मर्त्यम् । उप द्वयुं चाद्वयुं च वसवः १५  
आ शर्म पर्वताना मोतापां वृणीमहे । द्यावाँक्षामारे अस्मद् रपस्कृतम् १६  
ते नो भद्रेण शर्मणा युष्मार्कं नावा वसवः । अति विश्वानि दुरिता पिपर्तन  
१७

तुचे तनाय तत् सु नो द्राधीय आयुर्जीवसै । आदित्यासः सुमहसः कृणोतन  
१८

यज्ञो हीळो वो अन्तर आदित्या अस्ति मृळत । युष्मे इद् वो अपि षमसि  
सजात्यै १९

बृहद् वरूथं मरुता देवं त्रातारश्विना । मित्रमीमहे वरुणं स्वस्त्यै २०  
अनेहो मित्रार्यमन् नृवद् वरुण शंस्यम् । त्रिवरूथं मरुतो यन्त नश्छर्दिः २१  
ये चिद्धि मृत्युबन्धव आदित्या मनवः स्मसि । प्र सू न आयुर्जीवसै तिरेतन  
२२

(८) अष्टमं सूक्तम्

(१-३७) सप्तत्रिंशदृचस्यास्य सूक्तस्य काणवः सोभरिर्ऋषिः । (१-३३)



प्रथमादित्रयस्त्रिंशदृचामग्निः, (३४-३५) चतुस्त्रिंशीपञ्चत्रिंशयोरादित्याः, (३६-  
३७) षट्त्रिंशीसप्तत्रिंशयोश्च पौरुकृत्यस्य त्रसदस्योर्दानस्तुतिर्देवताः । (१-२६,  
२८-३३) प्रथमादिषड्विंशत्यृचामष्टाविंश्यादिषण्णाञ्च प्रगाथः (विषमर्चा ककुप्,  
समर्चा सतोबृहती), (२७) सप्तविंश्या द्विपदा विराट्, (३४) चतुस्त्रिंश्या  
उष्णिक्, (३५) पञ्चत्रिंश्याः सतोबृहती, (३६) षट्त्रिंश्याः ककुप्, (३७)  
सप्तत्रिंश्याश्च पङ्क्तिश्छन्दांसि

तं गूर्धया स्वर्णरं देवासौ देवमरतिं दधन्वरे । देवत्रा हव्यमोहिरे १  
विभूतरातिं विप्र चित्रशोचिष मग्निमीळिष्व यन्तुरम् ।  
अस्य मेधस्य सोम्यस्य सोभरे प्रेमध्वराय पूर्व्यम् २  
यजिष्ठं त्वा ववृमहे देवं देवत्रा होतारममर्त्यम् । अस्य यज्ञस्य सुक्रतुम् ३  
ऊर्जो नपातं सुभगं सुदीदिति मग्निं श्रेष्ठशोचिषम् ।  
स नो मित्रस्य वरुणस्य सो अपा मा सुभ्रं यज्ञते दिवि ४  
यः समिधा य आहृती यो वेदेन ददाश मर्ते अग्रये ।  
यो नमसा स्वध्वरः ५  
तस्येदर्वन्तो रंहयन्त आशवस्तस्य द्युमित्तं यशः ।  
न तमंहो देवकृतं कुतश्चन न मर्त्यकृतं नशत् ६  
स्वग्रयो वो अग्निभिः स्याम सूनो सहस ऊर्जा पते । सुवीरस्त्वमस्मयुः ७  
प्रशंसमानो अतिथिर्न मित्रियो ऽग्नी रथो न वेद्यः ।  
त्वे क्षेमासो अपि सन्ति साधवस्त्वं राजा रयीणाम् ८  
सो अद्धा दाश्वध्वरो ऽग्ने मर्तः सुभग स प्रशंस्यः । स धीभिरस्तु सनिता ९  
यस्य त्वमूर्ध्वो अर्ध्वराय तिष्ठसि क्षयद्वीरः स साधते ।  
सो अर्वाद्भिः सनिता स विपन्युभिः स शूरैः सनिता कृतम् १०  
यस्याग्निर्वपुर्गृहे स्तोमं चनो दधीत विश्ववार्यः । हव्या वा वेविषद् विषः  
११  
विप्रस्य वा स्तुवतः सहसो यहो मन्तूतमस्य रातिषु ।  
अवोदेवमुपरिमर्त्य कृधि वसो विविदुषो वर्चः १२  
यो अग्निं हव्यदातिभिर्नमोभिर्वा सुदक्षमाविर्वासति । गिरा  
वाजिरशोचिषम् १३  
समिधा यो निशंती दाशददिति धामभिरस्य मर्त्यः ।  
विश्वेत् स धीभिः सुभगो जनाँ अति द्युमैरुद्न इव तारिषत् १४

तदग्ने द्युममा भर यत् सासहत् सदने कं चिदत्रिणम् । मन्युं जनस्य दूढयः  
१५

येन चष्टे वरुणो मित्रो अर्यमा येन नासत्या भर्गः ।

वयं तत् ते शर्वसा गातुवित्तमा इन्द्रत्वोता विधेमहि १६

ते घेदग्ने स्वाध्योऽये त्वा विप्र निदधिरे नृचक्षसम् । विप्रांसो देव सुक्रतुम्  
१७

त इद् वेदिं सुभग त आहुतिं ते सोतुं चक्रिरे दिवि ।

त इद् वाजैभिर्जिग्युर्महद् धनं ये त्वे कामं न्येरिरे १८

भद्रो नो अग्निराहुतो भद्रा रातिः सुभग भद्रो अध्वरः । भद्रा उत प्रशस्तयः  
१९

भद्रं मनः कृणुष्व वृत्रतूर्ये येना समत्सु सासहः ।

अव स्थिरा तनुहि भूरि शर्धतां वनेमा ते अभिष्टिभिः २०

ईळे गिरा मनुर्हितं यं देवा दूतमरतिं न्येरिरे । यजिष्ठं हव्यवाहनम् २१

तिग्मजम्भाय तरुणाय राजते प्रयो गायस्यग्रये ।

यः पिंशते सूनृताभिः सुवीर्यं मग्निघृतेभिराहुतः २२

यदी घृतेभिराहुतो वाशीमग्निर्भरत उच्चाव च । असुर इव निर्णिजम् २३

यो हव्यान्यैरयता मनुर्हितो देव आसा सुगन्धिना ।

विवासते वार्याणि स्वध्वरो होता देवो अमर्त्यः २४

यदग्ने मर्त्यस्त्वं स्यामहं मित्रमहो अमर्त्यः । सहसः सूनवाहुत २५

न त्वा रासीयाभिर्शस्तये वसो न पापत्वार्य सन्त्य ।

न मे स्तोतामतीवा न दुर्हितः स्यादग्ने न पापया २६

पितुर्न पुत्रः सुभृतो दुरोण आ देवाँ एतु प्र णौ हविः २७

तवाहर्मग्न ऊतिभिर्नेदिष्ठाभिः सचेय जोषमा वसो । सदा देवस्य मर्त्यः  
२८

तव क्रत्वा सनेयं तव रातिभिरग्ने तव प्रशस्तिभिः ।

त्वामिदाहुः प्रमतिं वसो ममाग्ने हर्षस्व दातवे २९

प्र सो अग्ने तवोतिभिः सुवीराभिस्तिरते वाजभर्मभिः । यस्य त्वं

सख्यमावरः ३०

तव द्रुप्सो नीलवान् वाश ऋत्विय इन्धानः सिष्णावा ददे ।

त्वं महीनामुषसामसि प्रियः क्षपो वस्तुषु राजसि ३१

तमार्गन्म सोभरयः सहस्रमुष्कं स्वभिष्टिमवसे । सम्राजं त्रासदस्यवम् ३२  
यस्य ते अग्रे अन्ये अग्रय उपक्षितौ वया इव ।  
विपो न द्युम्ना नि युवे जनानां तव क्षत्राणि वर्धयन् ३३  
यमादित्यासो अद्भुहः पारं नयथ मर्त्यम् । मघोनां विश्वेषां सुदानवः ३४  
यूयं राजानः कं चिच्चर्षणीसहः क्षयन्तं मानुषाँ अनु ।  
वयं ते वो वरुण मित्रार्यमन् तस्यामेदृतस्य रथ्यः ३५  
अदान्मे पौरुकुत्स्यः पञ्चाशतं त्रासदस्युर्वधूनाम् । मंहिष्ठो अर्यः सत्पतिः ३६  
उत मै प्रियर्योर्व्रियर्योः सुवास्त्वा अधि तुग्वनि ।  
तिसृणां सप्ततीनां श्यावः प्रणेता भुवद् वसुर्दियानां पतिः ३७

(६) नवमं सूक्तम्

(१-२६) षड्विंशत्यृचस्यास्य सूक्तस्य कारणः सोभरिर्ऋषिः । मरुतो देवताः ।

प्रगाथः (विषमर्चा ककुप्, समर्चा सतोबृहती) छन्दः

आ गन्ता मा रिषण्यत् प्रस्थलवानो माप स्थाता समन्यवः । स्थिरा  
चिन्नमयिष्णवः १ वीळुपविभिर्मरुत ऋभुक्षण आ रुद्रासः सुदीतिभिः ।  
इषा नो अद्या गता पुरुस्पृहो यज्ञमा सोभरीयवः २  
विद्या हि रुद्रियाणां शुष्ममुग्रं मरुतां शिमीवताम् । विष्णोरिषस्य मीळुषाम्  
३  
वि द्वीपानि पापतन् तिष्ठद् दुच्छुनो भे युजन्त रोदसी ।  
प्र धन्वान्यैरत शुभ्रखादयो यदेजथ स्वभानवः ४  
अच्युता चिद् वो अज्मन्ना नानदति पर्वतासो वनस्पतिः । भूमिर्यामेषु रेजते  
५  
अमाय वो मरुतो यातवे द्यौर्जिहीत उत्तरा बृहत् ।  
यत्रा नरो देदिशते तनूष्वा त्वक्षासि ब्राह्मोजसः ६  
स्वधामनु श्रियं नरो महि त्वेषा अमवन्तो वृषप्सवः । वहन्ते अहुतप्सवः  
७  
गोभिर्वाणो अज्यते सोभरीणां रथे कोशे हिरण्यये ।  
गोबन्धवः सुजातास इषे भुजे महान्तो नः स्पर्से नु ८  
प्रति वो वृषदञ्जयो वृष्णे शर्धाय मारुताय भरध्वम् । हव्या वृषप्रयाव्णे ९  
वृष्णश्वेन मरुतो वृषप्सुना रथेन वृषनाभिना ।

आ श्येनासो न पक्षिणो वृथा नरो हव्या नो वीतये गत १०  
 समानमञ्जयेषां वि भ्राजन्ते रुक्मासो अधि बाहुषु । दविद्युतत्यृष्टयः ११  
 त उग्रासो वृषण उग्रबाहवो नकिष्टनूषु येतिरे ।  
 स्थिरा धन्वान्यायुधा रथेषु वो ऽनीकेष्वधि श्रियः १२  
 येषामर्णो न सप्रथो नाम त्वेषं शश्वतामेकमिद् भुजे । वयो न पित्र्यं सहः  
 १३  
 तान् वन्दस्व मरुतस्तां उप स्तुहि तेषां हि धुनीनाम् ।  
 अराणां न चरमस्तदेषां दाना म्हा तदेषाम् १४  
 सुभगः स व ऊति ष्वास पूर्वासु मरुतो व्युष्टिषु । यो वा नूनमुतासति १५  
 यस्य वा यूयं प्रति वाजिनो नर आ हव्या वीतये गथ ।  
 अभि ष द्युमैरुत वाजसातिभिः सुम्ना वो धूतयो नशत् १६  
 यथा रुद्रस्य सूनवो दिवो वशन्त्यसुरस्य वेधसः । युवानस्तथेदसत् १७  
 ये चार्हन्ति मरुतः सुदानवः स्मन्मीळुषश्चरन्ति ये ।  
 अर्तश्चिदा न उप वस्यसा हदा युवान आ ववृध्वम् १८  
 यून ऊ षु नविष्ठया वृष्णः पावकां अभि सौभरे गिरा । गाय गा इव चकृषत्  
 १९  
 साहा ये सन्ति मुष्टिहेव हव्यो विश्वासु पृत्सु होतृषु ।  
 वृष्णाश्चन्द्रान्न सुश्रवस्तमान् गिरा वन्दस्व मरुतो अह २०  
 गार्वाश्चिद् घा समन्यवः सजात्येन मरुतः सबन्धवः । रिहते ककुभौ मिथः  
 २१  
 मर्तश्चिद् वो नृतवो रुक्मवक्षस उप भ्रातृत्वमायति ।  
 अधि नो गात मरुतः सदा हि व आपित्वमस्ति निध्रुवि २२  
 मरुतो मारुतस्य न आ भेषजस्य वहता सुदानवः । यूयं संखायः सप्तयः  
 २३  
 याभिः सिन्धुमर्वथ याभिस्तूर्वथ याभिर्दशस्यथा क्रिविम् ।  
 मयौ नो भूतोतिभिर्मयोभुवः शिवाभिरसचद्विषः २४  
 यत्सिन्धौ यदसिक्न्यां यत् समुद्रेषु मरुतः सुबर्हिषः । यत् पर्वतेषु भेषजम्  
 २५  
 विश्वं पश्यन्तो बिभृथा तनूष्वा तेना नो अधि वोचत ।  
 क्षमा रपो मरुत आतुरस्य न इष्कर्ता विहुतं पुनः २६

द्वितीयोऽध्यायः

व० १-४०

(१०) दशमं सूक्तम्

(१-१८) अष्टादशर्चास्यास्य सूक्तस्य काणवः सोभरिर्ऋषिः । (१-१६)  
प्रथमादिषोडशर्चामिन्द्रः, (१७-१८) सप्तदशष्टादशयोश्च चित्रस्य दानस्तुतिर्देवते ।

प्रगाथः (विषमर्चा ककुप्, समर्चा सतोबृहती) छन्दः

वृयमु त्वामपूर्व्यं स्थूरं न कञ्चिद् भरन्तोऽवस्यवः । वाजै चित्रं हवामहे १  
उप त्वा कर्मन्नूतये स नो युवो ग्रश्चक्राम यो धृषत् ।

त्वामिद्धयवितारं ववृमहे सखाय इन्द्र सानसिम् २

आ याहीम इन्द्रवो ऽश्वपते गोपत उर्वरापते । सोमं सोमपते पिब ३

वयं हि त्वा बन्धुमन्तमबन्धवो विप्रांस इन्द्र येमिम ।

या ते धामानि वृषभ तेभिरा गहि विश्वेभिः सोमपीतये ४

सीदन्तस्ते वयो यथा गोश्रीते मधौ मदिरे विवक्षणे । अभि त्वामिन्द्र नोनुमः  
५

अच्छा च त्वैना नमसा वदामसि किं मुहश्चिद् वि दीधयः ।

सन्ति कामासो हरिवो ददिष्टं स्मो वयं सन्ति नो धियः ६

नूत्रा इदिन्द्र ते वृय मूती अभूम नहि नू तै अद्रिवः । विद्या पुरा परीणसः ७

विद्या सखित्वमुत शूर भोज्यश्मा ते ता वज्रिन्नीमहे ।

उतो समस्मिन्ना शिशीहि नो वसो वाजै सुशिप्र गोमति ८

यो न इदमिदं पुरा प्र वस्यं आनिनाय तमु वः स्तुषे । सखाय इन्द्रमूतये ९

हर्यश्वं सत्पतिं चर्षणीसहं स हि ष्मा यो अमन्दत ।

आ तु नः स वयति गव्यमश्वयं स्तोतृभ्यो मघवा शतम् १०

त्वया ह स्विद् युजा वयं प्रति श्वसन्तं वृषभ ब्रुवीमहि । संस्थे जनस्य

गोमतः ११ जयैम कारे पुरुहूत कारिणो ऽभि तिष्ठेम दूढयः ।

नृभिर्वृत्रं हन्याम शूश्याम चाऽवैरिन्द्र प्र णो धियः १२

अभ्रातृव्यो अना त्व मनापिरिन्द्र जनुषा सनादसि । युधेदापित्वमिच्छसे

१३

नकी रेवन्तं सख्याय विन्दसे पीयन्ति ते सुराश्वः ।

यदा कृणोषि नदनुं समूहस्या दित् पितेव हूयसे १४

मा तै अमाजुरौ यथा मूरास इन्द्र सख्ये त्वावतः । नि षदाम सचा सुते १५

मा तै गोदत्र निरराम राधस इन्द्र मा तै गृहामहि ।  
 दृळहा चिदर्यः प्र मृशाभ्या भर न तै दामान आदभै १६  
 इन्द्रो वा घेदियन्मघं सरस्वती वा सुभगा ददिर्वसु । त्वं वा चित्र दाशुषे  
 १७  
 चित्र इद् राजा राजका इदन्यके यके सरस्वतीमनु ।  
 पर्जन्य इव ततनद्धि वृष्ट्या सहस्रमयुता ददत् १८

(११) एकादशं सूक्तम्

(१-१८) अष्टादशर्चास्यास्य सूक्तस्य कारवः सोभरिर्ऋषिः । अश्विनौ देवते । (१-  
 ६) प्रथमादिषडृचां प्रगाथः (विषमर्चा बृहती, समर्चा सतोबृहती), (७) सप्तम्या  
 बृहती, (८) अष्टम्या अनुष्टुप्, (९-१०, १३-१८)  
 नवमीदशम्योस्त्रयोदश्यादिषण्णाञ्च काकुभः प्रगाथः (विषमर्चा ककुप्, समर्चा  
 सतोबृहती), (११) एकादश्याः ककुप्, (१२) द्वादश्याश्च मध्येज्योतिस्त्रिष्टुप्  
 छन्दांसि

ओ त्यमह आ रथ मद्या दंसिष्ठमृतये ।  
 यमश्विना सुहवा रुद्रवर्तनी आ सूर्यायै तस्थथुः १  
 पूर्वापुषं सुहवं पुरुस्पृहं भुज्युं वाजेषु पूर्व्यम् ।  
 सचनावन्तं सुमतिभिः सोभरे विद्वेषसमनेहसम् २  
 इह त्या पुरुभूर्तमा देवा नमोभिरश्विना ।  
 अर्वाचीना स्ववसे करामहे गन्तारा दाशुषो गृहम् ३  
 युवो रथस्य परि चक्रमीयत ईर्मान्यद् वामिषणयति ।  
 अस्माँ अच्छाँ सुमतिर्वाँ शुभस्पती आ धेनुरिव धावतु ४  
 रथो यो वाँ त्रिवन्धुरो हिरणयाभीशुरश्विना ।  
 परि द्यावापृथिवी भूषति श्रुत स्तेनं नासत्या गतम् ५  
 दशस्यन्ता मनवे पूर्व्यं दिवि यवं वृकेण कर्षथः ।  
 ता वामद्य सुमतिभिः शुभस्पती अश्विना प्र स्तुवीमहि ६  
 उपं नो वाजिनीवसू यातमृतस्य पृथिभिः ।  
 येभिस्तृद्धिं वृषणा त्रसदस्यवं महे क्षत्राय जिन्वथः ७  
 अयं वामद्रिभिः सुतः सोमो नरा वृषणवसू ।  
 आ यातं सोमपीतये पिबतं दाशुषो गृहे ८

आ हि रु॒हत॑मश्वि॒ना रथे॑ कोशै॑ हिर॒ण्ययै॑ वृषणवसू ।  
 यु॒ञ्जाथां॑ पीव॒रीरिषः॑ ६  
 याभिः॑ पु॒क्थमव॑थो याभिर॒धिगुं॑ याभिर्बु॒धुं विजौष॑सम् ।  
 ताभि॑र्नो म॒क्षू तूर्य॑मश्वि॒ना गतं॑ भिष॒ज्यतं॑ यदातु॑रम् १०  
 यदधि॑गावो अ॒धिगू॑ इ॒दा चि॒दह्नौ॑ अश्वि॒ना हवाम॑हे ।  
 व॒यं गी॑र्भिर्वि॒प॒न्यवः॑ ११  
 ताभिरा॑ यातं वृष॒णोप॑ मे हव॑ विश्व॒प्सुं विश्व॑वार्यम् ।  
 इ॒षा मं॑हि॒ष्ठा पुरु॑भू॒तमा नरा॑ याभिः॑ क्रि॒विं वावृ॑धुस्ताभिरा ग॒तम् १२  
 तावि॑दा चि॒दह्ना॑नां ताव॒श्विना॑ वन्द॒मान् उप॑ ब्रुवे । ता ऊ॒ नमो॑भिरीमहे १३  
 तावि॑द् दोषा ता उ॒षसि॑ शु॒भस्प॑ती ता याम॑न् रु॒द्रव॑र्तनी ।  
 मा नो॑ म॒ताय॑ रि॒पवै॑ वाजि॒नीव॑सू प॒रो रु॒द्राव॑ति र॒व्यत॑म् १४  
 आ सु॑ग॒म्याय॑ सु॒गम्यं॑ प्रा॒ता रथे॑नाश्वि॒ना वा स॒क्षणी॑ । हु॒वे पि॒तेव॑ सोभ॑री १५  
 मनौ॑जवसा वृषणा म॒दच्यु॑ता म॒क्षुंग॑माभि॒रूति॑भिः ।  
 आ॒रात्ता॑च्चि॒द्भूत॑म॒स्मे अ॒वसे॑ पु॒र्वीभिः॑ पुरु॒भोज॑सा १६  
 आ नो॑ अ॒श्वाव॑दश्वि॒ना व॒र्तियो॑सिष्टं मधु॒पात॑मा नरा । गोम॑द् द॒स्त्रा हिर॑ण्यवत्  
 १७  
 सु॒प्राव॑र्गं सु॒वीर्यं॑ सु॒ष्ठु वा॒र्य॑ म॒नाधृ॑ष्टं र॒क्षस्वि॑ना ।  
 अ॒स्मिन्ना॑ वा॒मायानै॑ वाजि॒नीव॑सू विश्वा॑ वा॒मानि॑ धीमहि १८

(१२) द्वादशं सूक्तम्

(१-३०) त्रिंशद्दृचस्यास्य सूक्तस्य वैयश्चो विश्वमना ऋषिः । अग्निर्देवता ।

उष्णिक छन्दः

ई॒ळि॒ष्वा हि॑ प्र॒तीव्यं॑ यज॒स्व जा॒तवे॑दसम् । च॒रि॒ष्णाधूम॑मगृ॒भीत॑शोचिषम् १  
 दा॒मानं॑ विश्वच॒र्षणे॑ ऽग्निं विश्वम॒नो गि॒रा । उ॒त स्तु॑षे वि॒ष्प॑र्धसो रथानाम् २  
 येषा॑माबा॒ध ऋ॒ग्मि॒र्य इ॒षः पृ॒क्षश्च॑ नि॒ग्रभे॑ । उ॒प॒वि॒दा वह्नि॑र्विन्दते वसु ३  
 उ॒दस्य॑ शोचि॒रस्था॑द् दी॒दियु॑षो व्य॒र्जर॑म् । तपु॑र्जम्भस्य सु॒द्युतो॑ ग॒णश्रि॑यः ४  
 उ॒दु तिष्ठ॑ स्वध्व॒र स्त॒वानो॑ दे॒व्या कृ॒पा । अ॒भि॒रु॒व्या भा॒सा बृ॑हता शु॒शु॒क्वनिः॑  
 ५

अ॒ग्ने या॒हि सु॑श॒स्तिभि॑र्ह॒व्या जु॒ह्वान॑ आ॒नुष॑क् । यथा॑ दू॒तो बृ॒भूथ॑  
 ह॒व्यवा॑हनः ६

अग्निं वः पूर्व्यं हुवे होतारं चर्षणीनाम् । तमया वाचा गृणे तमु वः स्तुषे ७  
 यज्ञेभिरद्धतक्रतुं यं कृपा सूदयन्त इत् । मित्रं न जने सुधितमृतावनि ८  
 ऋतावानमृतायवो यज्ञस्य साधनं गिरा । उपौ एनं जुजुषुर्नर्मसस्पदे ९  
 अच्छा नो अङ्गिरस्तमं यज्ञासौ यन्तु संयतः । होता यो अस्ति विद्वा  
 यशस्तमः १०

अग्ने तव त्ये अजरे न्धानासो बृहद् भाः । अश्वा इव वृषणस्तविषीयवः ११  
 स त्वं न ऊर्जा पते रयिं रास्व सुवीर्यम् । प्राव नस्तोके तनये समत्स्वा १२  
 यद् वा उ विश्पतिः शितः सुप्रीतो मनुषो विशि । विश्वेदग्निः प्रति रक्षांसि  
 सेधति १३

श्रुष्ट्यग्ने नवस्य मे स्तोमस्य वीर विश्पते । नि मायिनस्तपुषा रक्षासौ दह  
 १४

न तस्य मायया चन रिपुरीशीत् मर्त्यः । यो अग्रये द्वादश हव्यदातिभिः १५  
 व्यश्वस्त्वा वसुविदं मुक्षयुरप्रीणादृषिः । महो राये तमु त्वा समिधीमहि  
 १६

उशना काव्यस्त्वा नि होतारमसादयत् । आयजिं त्वा मनवे जातवेदसम्  
 १७

विश्वे हि त्वा सजोषसो देवासौ दूतमक्रत । श्रुष्टी देव प्रथमो यज्ञियो भुवः  
 १८

इमं घा वीरो अमृतं दूतं कृणवीत् मर्त्यः । पावकं कृष्णवर्तनिं विहायसम्  
 १९

तं हुवेम यत्स्रुचः सुभासं शक्रशौचिषम् । विशामग्निमजरं प्रत्नमीडयम् २०  
 यो अस्मै हव्यदातिभि राहुतिं मर्तोऽविधत् । भूरि पोषं स धत्ते वीरवद् यशः  
 २१

प्रथमं जातवेदसमग्निं यज्ञेषु पूर्व्यम् । प्रति स्रुगैति नमसा हविष्मती २२  
 आभिर्विधेमाग्रये ज्येष्ठाभिव्यश्ववत् । मंहिष्ठाभिर्मतिभिः शक्रशौचिषे २३

नूनमर्चं विहायसे स्तोमैभिः स्थूरयूपवत् । ऋषे वैयश्व दम्यायाग्रये २४  
 अतिथिं मानुषाणां सूनुं वनस्पतीनाम् । विप्रा अग्निमवसे प्रत्नमीळते २५  
 महो विश्वा अभि षतोऽभि हव्यानि मानुषा । अग्ने नि षत्सि नमसाधि  
 बर्हिषि २६

वंस्वा नो वार्या पुरु वंस्व रायः पुरुस्पृहः । सुवीर्यस्य प्रजावतो यशस्वतः



२७

त्वं वरो सुषाम्णे ऽग्ने जनाय चोदय । सदा वसो रातिं यविष्ठु शश्वते २८  
त्वं हि सुप्रतूरसि त्वं नो गोमतीरिषः । महो रायः सातिमग्ने अपा वृधि २९  
अग्ने त्वं यशा अस्या मित्रावरुणा वह । ऋतावाना सम्राजा पूतदक्षसा ३०

(१३) त्रयोदशं सूक्तम्

(१-३०) त्रिंशदृचस्यास्य सूक्तस्य वैयश्वो विश्वमना ऋषिः । (१-२७)

प्रथमादिसप्तविंशत्यृचामिन्द्रः, (२८-३०) अष्टाविंश्यादितृचस्य च सौषाम्णस्य  
वरोदानस्तुतिर्देवते । (१-२९) प्रथमाद्येकोनत्रिंशदृचामुष्णिक, (३०)

त्रिंश्याश्चानुष्टुप् छन्दसी

सखाय आ शिषामहि ब्रह्मेन्द्राय वृज्जिणै । स्तुष ऊ षु वो नृतमाय धृष्णवे १  
शर्वसा ह्यसि श्रुतो वृत्रहत्येन वृत्रहा । मधैर्मघोनो अति शूर दाशसि २  
स नः स्तवान आ भर रयिं चित्रश्रवस्तमम् । निरेके चिद् यो हरिवो  
वसुर्ददिः ३

आ निरेकमुत प्रिय मिन्द्र दर्षि जनानाम् । धृषता धृष्णो स्तवमान आ भर  
४

न तै सुव्यं न दक्षिणं हस्तं वरन्त आमुरः । न परिबाधो हरिवो गर्विष्ठिषु ५  
आ त्वा गोभिरिव वृजं गीर्भिर्त्रृणोम्यद्रिवः । आ स्मा कामं जरितुरा मनः  
पृण ६

विश्वानि विश्वमनसो धिया नो वृत्रहन्तम । उग्र प्रणेतुरधि षू वसो गहि ७  
वयं तै अस्य वृत्रहन् विद्यामं शूर नव्यसः । वसोः स्पार्हस्यं पुरुहूत राधसः  
८

इन्द्र यथा ह्यस्ति ते ऽपरीतं नृतो शवः । अमृक्ता रातिः पुरुहूत दाशुषै ९  
आ वृषस्व महामह महे नृतम् राधसे । दृळहश्चिद् दृह्य मघवन् मघत्तये १०  
नू अन्यत्रा चिदद्रिव स्त्वन्नौ जग्मुराशसः । मघवञ्छग्धि तव तन्न ऊतिभिः  
११

नह्यश्ङ्ग नृतो त्व दन्यं विन्दामि राधसे । राये द्युम्नाय शर्वसे च गर्विणः  
१२

एन्दुमिन्द्राय सिञ्चत पिबाति सोम्यं मधु । प्र राधसा चोदयाते महित्वना १३  
उपो हरीणां पतिं दक्षं पृञ्चन्तमब्रवम् । नूनं श्रुधि स्तुवतो अश्वघस्य १४

नृह्य॑श्ङ्ग॒ पुरा॑ च॒न ज॒ज्ञे वी॒रतर॑स्त्वत् । नकी॑ रा॒या नैव॒था न भ॒न्दना॑ १५  
 ए॒दु म॒ध्वो म॒दिन्तरं॑ सि॒ञ्च वा॑ध्व॒र्यो अ॒न्धसः॑ । ए॒वा हि वी॒रः स्त॑वते  
 स॒दावृ॑धः १६  
 इन्द्रं॑ स्थात॒र्हरीणां॑ नकि॒ष्टे पू॒र्व्यस्तु॑तिम् । उ॒दानं॑श् श॒र्वसा॑ न भ॒न्दना॑ १७  
 तं वो॑ वा॒जानां॑ पति॒ महू॑महि श्रव॒स्यवः॑ । अ॒प्रायु॑भिर्य॒ज्ञेभिर्वा॑वृ॒धेन्य॑म् १८  
 ए॒तो न्विन्द्रं॑ स्त॒वाम् स॒खायः॑ स्तो॒म्यं नर॑म् । कृ॒ष्टीर्यो॑ विश्वा॒ अभ्य॑स्त्ये॒क इत् १९  
 अ॒गौरु॑धाय ग॒विषे॑ द्यु॒क्षाय॑ द॒स्म्यं वचः॑ । घृ॒तात् स्वा॑दी॒यो म॒धुनश्च॑ वोचत  
 २०  
 यस्या॑मि॒तानि॑ वी॒र्या॑इ॒ न रा॒धः पर्य॑तवे । ज्यो॒तिर्न॑ विश्व॒मभ्य॑स्ति॒ दक्षि॑णा २१  
 स्तु॒हीन्द्रं॑ व्य॒श्वव॑ द॒नूर्मि॑ वा॒जिन॑ं यम॒म् । अ॒र्यो ग॑यं म॒हमा॑नं॒ वि दा॑शुषे २२  
 ए॒वा नू॒नमु॑प॒ स्तुहि॑ वै॒र्यश्च॑ द॒शमं॑ न॒वम् । सु॒वि॒द्वांसं॑ च॒र्कृत्य॑ च॒रणी॑नाम् २३  
 वे॒त्था हि॑ नि॒र्ऋती॑नां॒ वज्र॑हस्त॒ परिवृ॑जम् । अ॒हर॑हः श॒न्ध्युः प॑रि॒पदा॑मिव  
 २४  
 तदिन्द्रा॑व॒ आ भ॑र॒ येना॑ दंसिष्ट॒ कृत्व॑ने । द्वि॒ता कु॑त्सा॒य शि॑श्नथो॒ नि चौ॑दय  
 २५  
 तमु॑ त्वा नू॒नमी॑महे न॒व्यं दंसि॑ष्ट॒ सन्य॑से । स त्वं नो॒ विश्वा॑ अभि॒मातीः॑  
 स॒क्षणिः॑ २६  
 य ऋ॒क्षाद॑हंसो॒ मुच॑द् यो वा॒र्यात् स॒प्त सि॒न्धुषु॑ । व॒धर्दा॑सस्य॒ तुवि॑नृ॒ष्णा  
 नी॒नमः॑ २७  
 यथा॑ वरो॒ सुषा॑मो॒ सनि॑भ्य॒ आर्व॑हो॒ रयि॑म् । व्य॒श्वेभ्यः॑ सु॒भगे॑ वा॒जिनी॑वति  
 २८  
 आ न॒ार्य॑स्य॒ दक्षि॑णा॒ व्यश्वाँ॑ ए॒तु सो॑मिनः । स्थू॒रं च॑ रा॒धः श॒तव॑त् स॒हस्र॑वत्  
 २९  
 यत् त्वा॑ पृ॒च्छादी॑जा॒नः कु॑ह॒या कु॑ह॒याकृ॑ते । ए॒षो अ॑प॒श्रितो॑ व॒लो गो॑म॒तीम॑व॒  
 तिष्ठ॑ति ३०

(१४) चतुर्दशं सूक्तम्

(१-२४) चतुर्विंशत्यृचस्यास्य सूक्तस्य वैयश्वो विश्वमना ऋषिः । (१-६, १३-२४)  
 प्रथमादिनवर्चा त्रयोदश्यादिद्वादशानाञ्च मित्रावरुणौ, (१०-१२) दशम्यादितृचस्य

च विश्वे देवा देवताः । (१-२२, २४) प्रथमादिद्वाविंशत्यृचां चतुर्विंश्याश्चोष्णिक,  
(२३) त्रयोविंश्याश्चोष्णिग्गर्भा छन्दसी  
ता वां विश्वस्य गोपा देवा देवेषु यज्ञिया । ऋतावाना यजसे पूतदक्षसा १  
मित्रा तना न रथ्याः वरुणो यश्च सुक्रतुः । सनात् सुजाता तनया धृतव्रता  
२  
ता माता विश्ववेदसा ऽसुर्याय प्रमहसा । मही जजानादितिर्ऋतावरी ३  
महान्ता मित्रावरुणा सम्राजा देवावसुरा । ऋतावानावृतमा घोषतो बृहत् ४  
नपाता शवसो महः सूनू दक्षस्य सुक्रतू । सृप्रदानू इषो वास्त्वधि क्षितः ५  
सं या दानूनि येमथु दिव्याः पार्थिवीरिषः । नभस्वतीरा वा चरन्तु वृष्टयः  
६  
अधि या बृहतो दिवोः ऽभि यूथेव पश्यतः । ऋतावाना सम्राजा नमसे  
हिता ७  
ऋतावाना नि षैदतुः साम्राज्याय सुक्रतू । धृतव्रता क्षत्रिया क्षत्रमाशतुः ८  
अक्षश्चिद् गातुवित्तरा ऽनुल्बणेन चक्षसा । नि चिन्मिषन्ता निचिरा नि  
चिक्वतुः ९  
उत नो देव्यदिति रुरुष्यतां नासत्या । उरुष्यन्तु मरुतो वृद्धशवसः १०  
ते नो नावमुरुष्यत दिवा नक्तं सुदानवः । अरिष्यन्तो नि पायुभिः सचेमहि  
११  
अघ्नते विष्णावे वय मरिष्यन्तः सुदानवे । श्रुधि स्वयावन् त्सिन्धो  
पूर्वचित्तये १२  
तद् वार्यं वृणीमहे वरिष्ठं गोपयत्यम् । मित्रो यत् पान्ति वरुणो यदर्यमा १३  
उत नः सिन्धुरपां तन्मरुतस्तदश्विना । इन्द्रो विष्णुर्मीदवांसः सजोषसः १४  
ते हि ष्मा वनुषो नरो ऽभिमातिं कयस्य चित् । तिग्मं न क्षोदः प्रतिघ्नन्ति  
भूर्णयः १५  
अयमेकं इत्था पुरू रु चष्टे वि विश्पतिः । तस्य वृतान्यनु वश्चरामसि १६  
अनु पूर्वाण्योक्या साम्राज्यस्य सश्चिम । मित्रस्य वृता वरुणस्य दीर्घश्रुत् १७  
परि यो रश्मिना दिवो ऽन्तान् ममे पृथिव्याः । उभे आ पंप्रौ रोदसी महित्वा  
१८  
उदु ष्य शरणे दिवो ज्योतिरयंस्त सूर्यः । अग्निर्न शुक्रः समिधान आहुतः  
१९

वचो दीर्घप्रसङ्गनी शे वाजस्य गोमंतः । ईशे हि पित्वोऽविषस्य दावने  
२०

तत् सूर्यं रोदसी उभे दोषा वस्तोरुपं ब्रुवे । भोजेष्वस्माँ अभ्युच्चरा सदा २१  
ऋजमुक्षरायने रजतं हरयाणे । रथं युक्तमसनाम सुषामणि २२  
ता मे अश्वयानां हरीणां नितोशना । उतो नु कृत्यानां नृवाहसा २३  
स्मदभीशू कशावन्ता विप्रा नविष्ठया मती । महो वाजिनावर्वन्ता  
सचासनम् २४

(१५) पञ्चदशं सूक्तम्

(१-२५) पञ्चविंशत्यृचस्यास्य सूक्तस्य वैयश्वो विश्वमना आङ्गिरसो व्यश्वो वा ऋषिः  
। (१-१६) प्रथमाद्येकोनविंशत्यृचामश्विनौ, (२०-२५) विंश्यादिषरणाञ्च  
वायुर्देवताः । (१-१५, २२-२४) प्रथमादिपञ्चदशर्चा द्वाविंश्यादितृचस्य  
चोष्णिक, (१६-१६, २१, २५) षोडश्यादिचतसृणामेकविंशीपञ्चविंशयोश्च गायत्री,  
(२०) विंश्याश्चानुष्टुप् छन्दांसि

युवोरु षू रथं हुवे सधस्तुत्याय सूरिषु । अतूर्तदक्षा वृषणा वृषणवसू १  
युवं वरो सुषाम्णौ महे तनै नासत्या । अवौभिर्याथो वृषणा वृषणवसू २  
ता वामद्य हवामहे हव्येभिर्वाजिनीवसू । पूर्वीरिष इषयन्तावतिं क्षपः ३  
आ वां वाहिष्ठो अश्विना रथौ यातु श्रुतो नरा । उप स्तोमान् तुरस्यं दर्शथः  
श्रिये ४

जुहुराणा चिदश्विना ऽऽमन्येथां वृषणवसू । युवं हि रुद्रा पर्षथो अति द्विषः  
५

दस्त्रा हि विश्वमानुषङ् मक्षूभिः परिदीयथः । धियंजिन्वा मधुवर्णा शुभस्पती  
६

उप नो यातमश्विना राया विश्वपुषा सह । मघवाना सुवीरावनपच्युता ७  
आ मे अस्य प्रतीव्यश् मिन्द्रनासत्या गतम् । देवा देवैर्भिरद्य सचनस्तमा ८  
वयं हि वां हवामह उक्षरायन्तो व्यश्ववत् । सुमतिभिरुप विप्राविहा गतम्  
९

अश्विना स्वृषे स्तुहि कुवित् ते श्रवतो हवम् । नेदीयसः कूळयातः पूर्णोरुत  
१०

वैयश्वस्यं श्रुतं नरोतो मे अस्य वैदथः । सजोषसा वरुणो मित्रो अर्यमा ११

युवादेत्तस्य धिष्ण्या युवानीतस्य सूरिभिः । अहरहर्वृषणा मह्यं शिक्ततम्  
१२

यो वां यज्ञेभिरावृतो ऽधिवस्त्रा वधूरिव । सपर्यन्ता शुभे चक्राते अश्विना  
१३

यो वामुरुव्यचस्तमं चिकेतति नृपाय्यम् । वर्तिरश्विना परि यातमस्मयू १४

अस्मभ्यं सु वृषणवसू यातं वर्तिर्नृपाय्यम् । विषुद्दुहैव यज्ञमूहथुर्गिरा १५

वाहिष्ठो वां हवानां स्तोमौ दूतो हुवन्नरा । युवाभ्यां भूत्वश्विना १६

यददो दिवो अर्णव इषो वा मदथो गृहे । श्रुतमिन्मै अमर्त्या १७

उत स्या श्वेतयावरी वाहिष्ठा वां नदीनाम् । सिन्धुर्हिरण्यवर्तनिः १८

स्मदेतया सुक्रीत्या ऽश्विना श्वेतया धिया । वहैथे शुभ्रयावाना १९

युद्धवा हि त्वं रथासहा युवस्व पोष्या वसो । आन्नौ वायो मधु

पिबा ऽस्माकं सवना गहि २०

तव वायवृतस्पते त्वष्टर्जामातरद्भुत । अवास्या वृणीमहे २१

त्वष्टर्जामातरं वय मीशानं राय ईमहे । सुतावन्तो वायुं द्युम्ना जनासः २२

वायौ याहि शिवा दिवो वहस्वा सु स्वश्वयम् । वहस्व महः पृथुपक्षसा रथे

२३

त्वां हि सुप्सरस्तमं नृषदनेषु हूमहै । ग्रावाणं नाश्वपृष्ठं मंहना २४

स त्वं नो देव मनसा वायौ मन्दानो अग्रियः । कृधि वाजाँ अपो धियः २५

(१६) षोडशं सूक्तम्

(१-२२) द्वाविंशत्यृचस्यास्य सूक्तस्य वैवस्वतो मनुर्ऋषिः । विश्वे देवा देवताः ।

प्रगाथः (विषमर्चा बृहती, समर्चा सतोबृहती) छन्दः

अग्निरुक्थे पुरोहितो ग्रावाणो बर्हिरध्वरे ।

ऋचा यामि मरुतो ब्रह्मणस्पतिं देवाँ अवो वरैण्यम् १

आ पशुं गांसि पृथिवीं वनस्पतीं नुषासा नक्तमोषधीः ।

विश्वे च नो वसवो विश्ववेदसो धीनां भूत प्रावितारः २

प्र सू न एत्वध्वरोऽग्ना देवेषु पूर्व्यः ।

आदित्येषु प्र वरुणे धृतव्रते मरुत्सु विश्वभानुषु ३

विश्वे हि ष्मा मनवे विश्ववेदसो भुवन् वृधे रिशादसः ।

अरिष्टेभिः पायुभिर्विश्ववेदसो यन्ता नोऽवृकं छर्दिः ४

आ नो अद्य समनसो गन्ता विश्वे सजोषसः ।  
 ऋचा गिरा मरुतो देव्यदिते सदाने पस्त्ये महि ५  
 अभि प्रिया मरुतो या वो अश्वया हव्या मित्र प्रयाथन ।  
 आ बर्हिरिन्द्रो वरुणस्तुरा नर आदित्यासः सदान्तु नः ६  
 वयं वो वृक्तबर्हिषो हितप्रयस आनुषक् ।  
 सुतसौमासो वरुण हवामहे मनुष्वदिद्धाग्रयः ७  
 आ प्र यात मरुतो विष्णो अश्विना पूषन् मार्कीनया धिया ।  
 इन्द्र आ यातु प्रथमः सनिष्युभिर्वृषा यो वृत्रहा गृणे ८  
 वि नो देवासो अद्रुहो ऽच्छिद्रं शर्म यच्छत ।  
 न यद् दूराद् वसवो नू चिदन्तितो वरूथमादधर्षति ९  
 अस्ति हि वः सजात्यं रिशादसो देवासो अस्त्याप्यम् ।  
 प्र णः पूर्वस्मै सुविताय वोचत मन्वू सुम्राय नव्यसे १०  
 इदा हि व उपस्तुति मिदा वामस्य भक्तये ।  
 उप वो विश्ववेदसो नमस्यु रां असृद्यन्यामिव ११  
 उदु ष्य वः सविता सुप्रणीतयो ऽस्थादूर्ध्वो वरैरयः ।  
 नि द्विपादश्चतुष्पादो अर्थिनो ऽविश्रन् पतयिष्णवः १२  
 देवदैवं वोऽवसे देवदैवमभिष्टये ।  
 देवदैवं हुवेम वाजसातये गृणन्तो देव्या धिया १३  
 देवासो हि ष्मा मनवे समन्यवो विश्वे साकं सरातयः ।  
 ते नो अद्य ते अपुरं तुचे तु नो भवन्तु वरिवोविदः १४  
 प्र वः शंसाम्यद्रुहः संस्थ उपस्तुतीनाम् ।  
 न तं धूर्तिवरुण मित्र मर्त्यं यो वो धामभ्योऽविधत् १५  
 प्र स क्षयं तिरते वि महीरिषो यो वो वराय दाशति ।  
 प्र प्रजाभिर्जायते धर्मणस्पर्य रिष्टः सर्व एधते १६  
 ऋते स विन्दते युधः सुगेभिर्यात्यध्वनः ।  
 अर्यमा मित्रो वरुणः सरातयो यं त्रायन्ते सजोषसः १७  
 अत्रै चिदस्मै कृणुथा न्यञ्जनं दुर्गे चिदा सुसरणम् ।  
 एषा चिदस्मादशनिः पुरो नु सास्त्रैधन्ती वि नश्यतु १८  
 यदद्य सूर्य उद्यति प्रियक्षत्रा ऋतं दध ।  
 यन्निमुचिं प्रबुधिं विश्ववेदसो यद् वा मध्यंदिने दिवः १९

यद् वाभिपित्वे असुरा ऋतं यते छर्दियेम वि दाशुषे ।  
वयं तद् वौ वसवो विश्ववेदस उप स्थेयाम् मध्य आ २०  
यद्दद्य सूर उदिते यन्मध्यंदिन आतुचि ।  
वामं धत्थ मनवे विश्ववेदसो जुह्वानाय प्रचेतसे २१  
वयं तद् वः सम्राज आ वृणीमहे पुत्रो न बहुपाय्यम् ।  
अश्याम् तदादित्या जुह्वतो हवि र्येन वस्योऽनशामहै २२

(१७) सप्तदशं सूक्तम्

(१-५) पञ्चर्चस्यास्य सूक्तस्य वैवस्वतो मनुर्ऋषिः । विश्वे देवा देवताः । (१-३,  
५) प्रथमादितृचस्य पञ्चम्या ऋचश्च गायत्री, (४) चतुर्थ्याश्च पुर उष्णिक् छन्दसी  
ये त्रिंशति त्रयस्पुरो देवासो बृहिरासदन् । विदन्नहं द्वितासन् १  
वरुणो मित्रो अर्यमा स्मद्रातिषाचो अग्रयः । पत्नीवन्तो वर्षट्कृताः २  
ते नो गोपा अपाच्या स्त उदक्त इत्था न्यक् । पुरस्तात् सर्वया विशा ३  
यथा वशन्ति देवास्तथेदसत् तर्देषां नकिरा मिनत् । अरावा चन मर्त्यः ४  
सप्तानां सप्त ऋष्टयः सप्त द्युम्नान्येषाम् । सप्तो अधि श्रियो धिरे ५

(१८) अष्टादशं सूक्तम्

(१-१०) दशर्चस्यास्य सूक्तस्य वैवस्वतो मनुर्मरीचः कश्यपो वा ऋषिः । विश्वे  
देवा देवताः । द्विपदा विराट् छन्दः  
बभ्रुरेको विषुणः सूनरो युवाञ्जयइक्ते हिरण्ययम् १  
योनिमेक आ संसाद् द्योतनो ऽन्तर्देवेषु मेधिरः १ २  
वाशीमेकौ बिभर्ति हस्त आयसीमन्तर्देवेषु निधुविः ३  
वज्रमेकौ बिभर्ति हस्त आहितं तेन वृत्राणि जिघ्रते २ ४  
तिग्ममेकौ बिभर्ति हस्त आयुधं शुचिरुग्रो जलाषभेषजः ५  
पथ एकः पीपाय तस्करो यथाँ एष वैद निधीनाम् ३ ६  
त्रीण्येक उरुगायो वि चक्रमे यत्र देवासो मदन्ति ७  
विभिर्द्वा चरत् एकया सह प्र प्रवासेव वसतः ४ ८  
सदो द्वा चक्राते उपमा दिवि सम्राजा सर्पिरासुती ९  
अर्चन्त एके महि सामं मन्वत् तेन सूर्यमरोचयन् ५ १०

## (१६) एकोनविंशं सूक्तम्

(१-४) चतुर्ऋचस्यास्य सूक्तस्य वैवस्वतो मनुर्ऋषिः । विश्वे देवा देवताः । (१)  
प्रथमर्चो गायत्री, (२) द्वितीयायाः पुर उष्णिक्, (३) तृतीयाया बृहती, (४)

चतुर्थ्याश्चानुष्टुप् छन्दांसि

न॒हि वो॒ अस्त्य॑र्भ॒को देवा॑सो॒ न कु॑मा॒रकः॑ । विश्वे॑ स॒तोर्म॑हान्त॒ इत् १  
इति॑ स्तुतासौ॑ अस॒था रिशा॑दसो॒ ये स्थ॑ त्रयश्च॒ त्रिंशच्च॑ । मनो॑र्दे॒वा यज्ञि॑यासः

२

ते न॑स्त्राध्वं॒ तैऽव॑त् त उ॑ नो॒ अधि॑ वोचत ।

मा नः॑ पु॒थः पि॒त्र्यान्मा॑न॒वादधि॑ दूरं॒ नैष्ट॑ प॒राव॑तः ३

ये दे॑वास इ॒ह स्थ॑न् विश्वे॑ वैश्वान॒रा उ॒त ।

अ॒स्मभ्यं॑ श॒र्म स॒प्रथो॑ गवेऽश्वा॑य यच्छत ४

## (२०) विंशं सूक्तम्

(१-१८) अष्टादशर्चस्यास्य सूक्तस्य वैवस्वतो मनुर्ऋषिः । (१-४)

प्रथमादिचतुर्ऋचां यज्ञो यजमानश्च, (५-६) पञ्चम्यादिपञ्चानां दम्पती, (१०-१८)

दशम्यादिनवानाञ्च दम्पत्याशिपो देवताः । (१-८, ११-१३)

प्रथमाद्यष्टर्चामिकादश्यादितृचस्य च गायत्री, (६, १४) नवमीचतुर्दशयोः अनुष्टुप्,

(१०) दशम्याः पादनिचृत्, (१५-१८) पञ्चदश्यादिचतसृणाञ्च पङ्क्तिश्छन्दांसि

यो यजा॑ति यजा॑त् इत् सु॒नर्व॑च्च॒ पचा॑ति च । ब्र॒ह्मेदि॑न्द्रस्य चाकनत् १

पु॒रोळा॑शं॒ यो अ॑स्मै॒ सोमं॑ रर॑त् आ॒शिर॑म् । पादित् तं श॒क्रो अ॑र्हसः २

तस्य॑ द्यु॒माँ अ॑सद् रथो॑ दे॒वजू॑तः स शू॒शुव॑त् । विश्वा॑ व॒न्वन्न॑मि॒त्रिया॑ ३

अस्य॑ प्र॒जाव॑ती गृ॒हे ऽस॑श्चन्ती दि॒वेदि॑वे । इळा॑ धे॒नुम॑ती दुहे ४

या दं॑पती॒ सम॑नसा सु॒नुत॑ आ च॒ धाव॑तः । देवा॑सो॒ नित्य॑या॒शिरा॑ ५

प्रति॑ प्राश॒व्याँ इ॑तः स॒म्यञ्चा॑ ब॒र्हि॑राशाते । न ता वा॒जेषु॑ वायतः ६

न दे॒वाना॑मपि॒ हुतः॑ सु॒मतिं॑ न जु॒गुक्ष॑तः । श्रवो॑ बृ॒हद् वि॑वासतः ७

पु॒त्रिणा॑ ता कु॒मा॒रिणा॑ वि॒श्वमा॑युर्व्य॒श्नुतः॑ । उ॒भा हि॑र॒ण्यपे॑शसा ८

वी॒तिहो॑त्रा कृ॒तद्व॑सू दश॒स्यन्ता॑मृता॒यु॒ कम् ।

समू॑धो॒ रोम॑शं॒ हतो॑ दे॒वेषु॑ कृ॒णु॑तो दु॒र्वः ९

आ श॒र्म प॑र्व॒तानां॑ वृ॒णीम॑हे॒ नदी॑नाम् । आ वि॒ष्णोः स॑चा॒भुवः॑ १०

ऐ॒तु पू॒षा र॒यिर्भ॑गः स्व॒स्ति स॑र्व॒धात॑मः । उ॒रु॒रध्वा॑ स्व॒स्तये॑ ११



अरमतिरनर्वणो विश्वौ देवस्य मनसा । आदित्यानामनेह इत् १२  
यथा नो मित्रो अर्यमा वरुणः सन्ति गोपाः । सुगा ऋतस्य पन्थाः १३  
अग्निं वः पूव्यं गिरा देवमीळे वसूनाम् । सपर्यन्तः पुरुप्रियं मित्रं न  
क्षेत्रसाधसम् १४  
मक्षू देववतो रथः शूरो वा पृत्सु कासु चित् । देवानां य इन्मनो यजमान  
इयक्ष त्यभीदयज्वनो भुवत् १५  
न यजमान रिष्यसि न सुन्वान् न देवयो । देवानां य इन्मनो यजमान  
इयक्ष त्यभीदयज्वनो भुवत् १६  
नक्लिष्टं कर्मणा नशन्न प्र योषन्न योषति । देवानां य इन्मनो यजमान  
इयक्ष त्यभीदयज्वनो भुवत् १७  
असदत्र सुवीर्यं मुत त्यदाश्वश्वयम् । देवानां य इन्मनो यजमान  
इयक्ष त्यभीदयज्वनो भुवत् १८  
तृतीयोऽध्यायः । व० १-४६

(२१) एकविंशं सूक्तम्

(१-३०) त्रिंशदृचस्यास्य सूक्तस्य कारवो मेधातिथिर्ऋषिः । इन्द्रो देवता ।

गायत्री छन्दः

प्र कृतान्यृजीषिणः करवा इन्द्रस्य गार्थया । मदे सोमस्य वोचत १  
यः सृबिन्दमनर्शनिं पिपुं दासमहीशुवम् । वधीदुग्रो रिणन्नपः २  
न्यर्बुदस्य विष्टपं वृष्माणं बृहतस्तिर । कृषे तदिन्द्र पौस्यम् ३  
प्रति श्रुताय वो धृषत् तूणांशं न गिरेरधि । हुवे सुशिप्रमूतये ४  
स गोरश्वस्य वि व्रजं मन्दानः सोम्येभ्यः । पुरं न शूर दर्षसि ५  
यदि मे रारणः सुत उक्थे वा दधसे चनः । आरादुपं स्वधा गहि ६  
वयं घां ते अपिष्मसि स्तोतारं इन्द्र गिर्वणः । त्वं नो जिन्व सोमपाः ७  
उत नः पितुमा भर संररणो अविद्वितम् । मघवन् भूरिं ते वसु ८  
उत नो गोमतस्कृधि हिरण्यवतो अश्विनः । इळाभिः सं रभेमहि ९  
बृबदुक्थं हवामहे सृप्रकरस्त्रमूतये । साधु कृणवन्तमवसे १०  
यः संस्थे चिच्छतर्कतु रादीं कृणोति वृत्रहा । जरितृभ्यः पुरूवसुः ११  
स नः शक्रश्चिदा शकद् दानवाँ अन्तराभरः । इन्द्रो विश्वाभिरूतिभिः १२  
यो रायोऽवनिर्महान् त्सुपारः सुन्वतः सखा । तमिन्द्रमभि गायत १३

आयन्तारं महि स्थिरं पृतनासु श्रवोजितम् । भूरेरीशानमोजसा १४  
 नकिरस्य शचीनां नियन्ता सूनृतानाम् । नकिर्वक्ता न दादिति १५  
 न नूनं ब्रह्मणामृणं प्राशूनामस्ति सुन्वताम् । न सोमो अप्रता पीपे १६  
 पन्य इदुप गायत पन्य उक्थानि शंसत । ब्रह्मा कृणोत पन्य इत् १७  
 पन्य आ दीर्घच्छता सहस्रा वाज्यवृतः । इन्द्रो यो यज्वनो वृधः १८  
 वि षू चर स्वधा अनु कृष्टीनामन्वाहुवः । इन्द्र पिब सुतानाम् १९  
 पिब स्वधैनवाना मुत उत यस्तुग्रये सचा । उतायमिन्द्र यस्तव २०  
 अतीहि मन्युषाविणं सुषुवांसमुपारणे । इमं रातं सुतं पिब २१  
 इहि तिस्रः परावत इहि पञ्च जनाँ अति । धेना इन्द्रावचाकशत् २२  
 सूर्यो रश्मिं यथा सृजा ऽऽ त्वा यच्छन्तु मे गिरः । निम्नमापो न सध्वयक् २३  
 अध्वर्यवा तु हि षिञ्च सोमं वीराय शिप्रिणे । भरा सुतस्य पीतये २४  
 य उद्नः फलिगं भिन न्नयश्क सिन्धूरवासृजत् । यो गोषु पक्वं धारयत् २५  
 अहन् वृत्रमृचीषम और्णवाभमहीशुवम् । हिमेनाविध्यदबुदम् २६  
 प्र व उग्राय निष्टुरे ऽषाळहाय प्रसन्निगे । देवत्तं ब्रह्म गायत २७  
 यो विश्वान्यभि वृता सोमस्य मदे अन्धसः । इन्द्रो देवेषु चेतति २८  
 इह त्या सधमाद्या हरी हिरण्यकेश्या । वोळहामभि प्रयो हितम् २९  
 अर्वाञ्च त्वा पुरुष्टुत प्रियमैधस्तुता हरी । सोमपेयाय वक्षतः ३०

(२२) द्वाविंशं सूक्तम्

(१-१६) एकोनविंशत्यृचस्यास्य सूक्तस्य कारणो मेध्यातिथिर्ऋषिः । इन्द्रो देवता  
 । (१-१५) प्रथमादिपञ्चदशर्चा बृहती, (१३-१८) षोडश्यादितृचस्य गायत्री,  
 (१६) एकोनविंश्याश्चानुष्टुप् छन्दांसि

वयं घ त्वा सुतावन्त आपो न वृक्तबर्हिषः ।  
 पवित्रस्य प्रस्रवणेषु वृत्रहन् परि स्तोतारं आसते १  
 स्वरन्ति त्वा सुते नरो वसो निरेक उक्थिनः ।  
 कदा सुतं तृषाण ओक् आ गम् इन्द्र स्वब्दीव वंसगः २  
 करवैभिर्धृष्णावा धृषद् वाजं दर्षि सहस्त्रिणम् ।  
 पिशङ्गरूपं मघवन् विचर्षणे मद्भू गोमन्तमीमहे ३

पाहि गा॒यान्ध॒सो म॒द इन्द्रा॑य मे॒ध्याति॑थे ।  
 यः संमि॑श्लो ह॒र्योर्यः सु॒ते सचा॑ व॒ज्री रथो॑ हिर॒ण्ययः॑ ४  
 यः सु॒षुष्यः सु॒दक्षि॑ण इ॒नो यः सु॒क्रतु॑र्गृणे ।  
 य आ॑करः स॒हस्रा॑ यः श॒ताम॑घ इन्द्रो॒ यः पू॒र्भिदा॑रितः ५  
 यो धृ॑षितो योऽवृ॒तो यो अ॒स्ति श॑मश्रुषु श्रितः ।  
 विभू॑तद्यु॒मश्च॑व॒नः पुरु॑ष्टतः क्र॒त्वा गौरि॑व शा॒किनः॑ ६  
 क ई॑ वेद सु॒ते सचा॑ पि॒बन्तं॑ कद् वयो॑ दधे ।  
 अ॒यं यः पुरो॑ वि॒भिन॑त्यो॒जसा॑ म॒न्दानः॑ शि॒प्रच॑न्धसः ७  
 दा॒ना मृ॒गो न वा॑र॒णः पु॑रु॒त्रा च॒रथ॑ दधे ।  
 नकि॑ष्ट्वा नि य॒मदा॑ सु॒ते ग॑मो म॒होश्चै॑र॒स्यो॒जसा॑ ८  
 य उ॒ग्रः सन्न॑निष्टत स्थि॒रो रणा॑य संस्कृतः ।  
 यदि॑ स्तो॒तुर्मु॒घवा॑ शृ॒णव॑द्ध॒वं नेन्द्रो॑ योष॒त्या ग॑मत् ९  
 स॒त्यमि॑त्था वृषे॒दसि॑ वृष॒जूति॑र्नोऽवृ॒तः ।  
 वृषा॑ ह्यु॒ग्र शृ॑गि॒वषे॑ प॒राव॑ति वृषो॑ अ॒र्वाव॑ति श्रुतः १०  
 वृष॑णस्ते अ॒भीश॑वो वृषा॒ कशा॑ हिर॒ण्ययी॑ ।  
 वृषा॑ रथो॑ म॒घव॑न् वृष॒णा ह॑री वृषा॒ त्वं श॑तक्रतो ११  
 वृषा॑ सोता॑ सु॒नोतु॑ ते वृष॒नृजी॑पि॒न्ना भर॑ ।  
 वृषा॑ दध॒न्वे वृष॑णं न॒दीष्वा॑ तु॒भ्यं स्था॑त॒र्हरी॑णाम् १२  
 एन्द्र॑ याहि पी॒तये॑ मधु॒ शवि॑ष्ठ सो॒म्यम् ।  
 ना॒यम॑च्छा॒ मघ॑वा॒ शृ॒णव॑द् गि॒रो ब्र॑ह्मो॒क्था च॑ सु॒क्रतुः॑ १३  
 वह॑न्तु॒ त्वा रथे॑ष्ठा॒ मा ह॑रयो रथ॒युजः॑ ।  
 ति॒रश्चि॑द॒र्यं स॑र्व॒नानि॑ वृ॒त्रह॑न् न॒न्येषां॑ या श॑तक्रतो १४  
 अ॒स्माकं॑ म॒द्यान्तं॑ स्तो॒मं धि॑ष्व॒ महाम॑ह ।  
 अ॒स्माकं॑ ते स॒र्वना॑ सन्तु श॑त॒मा म॑दा॒य द्यु॑क्ष सोमपाः १५  
 न॒हि ष॑स्तव॒ नो म॑म शा॒स्त्रे अ॒न्यस्य॑ ररयति । यो अ॒स्मान् वी॑र आ॒नय॑त् १६  
 इन्द्र॑श्चिद् घा॒ तद॑ब्रवीत् स्त्रि॒या अ॑शा॒स्यं मनः॑ । उ॒तो अ॒ह क्र॑तु॒ रघु॑म् १७  
 स॒प्ती चि॑द् घा म॒दच्यु॑ता मिथु॒ना व॑हतो रथ॒म् । ए॒वेद् धूर्व॑ष्णा॒ उत्तरा॑ १८  
 अ॒धः प॑श्यस्व॒ मोपरि॑ सं॒तरां॑ पा॒दकौ॑ ह॒र । मा तै॑ क॒शप्ल॑कौ दृ॒शन् त्स्त्री॑ हि  
 ब्र॒ह्मा ब्र॒भूवि॑थ १९

## (२३) त्रयोविंशं सूक्तम्

(१-१८) अष्टादशर्चस्यास्य सूक्तस्य (१-१५) प्रथमादिपञ्चदशर्चा कारवो  
नीपातिथिः, (१६-१८) षोडश्यादितृचस्य चाङ्गिरसाः सहस्रं वसुरोचिष ऋषयः ।  
इन्द्रो देवता । (१-१५) प्रथमादिपञ्चदशर्चामनुष्टुप्, (१६-१८) षोडश्यादितृचस्य  
च गायत्री छन्दसी

एन्द्रं याहि हरिभिर्रुप करवस्य सुष्टुतिम् ।  
दिवो अमुष्य शासतो दिवं यय दिवावसो १  
आ त्वा ग्रावा वदन्निह सोमी घोषेण यच्छतु ।  
दिवो अमुष्य शासतो दिवं यय दिवावसो २  
अत्रा वि नेमिरेषा मुरां न धूनुते वृकः ।  
दिवो अमुष्य शासतो दिवं यय दिवावसो ३  
आ त्वा करवा इहारवसे हवन्ते वाजसातये ।  
दिवो अमुष्य शासतो दिवं यय दिवावसो ४  
दधामि ते सुतानां वृष्णे न पूर्वपाय्यम् ।  
दिवो अमुष्य शासतो दिवं यय दिवावसो ५  
स्मत्पुरंधिर्न आ गहि विश्वतोधीर्न ऊतयै ।  
दिवो अमुष्य शासतो दिवं यय दिवावसो ६  
आ नो याहि महेमते सहस्रोते शतामघ ।  
दिवो अमुष्य शासतो दिवं यय दिवावसो ७  
आ त्वा होता मनुर्हितो देवत्रा वक्षदीडयः ।  
दिवो अमुष्य शासतो दिवं यय दिवावसो ८  
आ त्वा मदच्युता हरी श्येनं पक्षेव वक्षतः ।  
दिवो अमुष्य शासतो दिवं यय दिवावसो ९  
आ याह्यर्य आ परि स्वाहा सोमस्य पीतयै ।  
दिवो अमुष्य शासतो दिवं यय दिवावसो १०  
आ नो याह्युपश्रु त्युक्थेषु रणया इह ।  
दिवो अमुष्य शासतो दिवं यय दिवावसो ११  
सरूपैरा सु नो गहि संभृतैः संभृताश्वः ।  
दिवो अमुष्य शासतो दिवं यय दिवावसो १२  
आ याहि पर्वतेभ्यः समुद्रस्याधिं विष्टपः ।

दिवो अमुष्य शासतो दिवं यय दिवावसो १३  
 आ नो गव्यान्यश्वया सहस्रा शूर ददृहि ।  
 दिवो अमुष्य शासतो दिवं यय दिवावसो १४  
 आ नः सहस्रशो भरा ऽयुतानि शतानि च ।  
 दिवो अमुष्य शासतो दिवं यय दिवावसो १५  
 आ यदिन्द्रश्च ददृहे सहस्रं वसुरोचिषः । ओजिष्ठमश्वयं पशुम् १६  
 य ऋजा वातरंहसो ऽरुषासो रघुष्यदः । भ्राजन्ते सूर्या इव १७  
 पारावतस्य रातिषु द्रवच्चक्रेष्वाशुषु । तिष्ठं वनस्य मध्य आ १८

(२४) चतुर्विंशं सूक्तम्

(१-२४) चतुर्विंशत्यृचस्यास्य सूक्तस्यात्रेयः श्यावाश्व ऋषिः । अश्विनौ देवते ।  
 (१-२१) प्रथमाद्येकविंशत्यृचामुपरिष्ठाञ्ज्योतिः, (२२, २४) द्वाविंशीचतुर्विंशयोः  
 पङ्क्तिः, (२३) त्रयोविंश्याश्च महाबृहती छन्दांसि  
 अग्निनेन्द्रेण वरुणेन विष्णुना ऽऽदित्यै रुद्रैर्वसुभिः सचाभुवा ।  
 सजोषसा उषसा सूर्येण च सोमं पिबतमश्विना १  
 विश्वाभिर्धीभिर्भुवनेन वाजिना दिवा पृथिव्याद्रिभिः सचाभुवा ।  
 सजोषसा उषसा सूर्येण च सोमं पिबतमश्विना २  
 विश्वैर्देवैस्त्रिभिरैकादशैरिहा ऽद्भिर्मरुद्भिर्भृगुभिः सचाभुवा ।  
 सजोषसा उषसा सूर्येण च सोमं पिबतमश्विना ३  
 जुषेथां यज्ञं बोधतं हवस्य मे विश्वेह देवौ सवनावं गच्छतम् ।  
 सजोषसा उषसा सूर्येण च षं नो वोळहमश्विना ४  
 स्तोमं जुषेथां युवशेवं कन्यनां विश्वेह देवौ सवनावं गच्छतम् ।  
 सजोषसा उषसा सूर्येण च षं नो वोळहमश्विना ५  
 गिरौ जुषेथामध्वरं जुषेथां विश्वेह देवौ सवनावं गच्छतम् ।  
 सजोषसा उषसा सूर्येण च षं नो वोळहमश्विना ६  
 हारिद्रवेवं पतथो वनेदुप सोमं सुतं महिषेवावं गच्छथः ।  
 सजोषसा उषसा सूर्येण च त्रिर्वर्तिर्यातमश्विना ७  
 हंसाविव पतथो अध्वगाविव सोमं सुतं महिषेवावं गच्छथः ।  
 सजोषसा उषसा सूर्येण च त्रिर्वर्तिर्यातमश्विना ८  
 श्येनाविव पतथो हव्यदातये सोमं सुतं महिषेवावं गच्छथः ।

सजोषसा उषसा सूर्येण च त्रिर्वर्तिर्यातमश्विना ९  
 पिबतं च तृप्णुतं चा च गच्छतं प्रजां च धत्तं द्रविणं च धत्तम् ।  
 सजोषसा उषसा सूर्येण चोर्जं नो धत्तमश्विना १०  
 जयतं च प्र स्तुतं च प्र चावतं प्रजां च धत्तं द्रविणं च धत्तम् ।  
 सजोषसा उषसा सूर्येण चोर्जं नो धत्तमश्विना ११  
 हतं च शत्रून् यततं च मित्रिणः प्रजां च धत्तं द्रविणं च धत्तम् ।  
 सजोषसा उषसा सूर्येण चोर्जं नो धत्तमश्विना १२  
 मित्रावरुणवन्ता उत धर्मवन्ता मरुत्वन्ता जरितुर्गच्छथो हवम् ।  
 सजोषसा उषसा सूर्येण चाऽऽदित्यैर्यातमश्विना १३  
 अङ्गिरस्वन्ता उत विष्णुवन्ता मरुत्वन्ता जरितुर्गच्छथो हवम् ।  
 सजोषसा उषसा सूर्येण चाऽऽदित्यैर्यातमश्विना १४  
 ऋभुमन्ता वृषणा वाजवन्ता मरुत्वन्ता जरितुर्गच्छथो हवम् ।  
 सजोषसा उषसा सूर्येण चाऽऽदित्यैर्यातमश्विना १५  
 ब्रह्म जिन्वतमुत जिन्वतं धियो हतं रक्षांसि सेधतममीवाः ।  
 सजोषसा उषसा सूर्येण च सोमं सुन्वतो अश्विना १६  
 क्षत्रं जिन्वतमुत जिन्वतं नृन् हतं रक्षांसि सेधतममीवाः ।  
 सजोषसा उषसा सूर्येण च सोमं सुन्वतो अश्विना १७  
 धेनूजिन्वतमुत जिन्वतं विशो हतं रक्षांसि सेधतममीवाः ।  
 सजोषसा उषसा सूर्येण च सोमं सुन्वतो अश्विना १८  
 अत्रैरिव शृणुतं पूर्व्यस्तुतिं श्यावाश्वस्य सुन्वतो मंदच्युता ।  
 सजोषसा उषसा सूर्येण चाऽश्विना तिरोऽब्रह्मचम् १९  
 सर्गा इव सृजतं सुष्टीरुपं श्यावाश्वस्य सुन्वतो मंदच्युता ।  
 सजोषसा उषसा सूर्येण चाऽश्विना तिरोऽब्रह्मचम् २०  
 रश्मीर्इरेव यच्छतमध्वराँ उप श्यावाश्वस्य सुन्वतो मंदच्युता ।  
 सजोषसा उषसा सूर्येण चाऽश्विना तिरोऽब्रह्मचम् २१  
 अर्वाग् रथं नि यच्छतं पिबतं सोम्यं मधु  
 आ र्यातमश्विना गतं मवस्युर्वामिहं हुवे धत्तं रत्नानि दाशुषे २२  
 नमोवाके प्रस्थिते अध्वरे नरा विवक्ष्यणस्य पीतयै  
 आ र्यातमश्विना गतं मवस्युर्वामिहं हुवे धत्तं रत्नानि दाशुषे २३  
 स्वाहाकृतस्य तृम्पतं सुतस्य देवावन्धसः

आ यातमश्चिना गत मवस्युर्वामहं हुवे धत्तं रत्नानि दाशुषे २४

(२५) पञ्चविंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्व ऋषिः । इन्द्रो देवता । (१-६)

प्रथमादिषडृचां शक्वरी, (७) सप्तम्याश्च महापङ्क्तिश्छन्दसी

अवितासिं सुन्वतो वृक्तबर्हिषः पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते १

प्राव स्तोतारं मघवन्नव त्वां पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते २

ऊर्जा देवाँ अवस्यो जसा त्वां पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते ३

जनिता दिवो जनिता पृथिव्याः पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते ४

जनिताश्चानां जनिता गवामसि पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते ५

अत्रीणां स्तोममद्रिवो महस्कृधि पिबा सोमं मदायु कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र  
सत्पते ६

श्यावाश्वस्य सुन्वत स्तथा शृणु यथाशृणो रत्रेः कर्माणि कृणवतः ।

प्र त्रसदस्युमाविथ त्वमेक इन्नुषाह्य इन्द्र ब्रह्माणि वर्धयन् ७

(२६) षड्विंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्व ऋषिः । इन्द्रो देवता । (१)

प्रथमर्चोऽतिजगती, (२-७) द्वितीयादिषण्णाञ्च महापङ्क्तिश्छन्दसी

प्रेदं ब्रह्म वृत्रतूर्येष्वाविथ प्र सुन्वतः शचीपत इन्द्र विश्वाभिरुतिभिः ।

माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः १  
 सेहान उग्र पृतना अभि द्रुहः शचीपत् इन्द्र विश्वाभिरूतिभिः ।  
 माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः २  
 एकराळस्य भुवनस्य राजसि शचीपत् इन्द्र विश्वाभिरूतिभिः ।  
 माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः ३  
 सस्थावाना यवयसि त्वमेक इच्छीचीपत् इन्द्र विश्वाभिरूतिभिः ।  
 माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः ४  
 क्षेमस्य च प्रयुजश्च त्वमीशिषे शचीपत् इन्द्र विश्वाभिरूतिभिः ।  
 माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः ५  
 क्षत्राय त्वमवसि न त्वमाविथ शचीपत् इन्द्र विश्वाभिरूतिभिः ।  
 माध्यंदिनस्य सर्वनस्य वृत्रहन्ननेद्य पिब्रा सोमस्य वज्रिवः ६  
 श्यावाश्वस्य रेभतस्तथा शृणु यथाशृणो रत्रेः कर्माणि कृण्वतः ।  
 प्र त्रसदस्युमाविथ त्वमेक इन्द्रषाह्य इन्द्र क्षत्राणि वर्धयन् ७

(२७) सप्तविंशं सूक्तम्

(१-१०) दशर्चस्यास्य सूक्तस्यात्रेयः श्यावाश्व ऋषिः । इन्द्राग्नी देवते ।

गायत्री छन्दः

यज्ञस्य हि स्थ ऋत्विजा सस्त्री वाजेषु कर्मसु । इन्द्राग्नी तस्य बोधतम् १  
 तोशासा रथयावाना वृत्रहणापराजिता । इन्द्राग्नी तस्य बोधतम् २  
 इदं वा मदिरं मध्व धुक्षन्नद्रिभिर्नरः । इन्द्राग्नी तस्य बोधतम् ३  
 जुषेथां यज्ञमिष्टये सुतं सोमं सधस्तुती । इन्द्राग्नी आ गतं नरा ४  
 इमा जुषेथां सर्वना येभिर्हव्यान्यूहथुः । इन्द्राग्नी आ गतं नरा ५  
 इमां गायत्रवर्तनिं जुषेथां सुष्टुतिं मम । इन्द्राग्नी आ गतं नरा ६  
 प्रातर्यावभिरा गतं देवेभिर्जेन्यावसू । इन्द्राग्नी सोमपीतये ७  
 श्यावाश्वस्य सुन्वतो ऽत्रीणां शृणुतं हवम् । इन्द्राग्नी सोमपीतये ८  
 एवा वामह ऊतये यथाहुवन्त मेधिराः । इन्द्राग्नी सोमपीतये ९  
 आहं सरस्वतीवतो रिन्द्राग्रचोरवो वृणे । याभ्यां गायत्रमृच्यते १०

(२८) अष्टाविंशं सूक्तम्

(१-१०) दशर्चस्यास्य सूक्तस्य काणवो नाभाक ऋषिः । अग्निर्देवता ।



महापङ्क्तिश्छन्दः

अग्निमस्तोष्यृग्मिय मग्निमीळा यजध्यै ।

अग्निर्देवाँ अनक्तु न उभे हि विदथे कवि रन्तश्चरति दूत्यं नभन्तामन्यके  
समे १

न्यग्ने नव्यसा वच स्तनूषु शंसमेषाम् ।

न्यराती रराव्णां विश्वा अर्यो अराती रितो युच्छन्त्वामुरो नभन्तामन्यके समे  
२

अग्ने मन्मानि तुभ्यं कं घृतं न जुह्व आसनि ।

स देवेषु प्र चिकिद्धि त्वं ह्यसि पूर्यः शिवो दूतो विवस्वतो नभन्तामन्यके  
समे ३।

तत्तदग्निर्वयो दधे यथायथा कृपयति ।

ऊर्जाहृतिर्वसूनां शं च योश्च मयो दधे विश्वस्यै देवहृत्यै नभन्तामन्यके समे  
४

स चिकेत सहीयसा ऽग्निश्चित्रेण कर्मणा ।

स होता शश्वतीनां दक्षिणाभिरभीवृत इनोति च प्रतीव्यं नभन्तामन्यके समे  
५

अग्निर्जाता देवानां मग्निर्वेद मर्तानामपीच्यम् ।

अग्निः स द्रविणोदा अग्निर्द्वारा व्यूणुते स्वाहुतो नवीयसा नभन्तामन्यके समे  
६

अग्निर्देवेषु संवसुः स वित्तु यज्ञियास्वा ।

स मुदा काव्या पुरु विश्वं भूमैव पुष्यति देवो देवेषु यज्ञियो नभन्तामन्यके  
समे ७

यो अग्निः सप्तमानुषः श्रितो विश्वेषु सिन्धुषु ।

तमार्गन्म त्रिपस्त्यं मन्धातुर्दस्युहन्तेम मग्निं यज्ञेषु पूर्य नभन्तामन्यके समे  
८

अग्निस्त्रीणि त्रिधातू न्या क्षेति विदथा कविः ।

स त्रीँकादशाँ इह यक्ष्ण पिप्रयञ्च नो विप्रौ दूतः परिष्कृतो नभन्तामन्यके  
समे ९

त्वं नो अग्न आयुषु त्वं देवेषु पूर्य वस्व एक इरज्यसि ।

त्वामार्पः परिस्रुतः परि यन्ति स्वसैतवो नभन्तामन्यके समे १०

(२६) एकोनत्रिंशं सूक्तम्

(१-१२) द्वादशर्चस्यास्य सूक्तस्य काणवो नाभाक ऋषिः । इन्द्राग्नी देवते । (१,  
३-११) प्रथमर्चस्तृतीयादिनवानाञ्च महापक्तिः, (२) द्वितीयायाः शक्वरी, (१२)

द्वादश्याश्च त्रिष्टुप् छन्दांसि

इन्द्राग्नी युवं सु नः सहन्ता दासथो रयिम् ।

येन दृळहा समत्स्वा वीळु चित् साहिषीमह्य ग्निर्वनेव वात इन्नभन्तामन्यके  
समे १

नहि वा वृत्रयामहे ऽथेन्द्रमिद् यजामहे शविष्ठं नृणां नरम् ।

स नः कदा चिदर्वता गमदा वाजसातये गमदा मेधसातये नभन्तामन्यके  
समे २

ता हि मध्यं भराणा मिन्द्राग्नी अधिद्वितः ।

ता उ कवित्वना कवी पृच्छयमाना सखीयते सं धीतमश्नुतं नरा  
नभन्तामन्यके समे ३।

अभ्यर्च नभाकव दिन्द्राग्नी यजसा गिरा ।

ययोर्विश्वमिदं जगं दियं द्यौः पृथिवी मह्युपस्थे बिभृतो वसु नभन्तामन्यके  
समे ४

प्र ब्रह्माणि नभाकव दिन्द्राग्निभ्यामिरज्यत ।

या सप्तबुधमर्णवं जिह्वबारमपोर्णुत इन्द्र ईशान् ओजसा नभन्तामन्यके समे  
५

अपि वृश्च पुराणवद् व्रततैरिव गुष्पित मोजो दासस्य दम्भय ।

वयं तदस्य संभृतं वस्विन्द्रैण वि भजेमहि नभन्तामन्यके समे ६

यदिन्द्राग्नी जना इमे विह्वर्यन्ते तना गिरा ।

अस्माकैभिर्नृभिर्वयं सासह्याम पृतन्यतो वनुयाम वनुष्यतो नभन्तामन्यके  
समे ७

या नु श्वेताववो दिव उच्चरात उप द्युभिः ।

इन्द्राग्रयोरनु व्रत मुहाना यन्ति सिन्धवो यान् त्सीं बन्धादमुञ्चतां  
नभन्तामन्यके समे ८

पूर्वीष्ट इन्द्रोपमातयः पूर्वीरुत प्रशस्तयः सूनो हिन्वस्य हरिवः ।

वस्वो वीरस्यापृचो या नु साधन्त नो धियो नभन्तामन्यके समे ९

तं शिशीता सुवृक्तिभिस्त्वेषं सत्वानमृग्मियम् ।

उतो नु चिद् य ओर्जसा शुष्णास्यागडानि भेदति जेषत् स्वर्वतीरपो  
नभन्तामन्यके संमे १०

तं शिशीता स्वध्वरं सत्यं सत्वानमृत्वियम् ।

उतो नु चिद् य ओर्हत आगडा शुष्णास्य भेदत्यजैः स्वर्वतीरपो  
नभन्तामन्यके संमे ११

एवेन्द्राग्निभ्यां पितृवन्नवीयो मन्धातृवदङ्गिरस्वदवाचि ।

त्रिधातुना शर्मणा पातमस्मान् वयं स्याम पतयो रयीणाम् १२

(३०) त्रिंशं सूक्तम्

(१-१०) दशर्चस्यास्य सूक्तस्य कारवो नाभाक ऋषिः । वरुणो देवता ।

महापङ्क्तिश्छन्दः

अस्मा ऊ षु प्रभूतये वरुणाय मरुद्धो ऽर्चा विदुष्टरेभ्यः ।

यो धीता मानुषाणां पश्वो गा इव रक्षति नभन्तामन्यके संमे १

तमू षु समना गिरा पितृणां च मन्मभिः ।

नाभाकस्य प्रशस्तिभिर्यः सिन्धूनामुपौदये सप्तस्वसा स मध्यमो  
नभन्तामन्यके संमे २

स क्षपः परि षस्वजे न्युश्रो मायया दधे स विश्वं परि दर्शतः ।

तस्य वेनीरनु वृत मुषस्तिस्त्रो अवर्धयन् नभन्तामन्यके संमे ३

यः ककुभौ निधारयः पृथिव्यामधि दर्शतः ।

स माता पूर्वं पदं तद् वरुणस्य सप्तचं स हि गोपा इवेर्यो नभन्तामन्यके  
संमे ४

यो धर्ता भुवनानां य उस्त्राणामपीच्याइ वेद नामानि गुह्या ।

स कविः काव्यां पुरु रूपं द्यौरिव पुष्यति नभन्तामन्यके संमे ५

यस्मिन् विश्वानि काव्यां चक्रे नाभिरिव श्रिता ।

त्रितं जूती संपर्यत व्रजे गावो न संयुजै युजे अश्वाँ अयुक्षत नभन्तामन्यके  
संमे ६

य आस्वत्क आशये विश्वां जातान्येषाम् ।

परि धामानि मर्मशद् वरुणस्य पुरो गये विश्वे देवा अनु व्रतं नभन्तामन्यके  
संमे ७

स समुद्रो अपीच्यस्तुरो द्यामिव रोहति नि यदासु यजुर्दधे ।

स माया अर्चिनां पदा ऽस्तृणात्राकमारुह न्नभन्तामन्यके संमे ८  
 यस्य श्वेता विचक्षणा तिस्रो भूमिरधिक्षितः ।  
 त्रिरुत्तराणि पप्रतु वरुणस्य ध्रुवं सदः स संमानामिरज्यति नभन्तामन्यके  
 संमे ९  
 यः श्वेताँ अधिनिर्णिज श्चक्रे कृष्णाँ अनु वृता ।  
 स धामं पूर्य ममे यः स्कम्भेन वि रोदसी अजो न द्यामधारय न्नभन्तामन्यके  
 संमे १०

(३१) एकत्रिंशं सूक्तम्

(१-६) षडृचस्यास्य सूक्तस्य कारवो नाभाक आत्रेयोऽर्चनाना वा ऋषिः । (१-३)  
 प्रथमतृचस्य वरुणः, (४-६) द्वितीयतृचस्य चाश्विनौ देवताः । (१-३)  
 प्रथमतृचस्य त्रिष्टुप्, (४-६) द्वितीयतृचस्य चानुष्टुप् छन्दसी  
 अस्तभ्नाद् द्यामसुरो विश्ववैदा अर्मिमीत वरिमाणं पृथिव्याः ।  
 आसीद्द्वि विश्वा भुवनानि सम्राड् विश्वेत् तानि वरुणस्य वृतानि १  
 एवा वन्दस्व वरुणं बृहन्तं नमस्या धीरममृतस्य गोपाम् ।  
 स नः शर्म त्रिवरुथं वि यंसत् पातं नो द्यावापृथिवी उपस्थे २  
 इमां धियं शिक्त्वाणस्य देव क्रतुं दक्षं वरुणं सं शिशाधि ।  
 ययाति विश्वां दुरिता तरैम सुतर्माणमधि नाव रुहेम ३  
 आ वां ग्रावाणो अश्विना धीभिर्विप्रा अचुच्यवुः ।  
 नासत्या सोमपीतये नभन्तामन्यके संमे ४  
 यथा वामत्रिरश्विना गीर्भिर्विप्रो अजौहवीत् ।  
 नासत्या सोमपीतये नभन्तामन्यके संमे ५  
 एवा वामह ऊतये यथाहुवन्त मेधिराः ।  
 नासत्या सोमपीतये नभन्तामन्यके संमे ६

(३२) द्वात्रिंशं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।  
 गायत्री छन्दः

इमे विप्रस्य वेधसो ऽग्नेरस्तृतयज्वनः । गिरः स्तोमांस ईरते १  
 अस्मै ते प्रतिहर्यते जातवेदो विचर्षणे । अग्ने जनामि सुष्टुतिम् २

आ॒रो॒का इ॒व घेद॑हं ति॒ग्मा अ॒ग्ने तव॑ त्विषः । द॒द्धि॒र्व॒नानि॑ ब॒प्सति॑ ३  
 ह॒र॒यो धू॒मकै॑तवो वा॒तजू॒ता उप॑ द्यवि । य॒त॒न्ते वृ॒थ॒ग॒ग्रयः॑ ४  
 ए॒ते त्ये वृ॒थ॒ग॒ग्रय॑ इ॒द्धासः॑ स॒म॒दृ॒क्षत॑ । उ॒षसा॑मिव के॒तवः॑ ५  
 कृ॒ष्णा रजा॑सि प॒त्सुतः॑ प्र॒यागे॑ जा॒तवै॑दसः । अ॒ग्निर्यद् रो॒धति॑ क्षमि ६  
 धा॒सिं कृ॑णवा॒न ओष॑धी ब॒प्सद॑ग्निर्न वा॒यति॑ । पु॒न॒र्यन् त॑रु॒णीर॑पि ७  
 जि॒ह्वाभि॑रह॒ नन्न॑म द॒र्चिषा॑ ज॒ञ्जणा॑भ॒वन् । अ॒ग्निर्व॑नेषु रोचते ८  
 अ॒प्स्व॒ग्ने स॒धिष्ट॑व सौष॒धीर॑नु॒ रुध्य॑से । गर्भे॑ स॒ञ्जाय॑से पु॒नः ९  
 उ॒द॒ग्ने तव॑ तद् घृ॒ता द॒र्चा रो॑चत॒ आहु॑तम् । नि॒सानं॑ जु॒हो॒इ मुखे॑ १०  
 उ॒क्षा॒नाय॑ व॒शान्ना॑य॒ सोम॑पृ॒ष्ठाय॑ वे॒धसे॑ । स्तो॒मैर्वि॑धेमा॒ग्रये॑ ११  
 उ॒त त्वा॑ न॒मसा॑ व॒यं हो॒त॒र्वरे॑ण्यक्रतो । अ॒ग्ने स॒मिद्धि॑रीमहे १२  
 उ॒त त्वा॑ भृ॒गुव॑च्छु॒चे म॒नुष्व॑द॒ग्ना आ॑हुत । अ॒ङ्गिर॑स्व॒द्धवाम॑हे १३  
 त्वं ह्य॒ग्ने अ॒ग्नि॒ना वि॒प्रो वि॒प्रेण॑ सन् त्स॒ता । सखा॑ स॒ख्या स॒मिध्य॑से १४  
 स त्वं॑ वि॒प्राय॑ दा॒शुषे॑ र॒यिं दै॑हि स॒हस्रि॑णम् । अ॒ग्ने वी॒रव॑तीमिषम् १५  
 अ॒ग्ने भ्रा॑तः स॒हस्कृ॑त॒ रोहि॑दश्च शुचि॒व्रत॑ । इ॒मं स्तो॑मं जुषस्व मे १६  
 उ॒त त्वा॒ग्ने म॒म स्तु॑तो वा॒श्राय॑ प्रति॒हर्य॑ते । गो॒ष्ठं गा॒व इ॒वाश॑त १७  
 तु॒भ्यं ता अ॑ङ्गिर॒स्तम॑ वि॒श्वाः सु॒क्षित॑यः पृथक् । अ॒ग्ने का॒माय॑ येमिरे १८  
 अ॒ग्निं धी॑भिर्म॒नीषि॑णो मे॒धि॒रासो॑ वि॒पश्चितः॑ । अ॒घस॑द्याय हि॒न्विरे॑ १९  
 तं त्वा॒मज्मै॑षु वा॒जिनं॑ त॒न्वाना॑ अ॒ग्ने अध्व॑रम् । व॒हिं हो॒तार॑मीळते २०  
 पु॒रु॒त्रा हि स॒दृङ्ङसि॑ वि॒शो वि॒श्वा अनु॑ प्र॒भुः । स॒मत्सु॑ त्वा ह॒वाम॑हे २१  
 त॒मीळि॑ष्व॒ य आ॑हु॒तो ऽग्नि॑र्वि॒भ्राज॑ते घृ॒तैः । इ॒मं नः॑ शृणव॒द्धव॑म् २२  
 तं त्वा॑ व॒यं ह॑वामहे शृणव॒न्तं जा॒तवै॑दसम् । अ॒ग्ने घ्न॑न्त॒मप॑ द्विषः २३  
 वि॒शां राजा॑न॒मद्भु॑त॒ मध्य॑क्ष॒ धर्म॑णामि॒मम् । अ॒ग्निमी॑ळे स उ॒ श्रव॑त् २४  
 अ॒ग्निं वि॒श्वार्यु॑वे॒पसं॑ म॒र्यं न वा॒जिनं॑ हि॒तम् । स॒प्तिं न वा॑ज॒याम॑सि २५  
 घ्नन् मृ॒ध्राण॑यप॒ द्विषो॑ द॒हन् रजा॑सि वि॒श्वहा॑ । अ॒ग्ने ति॒ग्मेन॑ दीदिहि २६  
 यं त्वा॑ ज॒नास॑ इ॒न्धते॑ म॒नुष्व॑द॒ङ्गिर॑स्तम । अ॒ग्ने स बो॑धि मे॒ वचः॑ २७  
 य॒द॒ग्ने दि॒विजा॑ अस्य॒प्सुजा॑ वा॒ सह॑स्कृ॒त । तं त्वा॑ गी॒र्भिर्ह॑वामहे २८  
 तु॒भ्यं घे॑त् ते ज॒ना इ॒मे वि॒श्वाः सु॒क्षित॑यः पृथक् । धा॒सिं हि॒न्वन्त्य॑त्तवे २९  
 ते घे॒द॒ग्ने स्वा॑ध्यो ऽ॒हा वि॒श्वा नृ॑चक्ष॒सः । त॒र॒न्तः स्या॑म दु॒र्गहा॑ ३०  
 अ॒ग्निं म॒न्द्रं पु॑रु॒प्रियं॑ शी॒रं पा॑व॒कशौ॑चिषम् । ह॒द्धिर्म॑न्द्रेभि॒रीम॑हे ३१  
 स त्व॑म॒ग्ने वि॒भावं॑सुः सृ॒जन् त्सू॑र्यो॒ न र॒श्मिभिः॑ । श॒र्धन् त॑मा॒सि जि॒घ्रसे॑ ३२

तत् ते सहस्व ईमहे दात्रं यन्नोपदस्यति । त्वदग्ने वार्यं वसुं ३३

(३३) त्रयस्त्रिंशं सूक्तम्

(१-३०) त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

समिधाग्निं दुवस्यत घृतैर्बोधयुतातिथिम् । आस्मिन् हव्या जुहोतन १  
 अग्ने स्तोमं जुषस्व मे वर्धस्वानेन मन्मना । प्रति सूक्तानि हर्य नः २  
 अग्निं दूतं पुरो दधे हव्यवाहुमुप ब्रुवे । देवाँ आ सोदयादिह ३  
 उत ते बृहन्तो अर्चयः समिधानस्य दीदिवः । अग्ने शक्रास ईरते ४  
 उप त्वा जुहोर् मम घृताचीर्यन्तु हर्यत । अग्ने हव्या जुषस्व नः ५  
 मुन्द्रं होतारमृत्विजं चित्रभानुं विभावंसुम् । अग्निमीळे स उ श्रवत् ६  
 प्रत्नं होतारमीडयं जुष्टमग्निं कविक्रतुम् । अध्वराणामभिश्चियम् ७  
 जुषानो अङ्गिरस्तमे मा हव्यान्यानुषक् । अग्ने यज्ञं नय ऋतुथा ८  
 समिधान उ सन्त्य शुक्रशोच इहा वह । चिकित्वान् दैव्यं जनम् ९  
 विप्रं होतारमद्रुहं धूमकेतुं विभावंसुम् । यज्ञानां केतुमीमहे १०  
 अग्निं नि पाहि नस्त्वं प्रति षम देव रीषतः । भिन्धि द्वेषः सहस्कृत ११  
 अग्निः प्रत्नेन मन्मना शुम्भानस्तन्वंशं स्वाम् । कविर्विप्रेण वावृधे १२  
 ऊर्जो नपातमा हुवे ऽग्निं पावकशौचिषम् । अस्मिन् यज्ञे स्वध्वरे १३  
 स नो मित्रमहस्त्व मग्ने शक्रेण शौचिषा । देवैरा सत्सि बृर्हिषि १४  
 यो अग्निं तन्वोर् इदमै देवं मर्तः सपर्यति । तस्मा इद् दीदयद् वसुं १५  
 अग्निर्मूर्धा दिवः ककुत् पतिः पृथिव्या अयम् । अपां रेतांसि जिन्वति १६  
 उदग्ने शुचयस्तव शक्रा भ्राजन्त ईरते । तव ज्योतीष्यर्चयः १७  
 ईशिषे वार्यस्य हि दात्रस्याग्ने स्वर्पतिः । स्तोता स्यां तव शर्मणि १८  
 त्वामग्ने मनीषिणा स्त्वां हिन्वन्ति चित्तिभिः । त्वां वर्धन्तु नो गिरः १९  
 अदब्धस्य स्वधावतो दूतस्य रेभतः सदा । अग्नेः सख्यं वृणीमहे २०  
 अग्निः शुचिब्रततमः शुचिर्विप्रः शुचिः कविः । शुची रोचत आहुतः २१  
 उत त्वा धीतयो मम गिरौ वर्धन्तु विश्वहा । अग्ने सख्यस्य बोधि नः २२  
 यदग्ने स्यामहं त्वं त्वं वा घा स्या अहम् । स्युष्टै सत्या इहाशिषः २३  
 वसुर्वसुपतिर्हि क मस्यग्ने विभावंसुः । स्याम ते सुमतावपि २४  
 अग्ने धृतव्रताय ते समुद्रायैव सिन्धवः । गिरौ वाश्रास ईरते २५

युवानं विश्पतिं क्विं विश्वादं पुरुवेपसम् । अग्निं शुभामि मन्मभिः २६  
यज्ञानां रथ्यै वयं तिग्मजम्भाय वीळ्वै । स्तोमैरिषेमाग्र्यै २७  
अयमग्ने त्वे अपि जरिता भूतु सन्त्य । तस्मै पावक मृळय २८  
धीरो ह्यस्यद्यसद् विप्रो न जागृविः सदा । अग्ने दीदर्यसि द्यवि २९  
पुराग्ने दुरितेभ्यः पुरा मृधेभ्यः कवे । प्र ण आयुर्वसो तिर ३०

(३४) चतुस्त्रिंशं सूक्तम्

(१-४२) द्विचत्वारिंशदृचस्यास्य सूक्तस्य काण्वस्त्रिशोक ऋषिः । (१)  
प्रथमर्चोऽग्नीन्द्रौ, (२-४२) द्वितीयाद्येकचत्वारिंशदृचाञ्चेन्द्रो देवते । गायत्री छन्दः  
आ घा ये अग्निमिन्धते स्तृणन्ति बर्हिर्ननुषक् । येषामिन्द्रो युवा सखा १  
बृहन्निदिध्म एषां भूरि शस्तं पृथुः स्वरुः । येषामिन्द्रो युवा सखा २  
अयुद्ध इद् युधा वृतं शूर आजति सत्वभिः । येषामिन्द्रो युवा सखा ३  
आ बुन्दं वृत्रहा ददे जातः पृच्छद् वि मातरम् । क उग्राः के ह शृशिवरे ४  
प्रति त्वा शवसी वदद् गिरावप्सो न यौधिषत् । यस्तै शत्रुत्वमाचके ५  
उत त्वं मघवञ्छृणु यस्ते वष्टि ववक्षि तत् । यद् वीळ्वर्यासि वीळु तत् ६  
यदाजिं यात्याजिकृ दिन्द्रः स्वश्चयुरुप । रथीतमो रथीनाम् ७  
वि षु विश्वा अभियुजो वज्रिन् विष्वग्यथा वृह । भवा नः सुश्रवस्तमः ८  
अस्माकं सु रथं पुर इन्द्रः कृणोतु सातयै । न यं धूर्वन्ति धूर्तयैः ९  
वृज्याम ते परि द्विषो ऽरं ते शक्र दावने । गुमेमेदिन्द्र गोमतः १०  
शनैश्चिद् यन्तो अद्रिवो ऽश्वावन्तः शतग्विनः । विवक्षणा अनेहसः ११  
ऊर्ध्वा हि तै दिवेदिवे सहस्रा सूनृतां शता । जरितृभ्यो विमंहते १२  
विद्या हि त्वा धनंजय मिन्द्रं दृळहा चिदारुजम् । आदारिणं यथा गर्यम् १३  
क्कुहं चित् त्वा कवे मन्दन्तु धृष्णविन्दवः । आ त्वा पृणिं यदीमहे १४  
यस्तै रेवाँ अदाशुरिः प्रममर्ष मघत्तये । तस्य नो वेद् आ भर १५  
इम उ त्वा वि चक्षते सखाय इन्द्र सोमिनः । पुष्टावन्तो यथा पशुम् १६  
उत त्वाबधिरं वयं श्रुत्कर्णं सन्तमूतयै । दूरादिह हवामहे १७  
यच्छुश्रूया इमं हवं दुर्मर्षं चक्रिया उत । भवैरापिनो अन्तमः १८  
यच्चिद्धि ते अपि व्यथिर्जगन्वांसो अमन्महि । गोदा इदिन्द्र बोधि नः १९  
आ त्वा रम्भं न जिव्रयो ररभ्मा शवसस्पते । उश्मसि त्वा सधस्थ आ २०

स्तोत्रमिन्द्राय गायत पुरुनृम्णाय सत्वने । नक्रियं वृणवते युधि २१  
 अभि त्वा वृषभा सुते सुतं सृजामि पीतये । तृम्पा व्यश्नुही मदम् २२  
 मा त्वा मूरा अविष्यवो मोपहस्वान् आ दभन् । मार्की ब्रह्मद्विषो वनः २३  
 इह त्वा गोपरीणसा महे मन्दन्तु राधसे । सरौ गौरो यथा पिब २४  
 या वृत्रहा परावति सना नवा च चुच्युवे । ता संसत्सु प्र वौचत २५  
 अपिबत् कद्रुवः सुत मिन्द्रः सहस्रबाहे । अत्रादेदिष्ट पौस्यम् २६  
 सत्यं तत् तुर्वशे यदौ विदानो अहवाय्यम् । व्यानट् तुर्वणे शमि २७  
 तरणिं वो जनानां त्रदं वाजस्य गोमतः । समानमु प्र शंसिषम् २८  
 ऋभुक्षणं न वर्तव उक्थेषु तुग्र्यावृधम् । इन्द्रं सोमे सचा सुते २९  
 यः कृन्तदिद् वि योन्यं त्रिशोकाय गिरिं पृथुम् । गोभ्यो गातुं निरैतवे ३०  
 यद् देधिषे मनस्यसि मन्दानः प्रेदियक्षसि । मा तत् करिन्द्र मृळय ३१  
 दध्रं चिद्धि त्वावतः कृतं शृणवे अधि क्षमि । जिगात्विन्द्र ते मनः ३२  
 तवेदु ताः सुकीर्तयो ऽसन्नत प्रशस्तयः । यदिन्द्र मृळयासि नः ३३  
 मा नु एकस्मिन्नागसि मा द्वयोरुत त्रिषु । वधीर्मा शूर भूरिषु ३४  
 बिभया हि त्वावत उग्रादभिप्रभङ्गिणः । दस्मादहमृतीषहः ३५  
 मा सख्युः शूनमा विदे मा पुत्रस्य प्रभूवसो । आवृत्वद् भूतु ते मनः ३६  
 को नु मर्या अमिथितः सखा सखायमब्रवीत् । जहा को अस्मदीषते ३७  
 एवारै वृषभा सुते ऽसिन्वन् भूर्यावयः । श्वघ्नीव निवता चरन् ३८  
 आ त एता वचोयुजा हरीं गृभ्णे सुमद्रथा । यदीं ब्रह्मभ्य इद्ददः ३९  
 भिन्धि विश्वा अप द्विषः परि बाधो जही मृधः । वसुस्पार्हं तदा भर ४०  
 यद्वीळाविन्द्र यत् स्थिरे यत् पशानि पराभृतम् । वसु स्पार्हं तदा भर ४१  
 यस्य ते विश्वमानुषो भूरेदत्तस्य वेदति । वसु स्पार्हं तदा भर ४२  
 चतुर्थोऽध्यायः । व० १-५४

## (३५) पञ्चत्रिंशं सूक्तम्

- (१-३३) त्रयस्त्रिंशदृचस्यास्य सूक्तस्याश्व्यो वश ऋषिः । (१-१०, २६-३१, ३३)  
 प्रथमादिविंशत्यृचामेकोनत्रिंश्यादितृचस्य त्रयस्त्रिंश्याश्चेन्द्रः, (२१-२४)  
 एकविंश्यादिचतसृणां कानीतस्य पृथुश्रवसो दानस्तुतिः, (२५-२८, ३२)  
 पञ्चविंश्यादिचतसृणां द्वात्रिंश्याश्च वायुर्देवताः । (१) प्रथमर्चः पादनचृत्, (२-  
 ४, ६, १०, २३, २६, ३३) द्वितीयादितृचस्य



षष्ठीदशमीत्रयोविंशयेकोनत्रिंशीत्रयस्त्रिंशीनाञ्च गायत्री, (५) पञ्चम्याः ककुप्, (७, १६) सप्तम्येकोनविंशयोर्बृहती, (८) अष्टम्या अनुष्टुप्, (९) नवम्याः सतोबृहती, (११-१२) एकादशीद्वादशयोर्विपरीतोत्तरः प्रगाथः (एकादश्या बृहती, द्वादश्या विपरीता सतोबृहती), (१३) त्रयोदश्या द्विपदा जगती, (१४) चतुर्दश्या पिपीलिकमध्या बृहती, (१५) पञ्चदश्याः ककुम्रचङ्कुशिरा, (१६) षोडश्या विराट्, (१७) सप्तदश्या जगती, (१८) अष्टादश्या उपरिष्ठाद्बृहती, (२०) विंश्या विषमपदा बृहती, (२१-२२, २४, ३२)

एकविंशीद्वाविंशीचतुर्विंशीद्वात्रिंशीनां पङ्क्तिः (२५-२८) पञ्चविंश्यादिचतसृणां प्रगाथः ((२५, २७) पञ्चविंशीसप्तविंशयोर्बृहती, (२६, २८) षड्विंश्याष्टाविंशयोः सतोबृहती), (३०) त्रिंश्या द्विपदा विराट्, (३१) एकत्रिंश्याश्चोष्णिक् छन्दांसि त्वावतः पुरुवसो वृयमिन्द्र प्रणेतः । स्मसिं स्थातर्हरीणाम् १  
त्वां हि सत्यमद्रिवो विद्य दातारमिषाम् । विद्य दातारं रयीणाम् २  
आ यस्य ते महिमानं शतमूते शतक्रतो । गीर्भिर्गृणन्ति कारवः ३  
सुनीथो घा स मर्त्यो यं मरुतो यमर्यमा । मित्रः पान्त्यद्बुहः ४  
दधानो गोमदश्चवत् सुवीर्यमादित्यजूत एधते । सदा राया पुरुस्पृहा ५  
तमिन्द्रं दानमीमहे शवसानमभीर्वम् । ईशानं राय ईमहे ६  
तस्मिन् हि सन्त्यूतयो विश्वा अभीरवः सचा ।  
तमा वहन्तु सप्तयः पुरुवसुं मदाय हरयः सुतम् ७  
यस्ते मदो वरैरयो य इन्द्र वृत्रहन्तमः ।  
य आदुदिः स्वर्नृभिर्यः पृतनासु दुष्टरः ८  
यो दुष्टरो विश्ववार श्रवाय्यो वाजेष्वस्ति तरुता ।  
स नः शविष्टु सवना वसो गहि गुमेम् गोमति वृजे ९  
गुव्यो षु शो यथा पुरा ऽश्वयोत रथया । वरिवस्य महामह १०  
नहि तै शूर राधसो ऽन्तं विन्दामि सत्रा ।  
दशस्या नो मघवन्नू चिदद्रिवो धियो वाजैभिराविथ ११  
य ऋष्वः श्रावयत्सखा विश्वेत् स वैदु जनिमा पुरुष्टुतः ।  
तं विश्वे मानुषा युगेन्द्रं हवन्ते तविषं यतस्त्रुचः १२  
स नो वाजेष्वविता पुरुवसुः पुरःस्थाता मघवा वृत्रहा भुवत् १३  
अभि वौ वीरमन्धसो मदैषु गाय गिरा महा विचैतसम् ।  
इन्द्रं नाम श्रुत्यं शाकिनं वचो यथा १४

दृदी रेक्णास्तन्वै दृदिर्वसु दृदिर्वाजेषु पुरुहूत वाजिनम् ।

नूनमथ १५

विश्वेषामिरज्यन्तं वसूनां सास्रह्नांसं चिदस्य वर्षसः ।

कृपयतो नूनमत्यथ १६

महः सु वो अरमिषे स्तवामहे मीळहुषे अरंगमाय जग्मये ।

यज्ञेभिर्गीर्भिर्विश्वमनुषां मरुतामियक्षसि गाये त्वा नर्मसा गिरा १७

ये पातयन्ते अज्मभिर्गिरीणां स्तुभिरिषाम् ।

यज्ञं महिष्वर्णीनां सुम्रं तुविष्वर्णीनां प्राध्वरे १८

प्रभुङ्गं दुर्मतीनामिन्द्रं शविष्ठा भर ।

रयिमस्मभ्यं युज्यं चोदयन्मते ज्येष्ठं चोदयन्मते १९

सर्नितः सुसर्नितरुग्र चित्रं चेतिष्ठ सूनृत ।

प्रासहा सम्राट् सहृरिं सहन्तं भुज्युं वाजेषु पूर्व्यम् २०

आ स एतु य ईवदाँ अदेवः पूर्वमाददे ।

यथा चिद्वशौ अश्वयः पृथुश्रवसि कानीतेऽस्या व्युष्याददे २१

षष्टिं सहस्राश्वयस्यायुतासनु मुष्टानां विंशतिं शता ।

दश श्यावीनां शता दश त्र्यरुषीणां दश गवां सहस्रा २२

दश श्यावा ऋधद्रयो वीतवारास आशवः ।

मथ्रा नेमिं नि वावृतुः २३

दानांसः पृथुश्रवसः कानीतस्य सुराधंसः ।

रथं हिरगययं ददन्महिष्ठः सूरिर्भूद् वर्षिष्ठमकृत श्रवः २४

आ नो वायो महे तनै याहि मखाय पाजसे ।

वयं हि ते चकृमा भूरि दावनै सद्यश्चिन्महि दावनै २५

यो अश्वैभिर्वहते वस्त उस्त्रा स्त्रिः सप्त सप्ततीनाम् ।

एभिः सोमैभिः सोमसुद्धिः सोमपा दानाय शुक्रपूतपाः २६

यो म इमं चिदु त्मना मन्दच्चित्रं दावनै ।

अरद्वे अद्वे नहुषे सुकृत्वनि सुकृत्तराय सुकृतुः २७

उचथ्येऽवपुषि यः स्वराळुत वायो घृतस्त्राः ।

अश्वैषितुं रजैषितुं शुनैषितुं प्राज्म तदिदं नु तत् २८

अर्धं प्रियमिषिराय षष्टिं सहस्रासनम् ।

अश्वानामिन्न वृष्णाम् २९

गावो न यूथमुप यन्ति वधय उप मा यन्ति वधयः ३०  
 अध यच्चारेथे गणे शतमुष्ट्रं अचिक्रदत् ।  
 अध श्वित्नेषु विंशतिं शता ३१  
 शतं दासे बल्बूथे विप्रस्तरुक्ष आ ददे ।  
 ते ते वायविमे जना मदन्तीन्द्रगोपा मदन्ति देवगौपाः ३२  
 अध स्या योषणा मही प्रतीची वशमश्वयम् । अधिरुक्मा वि नीयते ३३

(३६) षट्त्रिंशं सूक्तम्

(१-१८) अष्टादशर्चस्यास्य सूक्तस्याप्तयस्त्रित ऋषिः । (१-१३)

प्रथमादित्रयोदशर्चामादित्याः, (१४-१८) चतुर्दश्यादिपञ्चानाञ्चादित्योषसो देवताः  
 । महापङ्क्तिश्छन्दः

महिं वो महतामवो वरुण मित्रं दाशुषै ।  
 यमादित्या अभि द्रुहो रक्षथा नेमघं नेश दनेहसौ व ऊतयः सुऊतयो व  
 ऊतयः १  
 विदा देवा अधाना मादित्यासो अपाकृतिम् ।  
 पक्षा वयो यथोपरि व्यश्स्मे शर्म यच्छता नेहसौ व ऊतयः सुऊतयो व  
 ऊतयः २  
 व्यश्स्मे अधि शर्म तत् पक्षा वयो न यन्तन ।  
 विश्वानि विश्ववेदसो वरुथ्या मनामहे ऽनेहसौ व ऊतयः सुऊतयो व  
 ऊतयः ३  
 यस्मा अरासत् क्षयं जीवातुं च प्रचेतसः ।  
 मनोर्विश्वस्य घेदिम आदित्या राय ईशते ऽनेहसौ व ऊतयः सुऊतयो व  
 ऊतयः ४  
 परिं शो वृणजन्नघा दुर्गाणि रथ्यो यथा ।  
 स्यामेदिन्द्रस्य शर्म रयादित्यानामुतावस्य नेहसौ व ऊतयः सुऊतयो व  
 ऊतयः ५  
 परिहृतेदना जनो युष्मादत्तस्य वायति ।  
 देवा अदभ्रमाश वो यमादित्या अहेतना नेहसौ व ऊतयः सुऊतयो व  
 ऊतयः ६  
 न तं तिग्मं चन त्यजो न द्रासदभि तं गुरु ।

यस्मा॑ उ॒ शर्म॑ स॒प्रथ॑ आ॒दित्या॑सो॒ अरा॑ध्व॒ मने॑हसो॒ व ऊ॒तयः॑ सु॒ऊतयो॑ व  
ऊ॒तयः॑ ७

यु॒ष्मे दे॒वा अपि॑ ष्मसि॒ युध्य॑न्त इव॒ वर्म॑सु ।  
यू॒यं म॒हो न॒ एन॑सो यू॒यम॑र्भादुरुष्यता॒ नेह॑सो॒ व ऊ॒तयः॑ सु॒ऊतयो॑ व ऊ॒तयः॑  
८

अ॒दि॒तिर्न॑ उरुष्यत्व॒ दि॒तिः शर्म॑ यच्छतु ।  
मा॒ता मि॒त्रस्य॑ रे॒वतो॑ ऽर्य॒मणो॑ वरुणस्य चा॒ नेह॑सो॒ व ऊ॒तयः॑ सु॒ऊतयो॑ व  
ऊ॒तयः॑ ९

यद्दे॒वाः शर्म॑ श॒रणं यद्भ॒द्रं यद॑नातुरम् ।  
त्रि॒धातु॑ यद्द॒रूथ्यं॑ तद॒स्मासु॑ वि॒ यन्त॑ना॒ नेह॑सो॒ व ऊ॒तयः॑ सु॒ऊतयो॑ व  
ऊ॒तयः॑ १०

आ॒दि॒त्या अ॒व हि॑ रू॒यता॑ धि॒ कूला॑दिव॒ स्पर्शः॑ ।  
सु॒ती॒र्थम॑र्वतो॒ यथा॑ नु॒ नो ने॑षथा सु॒गम॑ने॒हसो॑ व ऊ॒तयः॑ सु॒ऊतयो॑ व ऊ॒तयः॑  
११

नेह॑ भ॒द्रं र॑न्नस्विने॒ नाव॑यै नोप॒या उ॒त ।  
गवै॑ च भ॒द्रं धे॑नवै वी॒राय॑ च श्रव॒स्यते॑ ऽने॒हसो॑ व ऊ॒तयः॑ सु॒ऊतयो॑ व  
ऊ॒तयः॑ १२

यदा॑विर्यद॒पीच्यं॑ दे॒वा॑सो अ॒स्ति दु॑ष्कृतम् ।  
त्रि॒ते तद्वि॑श्व॒माप्त॑य॒ आरे॑ अ॒स्मद् द॑धातना॒ नेह॑सो॒ व ऊ॒तयः॑ सु॒ऊतयो॑ व  
ऊ॒तयः॑ १३

यच्च॑ गोषु॒ दुष्व॑प्र॒यं यच्चा॑स्मे दु॒हित॑र्दिवः ।  
त्रि॒ताय॑ तद्वि॒भावर्या॑ म॒याय॑ परा॒ वहा॑ ने॒हसो॑ व ऊ॒तयः॑ सु॒ऊतयो॑ व ऊ॒तयः॑  
१४

नि॒ष्कं वा॑ घा कृ॒णव॑ते॒ स्रजं॑ वा दु॒हित॑र्दिवः ।  
त्रि॒ते दु॑ष्वप्र॒यं सर्वा॑मा॒प्त्ये परि॑ दद्यस्य॒ नेह॑सो॒ व ऊ॒तयः॑ सु॒ऊतयो॑ व ऊ॒तयः॑  
१५

तद॑न्नाय॒ तद॑पसे॒ तं भा॒गमु॑पसेदुषै ।  
त्रि॒ताय॑ च द्वि॒ताय॑ चो॒ षौ दु॑ष्वप्र॒यं वहा॑ ने॒हसो॑ व ऊ॒तयः॑ सु॒ऊतयो॑ व  
ऊ॒तयः॑ १६

यथा॑ क॒लां यथा॑ श॒फं यथ॑ ऋ॒णं सं॑नयामसि ।

ए॒वा दु॒ष्वप्र॒च्यं॑ सर्वा॒माप्त्ये॑ सं न॒याम॑स्य ने॒हसौ॑ व ऊ॒तयः॑ सुऊ॒तयो॑ व ऊ॒तयः॑  
१७

अ॒जैष्मा॒द्यास॑ना॒म चा॒भूमा॑ना॒गसो॑ व॒यम् ।

उ॒षो य॑स्माद् दु॒ष्वप्र॒च्य द॒भैष्मा॒प तदु॑च्छ॒त्वने॒हसौ॑ व ऊ॒तयः॑ सुऊ॒तयो॑ व  
ऊ॒तयः॑ १८

(३७) सप्तत्रिंशं सूक्तम्

(१-१५) पञ्चदशर्चस्यास्य सूक्तस्य घौरः काण्वः प्रगाथ ऋषिः । सोमो देवता ।

(१-४, ६-१५) प्रथमादिचतुर्भृचां षष्ठ्यादिदशानाञ्च त्रिष्टुप्,

(५) पञ्चम्याश्च जगती छन्दसी

स्वा॒दोर्भ॑क्षि॒ वय॑सः सु॒मे॒धाः स्वा॒ध्यौ व॑रि॒वो॒वित्तर॑स्य ।

वि॒श्वे यं दे॒वा उ॒त म॒र्त्यासो॑ मधु॒ ब्रु॒वन्तो॑ अ॒भि स॑ंचर॒न्ति १

अ॒न्तश्च॑ प्रा॒गा अ॒दि॒तिर्भ॑वास्य॒ वया॑ता॒ हर॑सो॒ दैव्य॑स्य ।

इ॒न्द्रवि॒न्द्रस्य॑ स॒ख्यं जु॑षा॒णः श्रौ॑ष्ठी॒व धु॑र॒मनु॑ रा॒य ऋ॒ध्याः २

अ॒पा॒म सो॑म॒मृता॑ अ॒भूमा॑ ग॒न्म ज्यो॑ति॒रवि॑दाम॒ देवान् ।

किं नू॒नम॒स्मान् कृ॑ण॒वद॑रा॒तिः कि॒मु धूर्ति॑र॒मृत॑ म॒र्त्यस्य॑ ३

शं नो॑ भव॒ हृद॑ आ॒ पी॒त इ॒न्द्रो पि॒तेव॑ सो॒म सू॒नवै॑ सु॒शेवः॑ ।

स॒खैव॑ स॒ख्यं उ॒रुशंस॑ धी॒रः प्र॒ण आ॑यु॒र्जीव॑सै॒ सोम॑ ता॒रीः ४

इ॒मे मा॑ पी॒ता य॒शस॑ उ॒रुष्य॑वो॒ रथं॑ न गा॒वः स॑म॒नाह॑ प॒र्वसु॑ ।

ते मा॑ र॒क्षन्तु॑ वि॒स्त्रसं॑श्च॒रित्रा॑ दु॒त मा॑ स्त्रामा॒द्यव॑य॒न्त्विन्द्र॑वः ५

अ॒ग्निं न॑ मा॒ मथि॑तं सं॒ दि॒दीपुः॑ प्र॒ चक्ष॑य कृ॒णुहि॑ व॒स्यसो॑ नः ।

अ॒था हि॑ ते॒ मद॑ आ॒ सोम॑ म॒न्यै रे॒वाँ इ॒व प्र॑ चै॒रा पु॒ष्टिम॑च्छ ६

इ॒षिरे॑ण॒ ते म॑न॒सा सु॑तस्य॒ भक्षी॑महि॒ पित्र्य॑स्येव॒ रायः॑ ।

सो॒म राज॑न् प्र॒ण आ॑यु॒षि ता॒री र॑हा॒नीव॑ सू॒र्यो वा॑स॒राणि॑ ७

सो॒म राज॑न् मृ॒ळया॑ नः स्व॒स्ति तव॑ स्म॒सि व॒त्याइ॑स्तस्य॒ विद्धि॑ ।

अ॒ल॒र्तिं द॑क्ष॒ उ॒त म॒न्युरि॑न्द्रो॒ मा नो॑ अ॒र्यो अ॑नु॒कामं॑ प॒रा दाः॑ ८

त्वं हि॑ न॒स्तन्वः॑ सो॒म गो॒पा गा॒त्रैगा॑त्रे॒ निष॑स॒त्था नृ॑च॒क्षाः ।

यत् ते॑ व॒यं प्र॑मि॒नाम॑ वृ॒तानि॑ स॒ नो मृ॑ळ सु॒षखा॑ दै॒व व॑स्यः ९

ऋ॒दूदे॑रे॒ण स॒ख्या स॑चे॒य यो मा॑ न रि॒ष्यैद्ध॑र्यश्च॒ पीतः॑ ।

अ॒यं यः सो॒मो न्य॑धा॒य्यस्मे॑ तस्मा॒ इन्द्रं॑ प्र॒तिर॑मे॒म्यायुः॑ १०

अप॒ त्या अ॒स्थुरनि॑रा अ॒मीवा॑ निर॒त्रस॑न् तमि॒षीची॑रभैषुः ।  
 आ सोमो॑ अ॒स्माँ अ॒रुह॑द् विहा॒या अ॒गन्म॑ यत्र॒ प्रति॑रन्त॒ आयुः॑ ११  
 यो न॒ इन्दुः॑ पि॒तरो॑ ह॒त्सु पी॑तो ऽम॒र्त्यो म॒त्याँ आ॒वि॒वेश॑ ।  
 तस्मै॑ सोमा॒य ह॒विषो॑ वि॒धेम॑ मृ॒ळीके॑ अ॒स्य सु॒म॒तौ स्या॑म १२  
 त्वं सोम॑ पि॒तृभिः॑ संवि॒दानो॑ ऽनु॒ द्यावा॑पृथि॒वी आ॑ त॒तन्थ॑ ।  
 तस्मै॑ त इ॒न्दो ह॒विषा॑ वि॒धेम॑ व॒यं स्या॑म॒ पत॑यो र॒यीणा॑म् १३  
 त्राता॑रो दे॒वा अ॒धि वो॑चता नो॒ मा नो॑ नि॒द्रा ई॑शत॒ मोत॑ ज॒ल्पिः॑ ।  
 व॒यं सोम॑स्य वि॒श्वह॑ प्रि॒यासः॑ सु॒वीरा॑सो वि॒दथ॑मा व॒देम॑ १४  
 त्वं नः॑ सोम॒ विश्व॑तौ व॒योधा॑ स्त्वं स्व॒र्विदा॑ वि॒शा नृ॑च॒क्षाः ।  
 त्वं न॑ इ॒न्द ऊ॒तिभिः॑ स॒जोषाः॑ पा॒हि प॒श्चाता॑दुत वा॒ पुर॑स्तात् १५

अथ वालखिल्यम् ।

(३८) अष्टात्रिंशं सूक्तम्

(१-१०) दशर्चस्यास्य सूक्तस्य कारवः प्रस्करव ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

अ॒भि प्र॑ वः सु॒राध॑स॒ मिन्द्र॑म॒र्च॒ यथा॑ वि॒दे ।  
 यो ज॑रि॒तृभ्यो॑ म॒घवा॑ पु॒रुव॑सुः स॒हस्रै॑णो॒ व शि॑क्षति १  
 श॒तानी॑के॒व प्र॑ जि॒गाति॑ धृ॒ष्णुया॑ ह॒न्ति वृ॒त्राणि॑ दा॒शुषे॑ ।  
 गि॒रेरि॑व॒ प्र रसा॑ अ॒स्य पि॒न्विरे॑ द॒त्राणि॑ पु॒रुभो॑र्जसः २  
 आ त्वा॑ सु॒तास॑ इ॒न्दवो॑ मदा॒ य इ॒न्द्र गि॑र्वणः ।  
 आ॒पो न॑ वै॒ज्रिन्न॑न्वो॒क्यं॑ सरः॑ पृ॒णन्ति॑ शूर॒ राध॑से ३  
 अ॒नेह॑सं प्र॒तर॑णं वि॒वक्ष॑णं म॒ध्वः स्वा॑दि॒ष्टमी॑ पिब ।  
 आ यथा॑ म॒न्दसानः॑ कि॒रासि॑ नः॒ प्र क्षु॑द्रे॒व त्मना॑ धृ॒षत् ४  
 आ नः॑ स्तोम॒मुप॑ द्रव॒ द्वि॒यानो॑ अ॒श्वो न॑ सो॒तृभिः॑ ।  
 यं तै॑ स्वधा॒वन् त्स्व॑द॒यन्ति॑ धे॒नव॑ इ॒न्द्र कर॑वैषु॒ रात॑र्यः ५  
 उ॒ग्रं न॑ वी॒रं न॑म॒सोप॑ सेदि॒म वि॑भू॒तिम॑क्षि॒ताव॑सुम् ।  
 उ॒द्रीव॑ व॒ज्रिन्न॑व॒तो न॑ सि॒ञ्चते॑ क्षर॒न्तीन्द्र॑ धी॒तर्यः॑ ६  
 यद्ध॑ नूनं॒ यद्वा॑ य॒ज्ञे यद्वा॑ पृथि॒व्याम॑धि ।  
 अ॒तौ नो॑ य॒ज्ञमा॑शु॒भिर्म॑हे॒मत॑ उ॒ग्र उ॒ग्रेभि॑रा ग॒हि ७

अजिरासो हरयो ये त आशवो वाता इव प्रसक्षिणः ।  
 येभिरपत्यं मनुषः परीर्यसे येभिर्विश्वं स्वर्दृशे ८  
 एतावतस्त ईमह इन्द्र सुमस्य गोमतः ।  
 यथा प्रावो मघवन् मेध्यातिथिं यथा नीपातिथिं धने ९  
 यथा कश्वे मघवन् त्रसदस्यवि यथा पक्थे दशव्रजे ।  
 यथा गोशर्ये असनोऋजिश्चनीन्द्र गोमृद्धिरणयवत् १०

(३६) एकोनचत्वारिंशं सूक्तम्

(१-१०) दशर्वस्यास्य सूक्तस्य काशवः पुष्टिगुर्ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

प्र सु श्रुतं सुरार्धस मर्चा शक्रमभिष्टये ।  
 यः सुन्वते स्तुवते काम्यं वसु सहस्रेणैव मंहते १  
 शतानीका हेतयो अस्य दुष्टरा इन्द्रस्य समिषो महीः ।  
 गिरिर्न भुज्मा मघवत्सु पिन्वते यदी सुता अमन्दिषुः २  
 यदी सुतास इन्द्रवो ऽभि प्रियममन्दिषुः ।  
 आपो न धायि सर्वनं म आ वसो दुर्घाइवोप दाशुषे ३  
 अनेहसं वो हवमानमूतये मध्वः क्षरन्ति धीतर्यः ।  
 आ त्वा वसो हवमानास इन्द्रव उप स्तोत्रेषु दधिरे ४  
 आ नः सोमे स्वध्वर इयानो अत्यो न तौशते ।  
 यं तै स्वदावन् त्वदन्ति गूर्तर्यः पौरै छन्दयसे हवम् ५  
 प्र वीरमुग्रं विविचिं धनुस्पृतं विभूतिं राधसो महः ।  
 उद्रीव वज्रिव्रतो वसुत्वना सदा पीपेथ दाशुषे ६  
 यद्ध नूनं परावति यद् वा पृथिव्यां दिवि ।  
 युजान इन्द्र हरिभिर्महेमत ऋष्व ऋष्वेभिरा गंहि ७  
 रथिरासो हरयो ये तै अस्त्रिध ओजो वातस्य पिप्रति ।  
 येभिर्नि दस्युं मनुषो निघोषयो येभिः स्वः परीर्यसे ८  
 एतावतस्ते वसो विद्याम शूर नव्यसः ।  
 यथा प्राव एतशं कृत्वये धने यथा वशं दशव्रजे ९  
 यथा कश्वे मघवन् मेधे अध्वरे दीर्घनीथे दमूनसि ।  
 यथा गोशर्ये असिषासो अद्रिवो मयि गोत्रं हरिश्रियम् १०

## (४०) चत्वारिंशं सूक्तम्

(१-१०) दशर्चस्यास्य सूक्तस्य कारवः श्रुष्टिगुर्ऋषिः । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

यथा मनौ सांवरणौ सोममिन्द्रापिबः सुतम् ।  
नीपातिथौ मघवन् मेध्यातिथौ पुष्टिगौ श्रुष्टिगौ सचा १  
पार्षद्वाणः प्रस्करव् समसादय च्छर्यान् जित्रिमुद्धितम् ।  
सहस्राणयसिषासद् गवामृषि स्त्वोतो दस्यवे वृकः २  
य उक्थेभिर्न विन्धतै चिकिद्य ऋषिचोदनः ।  
इन्द्रं तमच्छा वद् नव्यस्या मृत्य रिष्यन्तं न भोजसे ३  
यस्मा अर्कं सप्तशीर्षाणमानृचु स्त्रिधातुमुत्तमे पदे ।  
स त्विश्मा विश्वा भुवनानि चिक्रद् दादिञ्जनिष्ट पौंस्यम् ४  
यो नो दाता वसूना मिन्द्रं तं हूमहे वयम् ।  
विद्या ह्यस्य सुमतिं नवीयसीं गुमेम् गोमति वृजे ५  
यस्मै त्वं वसो दानाय शिक्तसि स रायस्पोषमश्नुते ।  
तं त्वा वयं मघवन्निन्द्र गिर्वणः सुतावन्तो हवामहे ६  
कदा चन स्तरीरसि नेन्द्रं सश्वसि दाशुषे ।  
उपोपेन्नु मघवन् भूय इन्नु ते दानं देवस्य पृच्यते ७  
प्र यो ननुक्षे अभ्योजसा क्रिवि वृधैः शुष्णा निघोषयन् ।  
यदेदस्तम्भीत् प्रथयन्नमूं दिव मादिञ्जनिष्ट पार्थिवः ८  
यस्यायं विश्व आर्यो दासः शेवधिपा अरिः ।  
तिरश्चिदुर्ये रुशमे परीरवि तुभ्येत् सो अज्यते रयिः ९  
तुरणवो मधुमन्तं घृतश्चुतं विप्रासो अर्कमानृचुः ।स्मे रयिः पंप्रथे वृष्यं  
शवो ऽस्मे सुवानास इन्दवः १०

## (४१) एकचत्वारिंशं सूक्तम्

(१-१०) दशर्चस्यास्य सूक्तस्य कारव आयुर्ऋषिः । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

यथा मनौ विवस्वति सोमं शक्रापिबः सुतम् ।  
यथा त्रिते छन्द इन्द्र जुजौषस्या यौ मादयसे सचा १  
पृषधे मेध्यै मातरिश्वनीन्द्रं सुवाने अमन्दथाः ।



यथा सोमं दशशिप्रे दशौरये स्यूमरश्मावृजूनसि २  
 य उक्था केवला दधे यः सोमं धृषितापिबत् ।  
 यस्मै विष्णुस्त्रीणि पदा विचक्रम उप मित्रस्य धर्मभिः ३  
 यस्य त्वमिन्द्र स्तोमेषु चाकनो वाजै वाजिञ्छतक्रतो ।  
 तं त्वा वयं सुदुर्घामिव गोदुहो जुहूमसि श्रवस्यवः ४  
 यो नो दाता स नः पिता महां उग्र ईशानकृत् ।  
 अयामन्नुग्रो मघवा पुरुवसु गोरश्वस्य प्र दातु नः ५  
 यस्मै त्वं वसो दानाय मर्हसे स रायस्पोषमिन्वति ।  
 वसूयवो वसुपतिं शतक्रतुं स्तोमैरिन्द्रं हवामहे ६  
 कदा चन प्र युच्छस्यु भे नि पासि जन्मनी ।  
 तुरीयादित्य हवनं त इन्द्रिय मा तस्थावमृतं दिवि ७  
 यस्मै त्वं मघवन्निन्द्र गिर्वणः शिद्धो शिद्धसि दाशुषे ।  
 अस्माकं गिरं उत सुष्टुतिं वसो करववच्छृणुधी हवम् ८  
 अस्तावि मन्मं पूर्वं ब्रह्मेन्द्राय वोचत ।  
 पूर्वीर्ऋतस्य बृहतीरनूषत स्तोतुर्मेधा असृक्षत ९  
 समिन्द्रो रायो बृहतीरधूनुत सं क्षोणी समु सूर्यम् ।  
 सं शक्रासः शुचयः सं गवाशिरः सोमा इन्द्रममन्दिषुः १०

(४२) द्विचत्वारिंशं सूक्तम्

(१-८) अष्टर्चस्यास्य सूक्तस्य कारवो मेध्य ऋषिः । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

उपमं त्वा मघोनां ज्येष्ठं च वृषभारणाम् ।  
 पूर्भिक्तमं मघवन्निन्द्र गोविदमीशानं राय ईमहे १  
 य आयुं कुत्समतिथिग्वमर्दयो वावृधानो दिवेदिवे ।  
 तं त्वा वयं हर्यश्वं शतक्रतुं वाजयन्तो हवामहे २  
 आ नो विश्वेषां रसं मध्वः सिञ्चन्त्वद्रयः ।  
 ये परावति सुन्विरे जनेष्वा ये अर्वावतीन्दवः ३  
 विश्वा द्वेषांसि जहि चाव चा कृधि विश्वे सन्वन्त्वा वसु ।  
 शीष्टेषु चित्ते मदिरासौ अंशवो यत्रा सोमस्य तृम्पसि ४  
 इन्द्र नेदीय एदिहि मितमैधाभिरूतिभिः ।

आ शंतम शंतमाभिरभिष्टिभिरा स्वापे स्वापिभिः ५  
 आजितुरं सत्पतिं विश्वचर्षणिं कृधि प्रजास्वाभंगम् ।  
 प्र सू तिरा शर्चीभिर्ये तं उक्थिनः क्रतुं पुनत आनुषक् ६  
 यस्ते साधिष्ठोऽवसे ते स्याम भरेषु ते ।  
 वयं होत्राभिरुत देवहूतिभिः ससवांसौ मनामहे ७  
 अहं हि तै हरिवो ब्रह्म वाजयु राजिं यामि सदोतिभिः ।  
 त्वामिदेव तममे समश्वयुर्गव्युरग्रे मथीनाम् ८

(४३) त्रिचत्वारिंशं सूक्तम्

(१-८) अष्टर्चस्यास्य सूक्तस्य कारवो मातरिक्षा ऋषिः । (१-२, ५-८)  
 प्रथमाद्वितीययोऋचोः पञ्चम्यादिचतसृणाञ्चेन्द्रः, (३-४) तृतीयाचतुर्थ्योश्च विश्वे देवा  
 देवताः । प्रगाथः (विषमर्चा बृहती, समर्चा सतोबृहती) छन्दः  
 एतत् तं इन्द्र वीर्यं गीर्भिर्गृणन्ति कारवः ।  
 ते स्तोभन्त ऊर्जमावन् घृतश्चुतं पौरासौ नक्षन् धीतिभिः १  
 नक्षन्त इन्द्रमवसे सुकृत्यया येषां सुतेषु मन्दसे ।  
 यथा संवर्ते अमदो यथा कृश एवास्मे इन्द्र मत्स्व २  
 आ नो विश्वे सजोषसो देवासो गन्तनोप नः ।  
 वसवो रुद्रा अवसे न आ गम ज्छुरवन्तु मरुतो हवम् ३  
 पूषा विष्णुर्हवनं मे सरस्व त्यवन्तु सप्त सिन्धवः ।  
 आपो वातः पर्वतासो वनस्पतिः शृणोतु पृथिवी हवम् ४  
 यदिन्द्र राधो अस्ति ते माघोनं मघवत्तम ।  
 तेन नो बोधि सधमाद्यौ वृधे भगौ दानाय वृत्रहन् ५  
 आजिपते नृपते त्वमिद्धि नो वाज आ वक्षि सुक्रतो ।  
 वीती होत्राभिरुत देववीतिभिः ससवांसो वि शृणिवरे ६  
 सन्ति ह्यर्श्य आशिष इन्द्र आयुर्जनानाम् ।  
 अस्मान् नक्षस्व मघवन्नृपावसे धुक्षस्व पिप्युषीमिषम् ७  
 वयं तं इन्द्र स्तोमैभिर्विधेम त्वमस्माकं शतक्रतो ।  
 महि स्थूरं शशयं राधो अहयं प्रस्करवाय नि तोशय ८

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य कारवः कृश ऋषिः । इन्द्रः प्रस्करवस्य दानस्तुतिश्च देवते । (१-२, ४) प्रथमाद्वितीययोर्ऋचोश्चतुर्थ्याश्च गायत्री, (३, ५)

तृतीयापञ्चम्योश्चानुष्टुप् छन्दसी

भूरीदिन्द्रस्य वीर्यं व्यख्यमभ्यारति । राधस्ते दस्यवे वृक १  
शतं श्वेतासं उक्ष्णौ दिवि तारो न रौचन्ते । म्हा दिवं न तस्तभुः २  
शतं वेणुञ्छतं शुनः शतं चर्माणि म्लातानि ।  
शतं मै बल्बजस्तुका अरुषीणां चतुःशतम् ३  
सुदेवाः स्थ कारवायना वयौवयो विचरन्तः । अश्वासो न चङ्क्रमत ४  
आदित् सामस्य चर्किरन्नानूनस्य महि श्रवः ।  
श्यावीरतिध्वसन् पथश्चक्षुषा चन संनशे ५

(४५) पञ्चचत्वारिंशं सूक्तम्

(१-५) पञ्चर्चस्यास्य सूक्तस्य कारवः पृषध्र ऋषिः । (१-४)

प्रथमादिचतुर्ऋचामिन्द्रः प्रस्करवस्य दानस्तुतिश्च, (५) पञ्चम्याश्चाग्निसूर्यो देवताः ।

(१-४) प्रथमादिचतुर्ऋचां गायत्री, (५) पञ्चम्याश्च पङ्क्तिश्छन्दसी

प्रति ते दस्यवे वृक राधो अदृश्यह्यम् । द्यौर्न प्रथिना शवः १  
दश मह्यं पौतक्रतः सहस्रा दस्यवे वृकः । नित्याद्रायो अमंहत २  
शतं मै गर्द्भानां शतमूर्णावतीनाम् । शतं दासां अति स्रजः ३  
तत्रो अपि प्राणीयत पूतक्रतायै व्यक्ता । अश्वानामिन्न यूथ्याम् ४  
अचैत्यग्निश्चिकितु हव्यवाट् स सुमद्रथः ।  
अग्निः शुक्रेण शोचिषा बृहत् सूर्यो अरोचत दिवि सूर्यो अरोचत ५

(४६) षट्चत्वारिंशं सूक्तम्

(१-४) चतुर्ऋचस्यास्य सूक्तस्य कारवो मेध्य ऋषिः । अश्विनौ देवते । त्रिष्टुप्

छन्दः

युवं देवा क्रतुना पूर्येण युक्ता रथेन तविषं यजत्रा ।  
आर्गच्छतं नासत्या शर्चीभि र्दं तृतीयं सर्वनं पिबाथः १  
युवां देवास्त्रय एकादशासः सत्याः सत्यस्य ददृशे पुरस्तात् ।  
अस्माकं यज्ञं सर्वनं जुषाणा पातं सोममश्विना दीद्यग्नी २  
पनाय्यं तदश्विना कृतं वा वृषभो दिवो रजसः पृथिव्याः ।

सहस्रं शंसा उत ये गविष्टौ सर्वा इत् तां उप याता पिबध्ये ३  
अयं वा भागो निहितो यजत्रे मा गिरौ नासत्योप यातम् ।  
पिबतं सोमं मधुमन्तमस्मे प्र दाश्वांसमवतं शचीभिः ४

## (४७) सप्तचत्वारिंशं सूक्तम्

(१-३) तृचस्यास्य सूक्तस्य कारवो मेध्य ऋषिः । (१) प्रथमर्चो विश्वे देवा  
ऋत्विजो वा, (२-३) द्वितीयातृतीययोश्च विश्वे देवा देवताः । त्रिष्टुप् छन्दः  
यमृत्विजो बहुधा कल्पयन्तः सचेतसो यज्ञमिमं वहन्ति ।  
यो अनूचानो ब्राह्मणो युक्त आसीत् का स्वित् तत्र यजमानस्य संवित् १  
एक एवाग्निर्बहुधा समिद्ध एकः सूर्यो विश्वमनु प्रभूतः ।  
एकैवोषाः सर्वमिदं वि भा त्येकं वा इदं वि बभूवु सर्वम् २  
ज्योतिष्मन्तं केतुमन्तं त्रिचक्रं सुखं रथं सुषटं भूरिवारम् ।  
चित्रामघा यस्य योगैऽधिजज्ञे तं वा हुवे अति रिक्तं पिबध्ये ३

## (४८) अष्टचत्वारिंशं सूक्तम्

(१-७) सप्तर्चस्यास्य सूक्तस्य कारवः सुपर्ण ऋषिः । इन्द्रावरुणौ देवते ।  
जगती छन्दः

इमानि वां भागुधेयानि सिस्त्रत् इन्द्रावरुणा प्र महे सुतेषु वाम् ।  
यज्ञेर्यज्ञे ह सर्वना भुरणयथो यत् सुन्वते यजमानाय शिद्धथः १  
निष्विध्वरीरोषधीराप आस्ता मिन्द्रावरुणा महिमानमाशत ।  
या सिस्त्रतू रजसः पारे अध्वनो ययोः शत्रुर्नकिरादैव ओहते २  
सत्यं तदिन्द्रावरुणा कृशस्य वां मध्व ऊर्मि दुहते सप्त वाणीः ।  
ताभिर्दाश्वांसमवतं शुभस्पती यो वामदब्धो अभि पाति चित्तिभिः ३  
घृतप्रुषः सौम्या जीरदानवः सप्त स्वसारः सदन ऋतस्य ।  
या ह वामिन्द्रावरुणा घृतश्रुत् स्ताभिर्धत्तं यजमानाय शिद्धतम् ४  
अवौचाम महते सौभगाय सत्यं त्वेषाभ्यां महिमानमिन्द्रियम् ।  
अस्मान् त्स्विन्द्रावरुणा घृतश्रुत् स्त्रिभिः साप्तेभिरवतं शुभस्पती ५  
इन्द्रावरुणा यदृषिभ्यो मनीषां वाचो मतिं श्रुतमदत्तमग्रे ।  
यानि स्थानान्यसृजन्त धीरा यज्ञं तन्वानास्तपसाभ्यपश्यम् ६  
इन्द्रावरुणा सौमनसमदृप्तं रायस्पोषं यजमानेषु धत्तम् ।

प्रजां पुष्टिं भूतिमस्मासु धत्तं दीर्घायुत्वायु प्र तिरतं न आयुः ७  
इति वालखिल्यं समाप्तम् ।

(४६) एकोनपञ्चाशं सूक्तम्

(१-२०) विंशत्यृचस्यास्य सूक्तस्य प्रागाथो भर्ग ऋषिः । अग्निर्देवता । प्रगाथः  
(विषमर्चा बृहती, समर्चा सतोबृहती) छन्दः

अग्ने आ याह्यग्निभिर्होतारं त्वा वृणीमहे ।  
आ त्वामनक्तु प्रयता हविष्मती यजिष्ठं बर्हिरासदे १  
अच्छा हि त्वा सहसः सूनो अङ्गिरः स्तुचश्चरन्त्यध्वरे ।  
ऊर्जो नपातं घृतकेशमीमहे ऽग्निं यज्ञेषु पूर्वम् २  
अग्ने कविर्वेधा असि होता पावक यदर्यः ।  
मन्द्रो यजिष्ठो अध्वरेष्वीड्यो विप्रैभिः शुक्र मन्मभिः ३  
अद्रौघमा वहोशतो यविष्ठय देवाँ अजस्र वीतये ।  
अभि प्रयासि सुधिता वसो गहि मन्दस्व धीतिभिर्हितः ४  
त्वमित् सप्रथा अस्य ग्रे त्रातर्ऋतस्कविः ।  
त्वां विप्रांसः समिधान दीदिव आ विवासन्ति वेधसः ५  
शोचा शोचिष्ठ दीदिहि विशे मयो रास्व स्तोत्रे मुहाँ असि ।  
देवानां शर्मन् मर्म सन्तु सूरयः शत्रूषाहः स्वग्रयः ६  
यथा चिद् वृद्धमतस मग्ने संजूर्वसि क्षमि ।  
एवा देह मित्रमहो यो अस्मधुग् दुर्मन्मा कश्च वेनेति ७  
मा नो मर्ताय रिपवे रक्षस्विने माघशसाय रीरधः ।  
अस्त्रैधद्भिस्तरणिभिर्यविष्ठय शिवेभिः पाहि पायुभिः ८  
पाहि नो अग्ने एकया पाह्युश्त द्वितीयया ।  
पाहि गीर्भिस्ति सृभिरूर्जा पते पाहि चतसृभिर्वसो ९  
पाहि विश्वस्माद्रक्षसो अराव्णः प्र स्म वाजेषु नोऽव ।  
त्वामिद्धि नेदिष्ठं देवतातय आपिं नक्षामहे वृधे १०  
आ नो अग्ने वयोवृध रयिं पावक शंस्यम् ।  
रास्वा च न उपमाते पुरुस्पृहं सुनीती स्वयशस्तरम् ११  
येन वंसाम् पृतनासु शर्धत् स्तरन्तो अर्य आदिशः ।  
स त्वं नो वर्ध प्रयसा शचीवसो जिन्वा धियो वसुविदः १२

शिशानो वृषभो यथाग्निः शृङ्गे दविध्वत् ।  
 तिग्मा अस्य हनवो न प्रतिधृषे सुजम्भः सहसो यहुः १३  
 नहि ते अग्ने वृषभ प्रतिधृषे जम्भासो यद्वितिष्ठसे ।  
 स त्वं नो होतुः सुहृतं हविष्कृधि वंस्वा नो वार्या पुरु १४  
 शेषे वनेषु मात्रोः सं त्वा मर्तास इन्धते ।  
 अतन्द्रो हव्या वहसि हविष्कृत आदिद् देवेषु राजसि १५  
 सप्त होतारस्तमिदीळते त्वा ऽग्ने सुत्यजमहयम् ।  
 भिनत्स्यद्रिं तपसा वि शोचिषा प्राग्ने तिष्ठ जनाँ अति १६  
 अग्निर्मग्निं वो अधिगुं हुवेम वृक्तबर्हिषः ।  
 अग्निं हितप्रयसः शश्वतीष्वा ऽऽहोतारं चर्षणीनाम् १७  
 केतैन् शर्मन् त्सचते सुषामणय ग्रे तुभ्यं चिकित्वना ।  
 इषणयया नः पुरुरूपमा भर वाजं नेदिष्ठमूतये १८  
 अग्ने जरितर्विशपति स्तेपानो देव रक्षसः ।  
 अप्रौषिवान् गृहपतिर्महाँ असि दिवस्पायुर्दुरोणयुः १९  
 मा नो रक्ष आ वैशीदाघृणीवसो मा यातुर्यातुमार्वताम् ।  
 परोगव्यूत्यनिरामप क्षुध मग्ने सेध रक्षस्विर्नः २०

(५०) पञ्चाशं सूक्तम्

(१-१८) अष्टादशर्चस्यास्य सूक्तस्य प्रागाथो भर्ग ऋषिः । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

उभयं शृणवच्च न इन्द्रो अर्वागिदं वचः ।  
 सत्राच्यो मघवा सोमपीतये धिया शविष्ठ आ गमत् १  
 तं हि स्वरार्जं वृषभं तमोजसे धिषणै निष्टतक्षतुः ।  
 उतोपमानां प्रथमो नि षीदसि सोमकामं हि ते मनः २  
 आ वृषस्व पुरुवसो सुतस्येन्द्रान्धसः ।  
 विद्या हि त्वा हरिवः पृत्सु सासहि मधृष्टं चिद् दधृष्वणिम् ३  
 अप्रामिसत्य मघवन् तथेदस दिन्द्र क्रत्वा यथा वशः ।  
 सनेम् वाजं तव शिप्रिन्नर्वसा मक्षू चिद्यन्तो अद्रिवः ४  
 शग्ध्युर्षु शचीपत् इन्द्र विश्वाभिरूतिभिः ।  
 भगं न हि त्वा यशसं वसुविद् मनु शूर चरामसि ५

पौरो अश्वस्य पुरुकृद् गवाम् स्युत्सौ देव हिरण्ययः ।  
 नकिर्हि दानं परिमर्धिषत् त्वे यद्यद्यामि तदा भर ६  
 त्वं ह्येहि चेरवे विदा भगुं वसुत्तये ।  
 उद् वावृषस्व मघवन् गविष्टय उदिन्द्राश्वमिष्टये ७  
 त्वं पुरू सहस्राणि शतानि च यूथा दानाय मंहसे ।  
 आ पुरंदरं चकृम् विप्रवचस इन्द्रं गायन्तोऽवसे ८  
 अविप्रो वा यदविध द्विप्रो वेन्द्र ते वचः ।  
 स प्र ममन्दत् त्वाया शतक्रतो प्राचीमन्यो अहंसन ९  
 उग्रबाहूर्मरुक्त्वा पुरंदरो यदि मे शृण्वद्धवम् ।  
 वसूयवो वसुपतिं शतक्रतुं स्तोमैरिन्द्र हवामहे १०  
 न पापासौ मनामहे नारायासो न जल्हवः ।  
 यदिव्विन्द्रं वृषणं सचा सुते सखायं कृणवामहे ११  
 उग्रं युयुज्म पृतनासु सासहि मृणकातिमदाभ्यम् ।  
 वेदा भूमं चित् सनिता रथीतमो वाजिनं यमिदू नशत् १२  
 यत इन्द्र भयामहे ततो नो अभयं कृधि ।  
 मघवञ्छुग्धि तव तन्न ऊतिभिर्वि द्विषो वि मृधो जहि १३  
 त्वं हि राधस्पते राधसो महः क्षयस्यासि विधतः ।  
 तं त्वा वयं मघवन्निन्द्र गिर्वणः सुतावन्तो हवामहे १४  
 इन्द्रः स्पळत वृत्रहा परस्पा नो वरैरयः ।  
 स नो रक्षिषच्चरमं स मध्यमं स पश्चात् पातु नः पुरः १५  
 त्वं नः पश्चादधरादुत्तरात् पुर इन्द्र नि पाहि विश्वतः ।  
 आरे अस्मत् कृणुहि दैव्यं भय मारे हेतीरदेवीः १६  
 अद्याद्या श्वःश्च इन्द्र त्रास्व परे च नः ।  
 विश्वा च नो जरितृन् त्सत्पते अहा दिवा नक्तं च रक्षिषः १७  
 प्रभङ्गी शूरो मघवा तुवीमघः संमिश्लो वीर्याय कम् ।  
 उभा तै ब्राहू वृषणा शतक्रतो नि या वज्रं मिमिक्षतुः १८

(५१) एकपञ्चाशं सूक्तम्

(१-१२) द्वादशर्वस्यास्य सूक्तस्य कारवो घौरः प्रगाथ ऋषिः । इन्द्रो देवता ।

(१-६, १०-१२) प्रथमादितृचद्वयस्य दशम्यादितृचस्य च पङ्क्तिः, (७-९)

सप्तम्यादितृचस्य च बृहती छन्दसी

प्रो अस्मा उपस्तुतिं भरता यज्जुजौषति ।  
 उक्थैरिन्द्रस्य माहिं वयो वर्धन्ति सोमिनो भद्रा इन्द्रस्य रातयः १  
 अयुजो असमो नृभि रेकः कृष्टीरयास्यः ।  
 पूर्वीरति प्र वावृधे विश्वा जातान्योजसा भद्रा इन्द्रस्य रातयः २  
 अहितेन चिदर्वता जीरदानुः सिषासति ।  
 प्रवाच्यमिन्द्र तत् तव वीर्याणि करिष्यतो भद्रा इन्द्रस्य रातयः ३  
 आ याहि कृणवाम त इन्द्र ब्रह्माणि वर्धना ।  
 येभिः शविष्ठ चाकनो भद्रमिह श्रवस्यते भद्रा इन्द्रस्य रातयः ४  
 धृषतश्चिद् धृषन्मनः कृणोषीन्द्र यत् त्वम् ।  
 तीव्रैः सोमैः सपर्यतो नमोभिः प्रतिभूषतो भद्रा इन्द्रस्य रातयः ५  
 अवं चष्ट ऋचीषमो ऽवताँ इव मानुषः ।  
 जुष्टी दक्षस्य सोमिनः सखायं कृणुते युजं भद्रा इन्द्रस्य रातयः ६  
 विश्वे त इन्द्र वीर्यं देवा अनु क्रतुं ददुः ।  
 भुवो विश्वस्य गोपतिः पुरुष्टुत भद्रा इन्द्रस्य रातयः ७  
 गृणे तदिन्द्र ते शवं उपमं देवतातये ।  
 यद्धंसि वृत्रमौजसा शचीपते भद्रा इन्द्रस्य रातयः ८  
 समनेव वपुष्यतः कृणवन्मानुषा युगा ।  
 विदे तदिन्द्रश्चेतनमर्धं श्रुतो भद्रा इन्द्रस्य रातयः ९  
 उज्जातमिन्द्र ते शव उत त्वामुत् तव क्रतुम् ।  
 भूरिगो भूरि वावृधुर्मर्धवन् तव शर्मणि भद्रा इन्द्रस्य रातयः १०  
 अहं च त्वं च वृत्रहन्त्सं युज्याव सनिभ्य आ ।  
 अरातीवा चिदद्रिवो ऽनु नौ शूर मंसते भद्रा इन्द्रस्य रातयः ११  
 सत्यमिद् वा उ तं वय मिन्द्रं स्तवाम् नानृतम् ।  
 मुहाँ असुन्वतो वधो भूरि ज्योतीषि सुन्वतो भद्रा इन्द्रस्य रातयः १२

(५२ ) द्विपञ्चाशं सूक्तम्

(१-१२) द्वादशर्चस्यास्य सूक्तस्य कारवः प्रगाथ ऋषिः । (१-११)  
 प्रथमाद्येकादशर्चामिन्द्रः, (१२) द्वादश्याश्च देवा देवताः । (१, ४-५, ७)  
 प्रथमर्चश्चतुर्थीपञ्चमीसप्तमीनाञ्चानुष्टुप्, (२-३, ६, ८-११)



द्वितीयातृतीयाषष्ठीनामष्टम्यादिचतसृणाञ्च गायत्री, (१२) द्वादश्याश्च त्रिष्टुप् छन्दांसि  
स पूव्यो महानां वेनः क्रतुभिरानजे । यस्य द्वारा मनुष्यिता देवेषु धियं  
आनुजे १

दिवो मानं नोत्सदन् त्सोमपृष्ठासो अद्रयः । उक्था ब्रह्म च शंस्या २

स विद्वाँ अङ्गिरोभ्य इन्द्रो गा अवृणोदप । स्तुषे तदस्य पौंस्यम् ३

स प्रबथा कविवृध इन्द्रौ वाकस्य वृक्षणिः ।

शिवो अर्कस्य होमं न्यस्मत्रा गन्त्ववसे ४

आदू नु ते अनु क्रतुं स्वाहा वरस्य यज्यवः ।

श्वात्रमर्का अनूषते न्द्रं गोत्रस्य दावनै ५

इन्द्रे विश्वानि वीर्या कृतानि कर्त्वानि च । यमर्का अध्वरं विदुः ६

यत् पाञ्चजन्यया विशे न्द्रे घोषा असृक्षत ।

अस्तृणाद्धर्हणा विपोऽर्यो मानस्य स क्षयः ७

इयमुं ते अनुष्टुतिं चकृषे तानि पौंस्या । प्रावञ्चक्रस्य वर्तनिम् ८

अस्य वृष्णो व्योदन उरु क्रमिष्ट जीवसै । यवं न पश्च आ ददे ९

तद्धाना अवस्यवौ युष्माभिर्दक्षपितरः । स्याम मरुत्वतो वृधे १०

बळत्वियाय धाम्न ऋक्वभिः शूर नोनुमः । जेषामेन्द्र त्वर्या युजा ११

अस्मै रुद्रा मेहना पर्वतासो वृत्रहत्ये भरहूतौ सजोषाः ।

यः शंसते स्तुवते धारिं पञ्च इन्द्रज्येष्ठा अस्माँ अवन्तु देवाः १२

(५३) त्रिपञ्चाशं सूक्तम्

(१-१२) द्वादशर्चस्यास्य सूक्तस्य कारणः प्रगाथ ऋषिः । इन्द्रो देवता ।

गायत्री छन्दः

उत् त्वा मन्दन्तु स्तोमाः कृणुष्व राधौ अद्रिवः । अवं ब्रह्मद्विषौ जहि १

पदा पृणैर्राधसो नि बाधस्व म्हाँ असि । नहि त्वा कश्चन प्रति २

त्वमीशिषे सुताना मिन्द्र त्वमसुतानाम् । त्वं राजा जनानाम् ३

एहि प्रेहि क्षयौ दि व्याऽघोषञ्चर्षणीनाम् । ओभे पृणासि रोदसी ४

त्यं चित् पर्वतं गिरिं शतवन्तं सहस्रिणम् । वि स्तोतृभ्यो रुरोजिथ ५

व्यमुं त्वा दिवा सुते वयं नक्तं हवामहे । अस्माकं काममा पृण ६

क्वश् स्य वृषभो युवां तुविग्रीवो अनानतः । ब्रह्मा कस्तं संपर्यति ७

कस्ये स्वित् सर्वनं वृषा जुजुष्वाँ अवं गच्छति । इन्द्रं क उँ स्विदा चके ८

कं ते दाना असन्नत वृत्रहन् कं सुवीर्या । उक्थे क उं स्वदन्तमः ९  
 अयं ते मानुषे जने सोमः पूरुषु सूयते । तस्येहि प्र द्रवा पिब १०  
 अयं ते शर्यणावति सुषोमायामधि प्रियः । अर्जीकीये मदिन्तमः ११  
 तमद्य राधसे महे चारुं मदायु घृष्वये । एहीमिन्द्र द्रवा पिब १२

## (५४) चतुःपञ्चाशं सूक्तम्

(१-१२) द्वादशर्चस्यास्य सूक्तस्य काण्वः प्रगाथ ऋषिः । इन्द्रो देवता ।

गायत्री छन्दः

यदिन्द्र प्रागपागुदुङ् न्यग्वा ह्यसे नृभिः । आ याहि तूर्यमाशुभिः १  
 यद्वा प्रस्रवणे दिवो मादयासे स्वर्ण रे । यद्वा समुद्रे अन्धसः २  
 आ त्वा गीर्भिर्महामुरुं हुवे गामिव भोजसे । इन्द्र सोमस्य पीतये ३  
 आ त इन्द्र महिमानुं हरयो देव ते महः । रथे वहन्तु बिभ्रतः ४  
 इन्द्रं गृणीष उं स्तुषे महां उग्र ईशानकृत् । एहि नः सुतं पिब ५  
 सुतावन्तस्त्वा वयं प्रयस्वन्तो हवामहे । इदं नो बृहिरासदे ६  
 यच्चिद्धि शश्वतामसीन्द्र साधारणस्त्वम् । तं त्वा वयं हवामहे ७  
 इदं ते सोम्यं मध्व धुञ्जन्नद्रिभिर्नरः । जुषाण इन्द्र तत् पिब ८  
 विश्वाँ अर्यो विपश्चितो ऽति ख्यस्तूयमा गहि । अस्मे धेहि श्रवो बृहत् ९  
 दाता मे पृषतीनां राजा हिरण्यवीनाम् । मा देवा मघवा रिषत् १०  
 सहस्रे पृषतीना मधि श्वन्द्रं बृहत् पृथु । शक्रं हिरण्यमा ददे ११  
 नपातो दुर्गहस्य मे सहस्रेण सुरार्धसः । श्रवो देवेष्वक्रत १२

## (५५) पञ्चपञ्चाशं सूक्तम्

(१-१५) पञ्चदशर्चस्यास्य सूक्तस्य प्रागाथः कलिर्ऋषिः । इन्द्रो देवता । (१-

१४) प्रथमादिचतुर्दशर्चा प्रागाथः (विषमर्चा बृहती, समर्चा सतोबृहती), १५

पञ्चदश्याश्चानुष्टुप् छन्दसी

तरौभिर्वो विदद्भसु मिन्द्रं सबाध ऊतये ।  
 बृहद्द्वार्यन्तः सुतसौमे अध्वरे हुवे भरं न कारिणाम् १  
 न यं दुध्वा वरन्ते न स्थिरा मुरो मदे सुशिप्रमन्धसः ।  
 य आदृत्या शशमानाय सुन्वते दाता जरित्र उक्थ्यम् २  
 यः शक्रो मृत्तो अश्वयो यो वा कीजौ हिरण्ययः ।

स ऊर्वस्य रेजयत्यपावृति मिन्द्रो गव्यस्य वृत्रहा ३  
 निखातं चिद्यः पुरुसंभृतं वसू दिद्वपति दाशुषै ।  
 वृज्री सुशिप्रो हर्यश्च इत् कर्दिन्द्रः क्रत्वा यथा वशत् ४  
 यद्वावन्थं पुरुष्टुत पुरा चिच्छूर नृणाम् ।  
 वयं तत् तं इन्द्र सं भरामसि यज्ञमुक्थं तुरं वचः ५  
 सचा सोमैषु पुरुहूत वज्रिवो मदयि द्युक्ष सोमपाः ।  
 त्वमिद्धि ब्रह्मकृते काम्यं वसु देष्टः सुन्वते भुवः ६  
 वयमेनमिदा ह्यो ऽपीपेमेह वज्रिणम् ।  
 तस्मा उ अद्य समना सुतं भरा ऽऽ नूनं भूषत श्रुते ७  
 वृकश्चिदस्य वारुण उरामथि रा वयुनेषु भूषति ।  
 सेमं नः स्तोमं जुजुषाण आ गृहीन्द्र प्र चित्रया धिया ८  
 कदू न्वश्याकृत मिन्द्रस्यास्ति पौस्यम् ।  
 केनो नु कं श्रोमतेन न शश्रुवे जनुषः परि वृत्रहा ९  
 कदू महीरधृष्टा अस्य तविषीः कदु वृत्रघ्नो अस्तृतम् ।  
 इन्द्रो विश्वान् बेकनाटाँ अहर्दृश उत क्रत्वा पृणीरंभि १०  
 वयं घा ते अपूर्व्येन्द्र ब्रह्माणि वृत्रहन् ।  
 पुरुतमासः पुरुहूत वज्रिवो भृतिं न प्र भरामसि ११  
 पूर्वीश्चिद्धि त्वे तुविकूर्मिन्नाशसो हवन्त इन्द्रोतयः ।  
 तिरश्चिद्वयः सवना वसो गहि शविष्ठ श्रुधि मे हवम् १२  
 वयं घा ते त्वे इ द्विन्द्र विप्रा अपि ष्मसि ।  
 नहि त्वदन्यः पुरुहूत कश्चन मर्षवन्नस्ति मर्दिता १३  
 त्वं नो अस्या अमतेरुत क्षुधोर्इ ऽभिशास्तेरव स्पृधि ।  
 त्वं न उती तव चित्रया धिया शिक्ता शचिष्ठ गातुवित् १४  
 सोम इद्वः सुतो अस्तु कलयो मा बिभीतन ।  
 अपेदेष ध्वस्मारयति स्वयं घैषो अपायति १५

(५६) षट्पञ्चाशं सूक्तम्

(१-२१) एकविंशत्यृचस्यास्य सूक्तस्य साम्मदो मत्स्यो मैत्रावरुणिर्मान्यो वा  
 जालनद्धा बहवो मत्स्या वा ऋषयः । आदित्या देवताः । गायत्री छन्दः  
 त्यान् नु क्षत्रियाँ अवं आदित्यान् याचिषामहे । सुमृळीकाँ अभिष्टये १

मि॒त्रो नो अ॒त्य॑ह॒तिं वरु॑णः पर्ष॑दर्य॒मा । आ॒दि॒त्यासो॒ यथा॑ वि॒दुः २  
 तेषां॑ हि चि॒त्रमु॒क्थ्यं॑ वरु॒थमस्ति॑ दा॒शुषे॑ । आ॒दि॒त्याना॑म॒रंकृ॑तै ३  
 महि॑ वो मह॒तामवो॑ वरु॒ण मि॒त्रार्य॑मन् । अवा॑स्या वृ॒णीमहे॑ ४  
 जी॒वान् नो॑ अ॒भि धै॒तना॑ऽऽदि॒त्यासः॑ पु॒रा ह॒थात् । क॒द्ध स्थ॑ ह॒वनश्रुतः॑ ५  
 यद्वः॑ श्रान्ता॒र्य सु॒न्वते॑ वरु॒थमस्ति॑ यच्छ॒र्दिः । तेना॑ नो अ॒धि वो॒चत॑ ६  
 अस्ति॑ दे॒वा अ॒हो॒र्व स्ति॑ रत्न॒मना॑गसः । आ॒दि॒त्या अ॒द्भुतै॑नसः ७  
 मा नः॑ से॒तुः सि॒षेद॒यं म॒हे वृ॒णक्तु॑ न॒स्परि॑ । इन्द्र॑ इ॒द्धि श्रु॒तो वृ॒शी ८  
 मा नो॑ मृ॒चा रि॒पूणां॑ वृ॒जि॒नाना॑मविष्यवः । दे॒वा अ॒भि प्र॑ मृ॒क्षत॑ ९  
 उ॒त त्वा॑म॒दिते॑ म॒ह्यहं॑ दे॒व्युप॑ ब्रुवे । सु॒मृ॒ळीका॑म॒भिष्ट॑ये १०  
 पर्षि॑ दी॒ने ग॑भी॒र आ॑ उ॒ग्रपु॒त्रे जि॒घास॑तः । मा॒कि॒स्तो॒कस्य॑ नो रिषत् ११  
 अ॒ने॒हो न॑ उरु॒व्रज॑ उरु॒चि वि॑ प्र॒स॒र्तवे॑ । कृ॒धि तो॒काय॑ जी॒वसे॑ १२  
 ये मूर्धा॑नः॒ क्षि॒तीना॑ म॒द॒ब्धासुः॑ स्व॒यंश॑सः । वृ॒ता र॑क्ष॒न्ते अ॒द्भुहः॑ १३  
 ते न॑ आ॒स्रो वृ॒काणा॑ मा॒दि॒त्यासो॑ मु॒मोच॑त । स्तेनं॑ ब॒द्धमि॑वा॒दिते॑ १४  
 अपो॑ षु ण॑ इ॒यं श॒रु॒रादि॒त्या अप॑ दु॒र्मतिः॑ । अ॒स्मदे॒त्वज॑घ्नुषी १५  
 श॒श्वद्धि॑ वः॒ सु॒दानव॑ आ॒दि॒त्या ऊ॒तिभि॑र्व॒यम् । पु॒रा नूनं॑ बु॒भुज्महे॑ १६  
 श॒श्वन्तं॑ हि प्र॒चेत॑सः प्र॒तिय॑न्तं चि॒देन॑सः । दे॒वाः कृ॒णु॒थ जी॒वसे॑ १७  
 तत् सु॑ नो न॒व्यं स॒न्यसु॑ आ॒दि॒त्या य॒न्मुमो॑चति । ब॒न्धाद्ब॒द्धमि॑वा॒दिते॑ १८  
 ना॒स्माक॑मस्ति॒ तत् तर॑ आ॒दि॒त्यासो॑ अ॒तिष्क॑दै । यू॒यम॒स्मभ्य॑ मृ॒ळत॑ १९  
 मा नो॑ हे॒तिर्वि॑वस्व॒त् आ॒दि॒त्याः कृ॒त्रिमा॑ श॒रुः । पु॒रा नु॑ ज॒रसो॑ वधीत् २०  
 वि षु॑ द्वेषो॒ व्य॑ह॒ति मा॒दि॒त्यासो॑ वि संहि॑तम् । वि॒ष्वग्वि॑ वृ॒हता॑ रपः २१  
 पञ्चमोऽध्यायः । व० १-३८

## (५७) सप्तपञ्चाशं सूक्तम्

(१-१६) एकोनविंशत्यृचस्यास्य सूक्तस्याङ्गिरसः प्रियमेध ऋषिः । (१-१३)  
 प्रथमादित्रयोदशर्चामिन्द्रः, (१४-१६) चतुर्दश्यादितृचद्वयस्य च  
 ऋक्षाश्वमेधयोर्दानस्तुतिर्देवताः । (१-१२) प्रथमादिद्वादशर्चामानुष्टुभः प्रगाथः  
 ((१, ४, ७, १०) प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-  
 १२) द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१६)  
 त्रयोदश्यादिसप्तानाञ्च गायत्री छन्दसी  
 आ॒ त्वा रथं॑ यथो॒तये॑ सु॒म्राय॑ वर्त॒याम॑सि । तु॒वि॒कूर्मि॑मृ॒तीष॑ह॒ मिन्द्र॑ शवि॒ष्ट

सत्पते १

तुर्विशुष्म तुर्विक्रतो शचीवो विश्वया मते । आ पंप्राथ महित्वना २  
यस्य ते महिना महः परि ज्मायन्तमीयतुः । हस्ता वज्रं हिरण्ययम् ३  
विश्वानरस्य वस्पति मनानतस्य शर्वसः । एवैश्च चर्षणीना मूती हुवे  
रथानाम् ४

अभिष्टये सदावृधं स्वर्मीळहेषु यं नरः । नाना हवन्त ऊतये ५  
परोमात्रमृचीषम् मिन्द्रमुग्रं सुरार्धसम् । ईशानं चिद्वसूनाम् ६  
तं तमिद्रार्धसे मह इन्द्रं चोदामि पीतये ।

यः पूर्व्यामनुष्टुति मीशै कृष्टीनां नृतुः ७

न यस्य ते शवसान सख्यमानंश मर्त्यः । नक्किः शवासि ते नशत् ८  
त्वोतासस्त्वा युजा ऽप्सु सूर्ये महद्धनम् । जयैम पृत्सु वज्रिवः ९  
तं त्वा यज्ञेभिरीमहे तं गीर्भिर्गिर्वणस्तम ।

इन्द्र यथा चिदाविथ वाजेषु पुरुमाय्यम् १०

यस्य ते स्वादु सख्यं स्वाद्वी प्रणीतिरद्विवः । यज्ञो वितन्तसाय्यः ११  
उरु रास्तन्वेः तन उरु क्षयाय नस्कृधि । उरु राँ यन्धि जीवसै १२

उरुं नृभ्य उरुं गव उरुं रथाय पन्थाम् । देववीतिं मनामहे १३

उप मा षड् द्वाद्वानरः सोमस्य हर्ष्या । तिष्ठन्ति स्वादुरातयः १४

ऋज्जाविन्द्रोत आ ददे हरी ऋक्षस्य सूनवि । आश्वमेधस्य रोहिता १५

सुरथाँ आतिथिग्वे स्वभीशूँरार्द्धे । आश्वमेधे सुपेशसः १६

षळश्वाँ आतिथिग्व इन्द्रोते वधूमतः । सचा पूतक्रतौ सनम् १७

ऐषु चेतद्रुषणव त्यन्तर्ऋजेष्वरुषी । स्वभीशुः कशावती १८

न युष्मे वाजबन्धवो निनित्सुश्चन मर्त्यः । अवद्यमधि दीधरत् १९

(५८) अष्टपञ्चाशं सूक्तम्

(१-१८) अष्टादशर्चस्यास्य सूक्तस्याङ्गिरसः प्रियमेध ऋषिः । (१-१०, १३-१८)  
प्रथमादिदशर्चा त्रयोदश्यादिषण्णाञ्चन्द्रः, (११) एकादश्या पूर्वार्धस्य विश्वे देवाः,  
(११-१२) एकादश्या उत्तरार्धस्य द्वादश्याश्च वरुणो देवताः । (१, ३, ७-१०, १२-  
१५) प्रथमर्चस्तृतीयायाः सप्तम्यादिचतसृणां द्वादश्यादिचतसृणाञ्चानुष्टुप्, (२)

द्वितीयाया उष्णिक, (४-६) चतुर्थ्यादितृचस्य गायत्री, (११, १६)

एकादशीषोडशयोः पङ्क्तिः, (१७-१८) सप्तदश्याष्टादशयोश्च बृहती छन्दांसि

प्रप्र वस्त्रिष्टुभमिषं मन्दद्वीरायेन्दवे । धिया वो मेधसातये पुरंध्या विवासति  
१

नदं व ओदतीनां नदं योयुवतीनाम् । पतिं वो अघ्न्यानां धेनूनामिषुध्यसि २  
ता अस्य सूददोहसः सोमं श्रीणन्ति पृश्नयः ।

जन्मन् देवानां विशी स्त्रिष्वा रौचने दिवः ३

अभि प्र गोपतिं गिरेन्द्रमर्च यथा विदे । सूनुं सत्यस्य सत्पतिम् ४

आ हरयः ससृजिरे ऽरुषीरधि बर्हिषि । यत्राभि संनवामहे ५

इन्द्राय गाव आशिरं दुदुहे वज्रिणे मधु । यत् सीमुपहरे विदत् ६

उद्यद्ब्रध्नस्य विष्टपं गृहमिन्द्रश्च गन्वहि ।

मध्वः पीत्वा संचेवहि त्रिः सप्त सख्युः पदे ७

अर्चत प्रार्चत प्रियमेधासो अर्चत । अर्चन्तु पुत्रका उत पुरं न धृष्णवर्चत ८

अर्व स्वराति गर्गरो गोधा परि सनिष्वणत् ।

पिङ्गा परि चनिष्कद् दिन्द्राय ब्रह्मोद्यतम् ९

आ यत् पतन्त्येन्यः सुदुघा अनपस्फुरः ।

अपस्फुरं गृभायत् सोममिन्द्राय पातवे १०

अपादिन्द्रो अपादग्निर्विश्वे देवा अमत्सत ।

वरुण इदिह क्षयत् तमापो अभ्यनूषत वत्सं संशिश्वरीरिव ११

सुदेवो असि वरुण यस्य ते सप्त सिन्धवः ।

अनुक्षरन्ति काकुदं सूर्म्यं सुषिरामिव १२

यो व्यतीरिंफाणयत् सुयुक्ताँ उप दाशुषै ।

तक्वो नेता तदिद्वपु रुपमा यो अमुच्यत १३

अतीदुं शक्र ओहत इन्द्रो विश्वा अति द्विषः ।

भिनत् कनीन ओदनं पच्यमानं परो गिरा १४

अर्भको न कुमारको ऽधि तिष्ठन् नवं रथम् ।

स पक्षन्महिषं मृगं पित्रे मात्रे विभुक्रतुम् १५

आ तू सुशिप्र दंपते रथं तिष्ठा हिरण्ययम् ।

अर्धं द्युक्षं संचेवहि सहस्रपादमरुषं स्वस्तिगामनेहसम् १६

तं घैमित्था नमस्विन् उप स्वराजमासते ।

अर्थं चिदस्य सुधितं यदेतव आवर्तयन्ति दावने १७

अनुं प्रत्स्यौकसः प्रियमेधास एषाम् ।

पूर्वामनु प्रयतिं वृक्तबर्हिषो हितप्रयस आशत १८

(५६) एकोनषष्टितमं सूक्तम्

(१-१५) पञ्चदशर्चस्यास्य सूक्तस्याङ्गिरसः पुरुहन्मा ऋषिः । इन्द्रो देवता । (१-६) प्रथमादितृचद्वयस्य प्रगाथः (विषमर्चा बृहती, समर्चा सतोबृहती), (७-१२) सप्तम्यादिषड्चां बृहती, (१३) त्रयोदश्या उष्णिक, (१४) चतुर्दश्या अनुष्टुप्, (१५) पञ्चदश्याश्च पुर उष्णिक छन्दांसि

यो राजा चर्षणीनां याता रथेभिरधिगुः ।

विश्वासां तरुता पृतनानां ज्येष्ठो यो वृत्रहा गृणे १

इन्द्रं तं शुम्भ पुरुहन्मन्नवसे यस्य द्विता विधर्तरि ।

हस्ताय वज्रः प्रति धायि दर्शतो महो दिवे न सूर्यः २

नकिष्टं कर्मणा नश द्यश्चकार सदावृधम् ।

इन्द्रं न यज्ञैर्विश्वगूर्तमृभ्वस मधृष्टं धृषण्वौजसम् ३

अषाळहमुग्रं पृतनासु सासहिं यस्मिन् महीरुरुजयः ।

सं धेनवो जायमाने अनोनवु द्यावः क्षामो अनोनवुः ४

यद्दयाव इन्द्र ते शतं शतं भूमीरुत स्युः ।

न त्वा वज्रिन् त्सहस्रं सूर्या अनु न जातमष्ट रोदसी ५

आ पंप्राथ महिना वृषया वृषन् विश्वा शविष्ट शवसा ।

अस्माँ अत्र मघवन् गोमति व्रजे वज्रिञ्चित्राभिरूतिभिः ६

न सीमदैव आप दिष दीर्घायो मर्त्यः ।

एतग्वा चिद्य एतशा युयोजते हरी इन्द्रो युयोजते ७

तं वो महो महाय्य मिन्द्र दानाय सक्षणिम् ।

यो गाधेषु य आरणेषु हव्यो वाजेष्वस्ति हव्यः ८

उदू षु शौ वसो महे मृशस्व शूर राधसे ।

उदू षु मह्यै मघवन् मघत्तय उदिन्द्र श्रवसे महे ९

त्वं न इन्द्र ऋतयु स्त्वानिदो नि तृम्पसि ।

मध्ये वसिष्व तुविनृम्णोर्वो नि दासं शिशनथो हथैः १०

अन्यव्रतममानुष मयज्वानमदैवयुम् । अव स्वः सर्वा दुधुवीत पर्वतः

सुघ्नाय दस्युं पर्वतः ११

त्वं न इन्द्रासां हस्तै शविष्ट दावनै ।

धानानां न सं गृभायास्मयु द्विः सं गृभायास्मयुः १२  
 सखायुः क्रतुमिच्छत कथा राधाम शरस्य ।  
 उपस्तुतिं भोजः सूरियो अह्यः १३  
 भूरिभिः समह ऋषिभिर्बर्हिष्मद्भिः स्तविष्यसे ।  
 यदित्थमेकमेकमिच्छरं वत्सान् पराददः १४  
 कर्णगृह्या मघवा शौरदेव्यो वत्सं नस्त्रिभ्य आनयत् । अजां सूरिर्न धातवे  
 १५

(६०) षष्ठितमं सूक्तम्

(१-१५) पञ्चदशर्चस्यास्य सूक्तस्याङ्गिरसौ सुदीतिपुरुमीळ्हौ तयोरन्यतरो वा ऋषिः  
 । अग्निर्देवता । (१-६) प्रथमादिनवर्चा गायत्री, (१०-१५) दशम्यादिषण्णाञ्च  
 प्रगाथः (विषमर्चा बृहती, समर्चा सतोबृहती) छन्दसी  
 त्वं नो अग्ने महौभिः पाहि विश्वस्या अरातेः ।  
 उत द्विषो मर्त्यस्य १  
 नहि मन्युः पौरुषेय ईशे हि वः प्रियजात । त्वमिदं सि क्षपावान् २  
 स नो विश्वेभिर्देवेभि रूजो नपाद्द्रशोचे । रयिं देहि विश्ववारम् ३  
 न तमग्ने अरातयो मर्तं युवन्त रायः । यं त्रायसे दाश्वांसम् ४  
 यं त्वं विप्र मेधसाता वग्ने हिनोषि धनाय । स तवोती गोषु गन्ता ५  
 त्वं रयिं पुरुवीर मग्ने दाशुषे मर्ताय । प्र णो नय वस्यो अच्छ ६  
 उरुष्या णो मा परा दा अघायते जातवेदः । दुराध्येइ मर्ताय ७  
 अग्ने मार्किष्टे देवस्य रातिमदेवो युयोत । त्वमीशिषे वसूनाम् ८  
 स नो वस्व उप मा स्यूजो नपान्माहिनस्य । सखै वसो जरितृभ्यः ९  
 अच्छा नः शीरशौचिषं गिरौ यन्तु दर्शतम् ।  
 अच्छा यज्ञासो नमसा पुरुवसुं पुरुप्रशस्तमूतये १०  
 अग्निं सूनं सहसो जातवेदसं दानाय वार्याणाम् ।  
 द्विता यो भूदमृतो मर्त्येष्वा होता मन्द्रतमो विशि ११  
 अग्निं वो देवयज्यया ऽग्निं प्रयत्यध्वरे ।  
 अग्निं धीषु प्रथममग्निमर्व त्यग्निं चैत्राय साधसे १२  
 अग्निषां सख्ये ददातु न ईशे यो वार्याणाम् ।  
 अग्निं तोके तनये शश्वदीमहे वसुं सन्तं तनूपाम् १३



अग्निमीळिष्वावसे गाथाभिः शीरशौचिषम् ।  
अग्निं राये पुरुमीळह श्रुतं नरो ऽग्निं सुदीतये छर्दिः १४  
अग्निं द्वेषो योतवै नो गृणीम स्यग्निं शं योश्च दातवे ।  
विश्वासु विद्ववितेव हव्यो भुवद्वस्तुर्ऋषूणाम् १५

(६१) एकषष्टितमं सूक्तम्

(१-१८) अष्टादशर्चस्यास्य सूक्तस्य प्रागाथो हर्यत ऋषिः । अग्निर्हवींषि वा देवताः  
। गायत्री छन्दः

हविष्कृणुध्वमा गम दध्वर्युर्वनते पुनः । विद्वाँ अस्य प्रशासनम् १  
नि तिग्ममभ्यंशं सीदद्धोता मनावधि । जुषाणो अस्य सख्यम् २  
अन्तरिच्छन्ति तं जनै रुद्रं पुरो मनीषया । गृभ्णन्ति जिह्वया ससम् ३  
जाम्यतीतपे धनुर्वयोधा अरुहद्वनम् । दृषदं जिह्यावधीत् ४  
चरन् वत्सो रुशन्निह निदातारं न विन्दते । वेति स्तोतव अम्ब्यम् ५  
उतो न्वस्य यन्मह दक्षावद्योजनं बृहत् । दामा रथस्य ददृशे ६  
दुहन्ति सप्तैका मुप द्वा पञ्च सृजतः । तीर्थे सिन्धोरधि स्वरे ७  
आ दशभिर्विवस्वत इन्द्रः कोशमचुच्यवीत् । खेदया त्रिवृता दिवः ८  
परि त्रिधातुरध्वरं जूषिरेति नवीयसी । मध्वा होतारो अञ्जते ९  
सिञ्चन्ति नमसावत मुञ्चाचक्रं परिज्मानम् । नीचीनबारमक्षितम् १०  
अभ्यारमिदद्रयो निषिक्तं पुष्करे मधु । अवतस्य विसर्जने ११  
गाव उपावतावतं मही यज्ञस्य रप्सुदा । उभा कर्णा हिरण्यया १२  
आ सुते सिञ्चत श्रियं रोदस्योरभिश्चियम् । रसा दधीत वृषभम् १३  
ते जानत स्वमोक्यं सं वत्सासो न मातृभिः । मिथो नसन्त जामिभिः १४  
उप स्रक्वेषु बप्सतः कृणवते धरुणा दिवि । इन्द्रै अग्रा नमः स्वः १५  
अधुक्षत् पिप्युषीमिष मूर्जं सप्तपदीमरिः । सूर्यस्य सप्त रश्मिभिः १६  
सोमस्य मित्रावरुणो दिता सूर आ ददे । तदातुरस्य भेषजम् १७  
उतो न्वस्य यत् पदं हर्यतस्य निधान्यम् । परि द्यां जिह्यातनत् १८

(६२) द्विषष्टितमं सूक्तम्

(१-१८) अष्टादशर्चस्यास्य सूक्तस्यात्रेयो गोपवनः सप्तवध्निर्वा ऋषिः । अश्विनौ  
देवते । गायत्री छन्दः

उदीराथामृतायुते युञ्जाथामश्विना रथम् । अन्ति षड्भूतु वामवः १  
 निमिषश्चिञ्जवीयसा रथेना यातमश्विना । अन्ति षड्भूतु वामवः २  
 उप स्तृणीतमत्रये हिमेन घर्ममश्विना । अन्ति षड्भूतु वामवः ३  
 कुह स्थः कुह जग्मथुः कुह श्येनेव पेतथुः । अन्ति षड्भूतु वामवः ४  
 यदद्य कर्हि कर्हि चि च्छुश्रूयातमिमं हवम् । अन्ति षड्भूतु वामवः ५  
 अश्विना यामहृतमा नेदिष्ठं याम्याप्यम् । अन्ति षड्भूतु वामवः ६  
 अर्वन्तमत्रये गृहं कृणुतं युवमश्विना । अन्ति षड्भूतु वामवः ७  
 वरैथे अग्निमातपो वदते वल्वत्रये । अन्ति षड्भूतु वामवः ८  
 प्र सप्तवधिराशसा धारामग्नेरशायत । अन्ति षड्भूतु वामवः ९  
 इहा गतं वृषणवसू शृणुतं म इमं हवम् । अन्ति षड्भूतु वामवः १०  
 किमिदं वा पुराणव ज्ररतोरिव शस्यते । अन्ति षड्भूतु वामवः ११  
 समानं वा सजात्यं समानो बन्धुरश्विना । अन्ति षड्भूतु वामवः १२  
 यो वा रजास्यश्विना रथौ वियाति रोदसी । अन्ति षड्भूतु वामवः १३  
 आ नो गव्यैभिरश्व्यैः सहस्रैरुप गच्छतम् । अन्ति षड्भूतु वामवः १४  
 मा नो गव्यैभिरश्व्यैः सहस्रैभिरति ख्यतम् । अन्ति षड्भूतु वामवः १५  
 अरुणप्सुरुषा अभू दकज्योतिर्ऋतावरी । अन्ति षड्भूतु वामवः १६  
 अश्विना सु विचाकश द्वक्षं परशमाँ इव । अन्ति षड्भूतु वामवः १७  
 पुरं न धृष्णावा रुज कृष्णाया बाधितो विशा । अन्ति षड्भूतु वामवः १८

(६३) त्रिषष्टितमं सूक्तम्

(१-१५) पञ्चदशर्चस्यास्य सूक्तस्यात्रेयो गोपवन ऋषिः । (१-१२)

प्रथमादिद्वादशर्चामग्निः, (१३-१५) त्रयोदश्यादितृचस्य चार्चस्य श्रुतर्वणो  
दानस्तुतिर्देवते । (१-१२) प्रथमादिद्वादशर्चामानुष्टुभः प्रगाथः ((१, ४, ७, १०)

प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-१२)

द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१५)

त्रयोदश्यादितृचस्य चानुष्टुप् छन्दसी

विशोविंशो वो अतिथिं वाजयन्तः पुरुप्रियम् ।

अग्निं वो दुर्यं वचः स्तुषे शूषस्य मन्मभिः १

यं जनासो हविष्मन्तो मित्रं न सर्पिरासुतिम् । प्रशंसन्ति प्रशंस्तिभिः २

पन्यासं जातवैदसं यो देवतात्युद्यता । हव्यान्यैरयद्विवि ३  
 आगन्म वृत्रहन्तमं ज्येष्ठमग्निमानवम् ।  
 यस्य श्रुतवा बृहन्नार्कषो अनीक एधते ४  
 अमृतं जातवैदसं तिरस्तमांसि दर्शतम् । घृताहवनमीडयम् ५  
 सबाधो यं जना इमेऽग्निं हव्येभिरीळते । जुहानासो यतस्तुचः ६  
 इयं ते नव्यसी मतिरग्ने अधाय्यस्मदा ।  
 मन्द्र सुजात सुक्रतो ऽमूर दस्मातिथे ७  
 सा तै अग्ने शन्तमा चनिष्ठा भवतु प्रिया । तया वर्धस्व सुष्टुतः ८  
 सा द्युमैद्युग्निनी बृह दुपोप श्रवसि श्रवः । दधीत वृत्रतूर्ये ९  
 अश्वमिद्रां रथप्रां त्वेषमिन्द्रं न सत्पतिम् ।  
 यस्य श्रवासि तूर्वथ पन्यपन्यं च कृष्टयः १०  
 यं त्वा गोपर्वनो गिरा चनिष्ठदग्ने अङ्गिरः । स पावक श्रुधी हवम् ११  
 यं त्वा जनास ईळते सबाधो वाजसातये । स बोधि वृत्रतूर्ये १२  
 अहं हुवान आर्क्षे श्रुतर्वणि मदच्युति ।  
 शर्धासीव स्तुकाविना मृक्षा शीर्षा चतुर्णाम् १३  
 मां चत्वारं आशवः शविष्ठस्य द्रवित्वेः ।  
 सुरथासो अभि प्रयो वक्षन् वयो न तुग्रयम् १४  
 सत्यमित् त्वा महेनदि परुष्ययव देदिशम् ।  
 नेमापो अश्वदातः शविष्ठादस्ति मर्त्यः १५

(६४) चतुःषष्टितमं सूक्तम्

(१-१६) षोडशर्चस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

युद्ध्वा हि देवहृतमाँ अश्वान् अग्ने रथीरिव । नि होता पूर्व्यः संदः १  
 उत नो देव देवाँ अच्छा वोचो विदुष्टरः । श्रद्धिश्वा वार्या कृधि २  
 त्वं ह यद्यविष्ठय सहसः सूनवाहुत । ऋतावा यज्ञियो भुवः ३  
 अयमग्निः सहस्त्रिणो वाजस्य शतिनस्पतिः । मूर्धा कवी रयीणाम् ४  
 तं नेमिमृभवो यथा ऽऽ नमस्व सहूतिभिः । नेदीयो यज्ञमङ्गिरः ५  
 तस्मै नूनमभिद्यवे वाचा विरूप नित्यया । वृष्णे चोदस्व सुष्टुतिम् ६  
 कर्मु ष्विदस्य सेनया ऽग्नेरपाकचक्षसः । पुणिं गोषु स्तरामहे ७

मा नो देवानां विशः प्रस्रातीरिवोस्राः । कृशं न हासुरघ्न्याः ८  
 मा नः समस्य दूढ्यः परिद्वेषसो अंहतिः । ऊर्मिर्न नावमा वधीत् ९  
 नमस्ते अग्र ओजसे गृणन्ति देव कृष्टयः । अमैरमित्रमर्दय १०  
 कुवित् सु नो गविष्टये ऽग्रे संवेषिषो रयिम् । उरुकृदुरु णस्कृधि ११  
 मा नो अस्मिन् महाधने परा वर्भारभृद्यथा । संवर्गं सं रयिं जय १२  
 अन्यमस्मद्भिया इय मग्ने सिषक्तु दुच्छुना । वर्धा नो अमवच्छवः १३  
 यस्याजुषन्नमस्विनः शमीमदुर्मखस्य वा । तं घेद्गिर्वृधार्वति १४  
 परस्या अधि संवतो ऽवरां अभ्या तर । यत्राहमस्मि तां अत्र १५  
 विद्या हि तै पुरा वय मग्ने पितुर्यथावसः । अधा ते सुममीमहे १६

(६५) पञ्चषष्टितमं सूक्तम्

(१-१२) द्वादशर्चस्यास्य सूक्तस्य कारवः कुरुसुतिर्ऋषिः । इन्द्रो देवता ।

गायत्री छन्दः

इमं नु मायिनं हुव इन्द्रमीशानमोजसा । मरुत्वन्तं न वृज्जसे १  
 अयमिन्द्रो मरुत्सखा वि वृत्रस्याभिनच्छिरः । वज्रेण शतपर्वणा २  
 वावृधानो मरुत्सखेन्द्रो वि वृत्रमैरयत् । सृजन् त्समुद्रिया अपः ३  
 अयं ह येन वा इदं स्वमरुवता जितम् । इन्द्रेण सोमपीतये ४  
 मरुत्वन्तमृजीषिणा मोजस्वन्तं विरप्शिनम् । इन्द्रं गीर्भिहवामहे ५  
 इन्द्रं प्रत्नेन मन्मना मरुत्वन्तं हवामहे । अस्य सोमस्य पीतये ६  
 मरुत्वा इन्द्र मीढ्वः पिबा सोमं शतक्रतो । अस्मिन् यज्ञे पुरुष्टुत ७  
 तुभ्येदिन्द्र मरुत्वते सुताः सोमांसो अद्रिवः । हृदा हूयन्त उक्थिनः ८  
 पिबेदिन्द्र मरुत्सखा सुतं सोमं दिविष्टिषु । वज्रं शिशानु ओजसा ९  
 उत्तिष्ठन्नोजसा सह पीत्वी शिप्रे अवेपयः । सोममिन्द्र चमू सुतम् १०  
 अनु त्वा रोदसी उभे क्रक्षमाणमकृपेताम् । इन्द्र यदस्युहाभवः ११  
 वाचमष्टापदीमहं नवस्त्रक्तिमृतस्पृशम् । इन्द्रात् परि तन्वं ममे १२

(६६) षट्षष्टितमं सूक्तम्

(१-११) एकादशर्चस्यास्य सूक्तस्य कारवः कुरुसुतिर्ऋषिः । इन्द्रो देवता । (१-६) प्रथमादिनवर्चा गायत्री, (१०-११) दशम्येकादशयोश्च प्रगाथः (दशम्या बृहती,

एकादश्याः सतोबृहती) छन्दसी

जज्ञानो नु शतक्रतुर्वि पृच्छदिति मातरम् । क उग्राः के हं शृणिवरे १  
 आदीं शवस्यब्रवी दौर्णवाभमहीशुवम् । ते पुत्र सन्तु निष्टुरः २  
 समित् तान् वृत्रहाखिदत् खे अराँ इव खेदया । प्रवृद्धो दस्युहाभवत् ३  
 एकया प्रतिधापिबत् साकं सरांसि त्रिंशतम् । इन्द्रः सोमस्य काणुका ४  
 अभि गन्धर्वमतृण दबुध्रेषु रजःस्वा । इन्द्रो ब्रह्मभ्य इद्वधे ५  
 निराविध्यद्विरिभ्य आ धारयत् पक्वमौदनम् । इन्द्रो बुन्दं स्वाततम् ६  
 शतब्रध्न इषुस्तव सहस्रपर्ण एक इत् । यमिन्द्र चकृषे युजम् ७  
 तेन स्तोतृभ्य आ भर नृभ्यो नारिभ्यो अत्तवे । सद्यो जात ऋभुष्ठिर ८  
 एता च्यौत्वानि ते कृता वर्षिष्ठानि परीणसा । हृदा वीड्वधारयः ९  
 विश्वेत् ता विष्णुराभर दुरुक्रमस्त्वेषितः । शतं महिषान् क्षीरपाकमौदनं  
 वराहमिन्द्र एमुषम् १०  
 तुविन्नं ते सुकृतं सूमयं धनुः साधुबुन्दो हिरण्ययः ।  
 उभा तै ब्राह्म रगया सुसंस्कृत ऋदूपे चिद्वद्वृधा ११

(६७) सप्तषष्टितमं सूक्तम्

(१-१०) दशर्चस्यास्य सूक्तस्य काणवः कुरुसुतिर्ऋषिः । इन्द्रो देवता । (१-६)

प्रथमादिनवर्चा गायत्री, (१०) दशम्याश्च बृहती छन्दसी  
 पुरोळाशं नो अन्धस इन्द्रं सहस्रमा भर । शता च शूर गोनाम् १  
 आ नो भर व्यञ्जनं गामश्वमभ्यञ्जनम् । सर्चा मना हिरण्यया २  
 उत नः कर्णशोभना पुरूणि धृष्णावा भर । त्वं हि शृणिवषे वसो ३  
 नकी वृधीक इन्द्र ते न सुषा न सुदा उत । नान्यस्त्वच्छूर वाघतः ४  
 नकीमिन्द्रो निकर्तवे न शक्रः परिशक्तवे । विश्वं शृणोति पश्यति ५  
 स मन्युं मत्याना मदब्धो नि चिकीषते । पुरा निदश्चिकीषते ६  
 क्रत्व इत् पूर्णमुदरं तुरस्यास्ति विधतः । वृत्रघ्नः सौमपाव्नः ७  
 त्वे वसूनि संगेता विश्वा च सोम सौभगा । सुदात्वपरिहृता ८  
 त्वामिद्यवयुर्मम कामो गव्युर्हिरण्ययुः । त्वामश्वयुरेषते ९  
 तवेदिन्द्राहमाशसा हस्ते दात्रं चना ददे ।  
 दिनस्य वा मघवन् त्संभृतस्य वा पूर्धि यवस्य काशिना १०

## (६८) अष्टषष्टितमं सूक्तम्

(१-६) नवर्चस्यास्य सूक्तस्य भार्गवः कृत्तुर्ऋषिः । सोमो देवता । (१-८)

प्रथमाद्यष्टर्चा गायत्री, (६) नवम्याश्चानुष्टुप् छन्दसी  
 अयं कृत्तुरगृभीतो विश्वजिदुद्भित् सोमः । ऋषिर्विप्रः काव्येन १  
 अभ्यूर्णोति यन्नग्रं भिषक्ति विश्वं यत् तुरम् । प्रेमन्धः ख्यन्निः श्रोणो भूत् २  
 त्वं सोम तनूकृद्भ्यो द्वेषोभ्योऽन्यकृतेभ्यः । उरु यन्तासि वरूथम् ३  
 त्वं चित्ती तव दक्षैर्दिव आ पृथिव्या ऋजीषिन् । यावीरघस्य चिद् द्वेषः  
 ४

अर्थिनो यन्ति चेदर्थं गच्छानिद्दुषौ रातिम् । वृज्युस्तृष्यतः कामम् ५  
 विदद्यत् पूर्व्यं नष्ट मुदीमृतायुमीरयत् । प्रेमार्युस्तारीदतीर्णम् ६  
 सुशेवो नो मृळयाकु रदृमक्रतुरवातः । भवा नः सोम शं हृदे ७  
 मा नः सोम सं वीविजो मा वि बीभिषथा राजन् ।  
 मा नो हार्दि त्विषा वधीः ८  
 अव यत् स्वे सधस्थे देवानां दुर्मतीरीक्षे ।  
 राजन्नप द्विषः सेध मीद्वो अप स्त्रिधः सेध ९

## (६९) एकोनसप्ततितमं सूक्तम्

(१-१०) दशर्चस्यास्य सूक्तस्य नौधस एकद्व्यर्ऋषिः । (१-६)

प्रथमादिनवर्चामिन्द्रः, (१०) दशम्याश्च देवा देवताः । (१-६) प्रथमादिनवर्चा  
 गायत्री, (१०) दशम्याश्च त्रिष्टुप् छन्दसी

नृह्येन्यं ब्रूवाकरं मर्दितारं शतक्रतो । त्वं न इन्द्र मृळय १  
 यो नः शश्वत् पुराविथाऽमृधो वाजसातये । स त्वं न इन्द्र मृळय २  
 किमुङ्ग रंध्रचोदेनः सुन्वानस्यावितेदसि । कुवित् स्विन्द्र णः शकः ३  
 इन्द्र प्र णो रथमव पश्चाच्चित् सन्तमद्रिवः । पुरस्तादेनं मे कृधि ४  
 हन्तो नु किमाससे प्रथमं नो रथं कृधि । उपमं वाजयु श्रवः ५  
 अवा नो वाजयुं रथं सुकरं ते किमित् परि । अस्मान् त्सु जिग्युषस्कृधि ६  
 इन्द्र दृह्यस्व पूरसि भद्रा त एति निष्कृतम् । इयं धीर्ऋत्वियावती ७  
 मा सीमवृद्य आ भागुर्वी काष्ठा हितं धनम् । अपावृक्ता अरत्रयः ८  
 तुरीयं नाम यज्ञियं यदा करस्तदुश्मसि । आदित् पतिर्न ओहसे ९  
 अवीवृधद्वो अमृता अमन्दी देकद्व्यदेवा उत याश्च देवीः ।

तस्मा उ राधः कृणुत प्रशस्तं प्रातर्मन्त्रं धियावसुर्जगम्यात् १०

(७०) सप्ततितमं सूक्तम्

(१-६) नवर्चस्यास्य सूक्तस्य काण्वः कुसीदी ऋषिः । इन्द्रो देवता ।

गायत्री छन्दः

आ तू न इन्द्रं क्षुमन्तं चित्रं ग्राभं सं गृभाय । महाहस्ती दक्षिणेन १  
विद्या हि त्वा तुविकूर्मिं तुविदैष्णं तुवीमघम् । तुविमात्रमवोभिः २  
नहि त्वा शूर देवा न मतासो दित्सन्तम् । भीमं न गां वारयन्ते ३  
एतो न्विन्द्रं स्तवामे शानं वस्वः स्वरार्जम् । न राधसा मर्धषन्नः ४  
प्र स्तोषदुषं गासिषं च्छ्वत् सामं गीयमानम् । अभि राधसा जुगुरत् ५  
आ नो भर दक्षिणेना ऽभि सव्येन प्र मृश । इन्द्र मा नो वसोर्निर्भाक् ६  
उपं क्रमस्वा भर धृषता धृष्णो जनानाम् । अदाशूष्टरस्य वेदः ७  
इन्द्र य उ नु ते अस्ति वाजो विप्रैभिः सन्तुः । अस्माभिः सु तं सन्तुहि ८  
सद्योजुर्वस्ते वाजा अस्मभ्यं विश्वश्चन्द्राः । वशैश्च मन्त्रं जरन्ते ९

षष्ठोऽध्यायः

व० १-३८

(७१) एकसप्ततितमं सूक्तम्

(१-६) नवर्चस्यास्य सूक्तस्य काण्वः कुसीदी ऋषिः । इन्द्रो देवता ।

गायत्री छन्दः

आ प्र द्रव परावतो ऽर्वावतश्च वृत्रहन् । मध्वः प्रति प्रभर्मणि १  
तीव्राः सोमासु आ गहि सुतासौ मादयिष्णवः । पिबा दधृग्यथौचिषे २  
इषा मन्दस्वादु ते ऽरं वराय मन्यवे । भुवत् त इन्द्र शं हृदे ३  
आ त्वंशत्रवा गहि न्युश्कथानि च हूयसे । उपमे रौचने दिवः ४  
तुभ्यायमद्रिभिः सुतो गोभिः श्रीतो मदायु कम् । प्र सोम इन्द्र हूयते ५  
इन्द्रं श्रुधि सु मे हव मस्मे सुतस्य गोमतः । वि पीतिं तृप्तिमश्नुहि ६  
य इन्द्र चमसेष्वा सोमश्चमूषु ते सुतः । पिबेदस्य त्वमीशिषे ७  
यो अप्सु चन्द्रमा इव सोमश्चमूषु ददृशे । पिबेदस्य त्वमीशिषे ८  
यं तै श्येनः पदाभरत् तिरो रजांस्यस्पृतम् । पिबेदस्य त्वमीशिषे ९

## (७२) द्विसप्ततितमं सूक्तम्

(१-६) नवर्चस्यास्य सूक्तस्य कारवः कुसीदी ऋषिः । विश्वे देवा देवताः ।

गायत्री छन्दः

देवानामिदवो महत् तदा वृणीमहे वयम् । वृष्णाम्स्मभ्यमृतये १  
 ते नः सन्तु युजः सदा वरुणो मित्रो अर्यमा । वृधासश्च प्रचेतसः २  
 अति नो विष्पिता पुरु नौभिरपो न पर्षथ । यूयमृतस्य रथ्यः ३  
 वामं नो अस्त्वर्यमन् वामं वरुण शंस्यम् । वामं ह्यावृणीमहे ४  
 वामस्य हि प्रचेतस ईशानाशो रिशादसः । नेमादित्या अघस्य यत् ५  
 वयमिद्वः सुदानवः क्षियन्तो यान्तो अध्वन्ना । देवा वृधाय हूमहे ६  
 अधि न इन्द्रैषां विष्णो सजात्यानाम् । इता मरुतो अश्विना ७  
 प्र भ्रातृत्वं सुदानवो ऽध द्विता समान्या । मातुर्गर्भे भरामहे ८  
 यूयं हि ष्ठा सुदानव इन्द्रज्येष्ठा अभिद्यवः । अधा चिद्व उत ब्रुवे ९

## (७३) त्रिसप्ततितमं सूक्तम्

(१-६) नवर्चस्यास्य सूक्तस्य काव्य उशना ऋषिः । अग्निर्देवता । गायत्री छन्दः

प्रेष्ठ वो अतिथिं स्तुषे मित्रमिव प्रियम् । अग्निं रथं न वेद्यम् १  
 कविमिव प्रचेतसं यं देवासो अध द्विता । नि मर्त्येष्वद्दधुः २  
 त्वं यविष्ठ दाशुषो नूः पाहि शृणुधी गिरः । रक्षां तोकमुत् त्मना ३  
 कया ते अग्ने अङ्गिर ऊर्जा नपादुपस्तुतिम् । वराय देव मन्यवे ४  
 दाशेम कस्य मनसा यज्ञस्य सहसो यहो । कर्तु वोच इदं नमः ५  
 अधा त्वं हि नस्करो विश्वा अस्मभ्य सुक्ष्मितीः । वाजद्रविणसो गिरः ६  
 कस्य नूनं परीणसो धियो जिन्वसि दंपते । गोषांता यस्य ते गिरः ७  
 तं मर्जयन्त सुक्रतुं पुरोयावानमाजिषु । स्वेषु क्षयेषु वाजिनम् ८  
 क्षेति क्षेमैभिः साधुभिर्नक्रियं घ्नन्ति हन्ति यः । अग्ने सुवीर एधते ९

## (७४) चतुःसप्ततितमं सूक्तम्

(१-६) नवर्चस्यास्य सूक्तस्याङ्गिरसः कृष्ण ऋषिः । अश्विनौ देवते ।

गायत्री छन्दः

आ मे हव नासत्या ऽश्विना गच्छतं युवम् । मध्वः सोमस्य पीतये १  
 इमं मे स्तोममश्विनेमं मे शृणुतं हवम् । मध्वः सोमस्य पीतये २



अयं वां कृष्णो अश्विना हवते वाजिनीवसू । मध्वः सोमस्य पीतये ३  
 शृणुतं जरितुर्हवं कृष्णस्य स्तुवतो नरा । मध्वः सोमस्य पीतये ४  
 छर्दिर्यन्तमदाभ्यं विप्राय स्तुवते नरा । मध्वः सोमस्य पीतये ५  
 गच्छतं दाशुषो गृहमिथा स्तुवतो अश्विना । मध्वः सोमस्य पीतये ६  
 युञ्जाथां रासभं रथे वीड्वङ्गे वृषणवसू । मध्वः सोमस्य पीतये ७  
 त्रिवन्धुरेण त्रिवृता रथेना यातमश्विना । मध्वः सोमस्य पीतये ८  
 नू मे गिरौ नासत्या ऽश्विना प्रावतं युवम् । मध्वः सोमस्य पीतये ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्याङ्गिरसः कृष्णः कार्ष्णिर्विश्वको वा ऋषिः । अश्विनौ  
 देवते । जगती छन्दः

उभा हि दस्त्रा भिषजा मयोभुवो भा दक्षस्य वचसो बभूवथुः ।  
 ता वां विश्वको हवते तनूकृथे मा नो वि यौष्टं सख्या मुमोचतम् १  
 कथा नूनं वां विमना उप स्तवद्युवं धिर्य ददथुर्वस्येष्टये ।  
 ता वां विश्वको हवते तनूकृथे मा नो वि यौष्टं सख्या मुमोचतम् २  
 युवं हि ष्मा पुरुभुजेममैधतुं विष्णाप्वै ददथुर्वस्येष्टये ।  
 ता वां विश्वको हवते तनूकृथे मा नो वि यौष्टं सख्या मुमोचतम् ३  
 उत त्यं वीरं धनसामृजीषिणं दूरे चित् सन्तमवसे हवामहे ।  
 यस्य स्वादिष्ठा सुमतिः पितुर्यथा मा नो वि यौष्टं सख्या मुमोचतम् ४  
 ऋतेन देवः सविता शमायत ऋतस्य शृङ्गमुर्विया वि पप्रथे ।  
 ऋतं सासाह महि चित्पृतन्यतो मा नो वि यौष्टं सख्या मुमोचतम् ५

(७६) षट्सप्ततितमं सूक्तम्

(१-६) षट्चस्यास्य सूक्तस्य वासिष्ठो द्युम्नीक आङ्गिरसः प्रियमेधो वाङ्गिरसः कृष्णो  
 वा ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

द्युम्नी वां स्तोमो अश्विना क्रिविर्न सेक आ गतम् ।  
 मध्वः सुतस्य स दिवि प्रियो नरा पातं गौराविवेरिणे १  
 पिबतं घर्म मधुमन्तमश्विना ऽऽ बर्हिः सीदतं नरा ।  
 ता मन्दसाना मनुषो दुरोण आ नि पातं वेदसा वयः २

आ वां विश्वाभिरूतिभिः प्रियमेधा अहूषत ।  
 ता वर्तिर्यातमुप वृक्तबर्हिषो जुष्टं यज्ञं दिविष्टिषु ३  
 पिबतं सोमं मधुमन्तमश्विना ऽऽ बर्हिः सीदतं सुमत् ।  
 ता वावृधाना उप सुष्टतिं दिवो गन्तं गौराविवेरिणम् ४  
 आ नूनं यातमश्विना ऽश्वेभिः पुषितप्सुभिः ।  
 दस्त्रा हिरण्यवर्तनी शुभस्पती पातं सोममृतावृधा ५  
 वयं हि वां हवामहे विपन्यवो विप्रांसो वाजसातये ।  
 ता वल्गू दस्त्रा पुरुदंसासा धिया ऽश्विना श्रुष्ट्या गतम् ६

(७७) सप्तसप्ततितमं सूक्तम्

(१-६) षडृचस्यास्य सूक्तस्य गौतमो नोधा ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

तं वो दस्ममृतीषहं वसोमन्दानमन्धसः ।  
 अभि वत्सं न स्वसरेषु धेनव इन्द्रं गीर्भिर्नवामहे १  
 द्युक्षं सुदानुं तविषीभिरावृतं गिरिं न पुरुभोजसम् ।  
 क्षुमन्तं वाजं शतिर्न सहस्त्रिणं मक्षू गोमन्तमीमहे २  
 न त्वा बृहन्तो अद्रयो वरन्त इन्द्र वीळ्वः ।  
 यदित्ससि स्तुवते मावतेवसु नकिष्टदा मिनाति ते ३  
 योद्धासि क्रत्वा शर्वसोत दंसना विश्वा जाताभि मज्जना ।  
 आ त्वायमर्क ऊतयै ववर्तति यं गोतमा अजीजनन् ४  
 प्र हि रिरिक्ष ओजसा दिवो अन्तैभ्यस्परि ।  
 न त्वा विव्याच रज इन्द्र पार्थिव मनु स्वधां ववक्षिथ ५  
 नकिः परिष्टिर्मघवन् मघस्य ते यदाशुषे दशस्यसि ।  
 अस्माकं बोध्युचथस्य चोदिता मंहिष्ठो वाजसातये ६

(७८) अष्टसप्ततितमं सूक्तम्

(१-७) सप्तर्चस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । (१-४)

प्रथमादिचतुर्ऋचां प्रगाथः (विषमर्चा बृहती, समर्चा सतोबृहती), (५-६)

पञ्चमीषष्ठ्योरनुष्टुप्, (७) सप्तम्याश्च बृहती छन्दांसि

बृहदिन्द्राय गायतु मरुतो वृत्रहन्तमम् ।  
 येन ज्योतिरजनयन्नृतावृधौ देवं देवाय जागृवि १  
 अपाधमदभिर्शस्तीरशस्तिहा ऽथेन्द्रो द्युम्रचाभवत् ।  
 देवास्त इन्द्र सख्याय येमिरे बृहद्भानो मरुद्गण २  
 प्र व इन्द्राय बृहते मरुतो ब्रह्मार्चत ।  
 वृत्रं हनति वृत्रहा शतक्रतुर्वज्रैण शतपर्वणा ३  
 अभि प्र भर धृषता धृषन्मनः श्रवश्चित् ते असद्ब्रहत् ।  
 अर्षन्त्वापो जवसा वि मातरो हनो वृत्रं ज्या स्वः ४  
 यज्जायथा अपूर्व्य मघवन् वृत्रहत्याय ।  
 तत् पृथिवीमप्रथय स्तदस्तभ्ना उत द्याम् ५  
 तत् ते यज्ञो अजायत तदर्क उत हस्कृतिः ।  
 तद्विश्वमभिभूरसि यज्जातं यच्च जन्त्वम् ६  
 आमामसु पक्वमैरय आ सूर्य रोहयो दिवि ।  
 घर्म न सामन् तपता सुवृक्तिभिर्जुष्टं गिर्वणसे बृहत् ७

(७६) एकोनाशीतितमं सूक्तम्

(१-६) षडृचस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

आ नो विश्वासु हव्य इन्द्रः समत्सु भूषतु ।  
 उप ब्रह्माणि सर्वानानि वृत्रहा परमज्या ऋचीषमः १  
 त्वं दाता प्रथमो राधसामस्यसि सत्य ईशानकृत् ।  
 तुविद्युम्रस्य युज्या वृणीमहे पुत्रस्य शवसो महः २  
 ब्रह्मा त इन्द्र गिर्वणः क्रियन्ते अनतिद्भुता ।  
 इमा जुषस्व हर्यश्च योजने न्द्र या ते अमन्महि ३  
 त्वं हि सत्यो मघवन्नानतो वृत्रा भूरि न्यृञ्जसे ।  
 स त्वं शविष्ठ वज्रहस्त दाशुषे ऽर्वाञ्च रयिमा कृधि ४  
 त्वमिन्द्र यशा अस्य जीषी शवसस्पते ।  
 त्वं वृत्राणि हंस्यप्रतीन्येक इदनुत्ता चर्षणीधृता ५  
 तमु त्वा नूनमसुर प्रचेतसं राधो भागमिवेमहे ।  
 महीवृ कृत्तिः शरणा त इन्द्र प्र ते सुम्ना नो अश्नवन् ६

## (८०) अशीतितमं सूक्तम्

(१-७) सप्तर्चस्यास्य सूक्तस्यात्रेय्यपाला ऋषिका । इन्द्रो देवता । (१-२)

प्रथमाद्वितीययोर्ऋचोः पङ्क्तिः, (३-७) तृतीयादिपञ्चानाञ्चानुष्टुप् छन्दसी  
 क॒न्या॒इ॒ वार॑वा॒य॒ती सो॒म॒मपि॑ स्मृताविदत् ।  
 अस्तं॑ भ॒रन्त्य॑ब्रवी॒ दिन्द्रा॑य सु॒नवै॑ त्वा श॒क्राय॑ सु॒नवै॑ त्वा १  
 असौ॑ य एषि॒ वी॒र॒को गृ॒हंगृ॑हं वि॒चाक॑शत् ।  
 इ॒मं ज॒म्भ॑सु॒तं पि॒ब धा॒नाव॑न्तं क॒र॒म्भिण॑ म॒पू॒पव॑न्त॒मु॒क्थि॑नम् २  
 आ च॒न त्वा॑ चि॒कित्सा॑मो ऽधि॒ च॒न त्वा॑ ने॒मसि॑ ।  
 श॒नैरि॑व श॒न॒कैरि॑वे॒न्द्रा॒येन्द्रो॑ परि॒ स्रव॑ ३  
 कु॒वि॒च्छ॒कत् कु॒वित् क॑रत् कु॒वि॒न्नो व॑स्य॒स॒स्कर॑त् ।  
 कु॒वित् प॑ति॒द्विषो॑ य॒ती रि॒न्द्रेण॑ स॒ंगमा॑महे ४  
 इ॒मानि॑ त्रीणि॒ वि॒ष्टपा॑ तानी॒न्द्र वि॑ रो॒हय॑ ।  
 शि॒रस्त॑तस्यो॒र्वरा॑ मादि॒दं म॒ उपो॑दरे ५  
 असौ॑ च॒ या न॑ उ॒र्वरा॑ दि॒मां त॒न्वंश॑मम ।  
 अ॒थो त॑तस्य॒ यच्छि॑रः॒ सर्वा॑ ता रो॒म॒शा कृ॑धि ६  
 खे रथ॑स्य॒ खेऽन॑सः॒ खे यु॑गस्य॒ शत॑क्रतो ।  
 अ॒पा॒ला॒मिन्द्र॑ त्रि॒ष्पू॒ ल्यकृ॑णोः॒ सूर्य॑त्वचम् ७

## (८१) एकाशीतितमं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसः श्रुतकक्षः सुकक्षो वा ऋषिः । इन्द्रो

देवता । (१) प्रथमर्चोऽनुष्टुप्, (२-३३) द्वितीयादिद्वात्रिंशदृचाञ्च गायत्री छन्दसी

पान्त॒मा वो॑ अ॒न्ध॒स इन्द्र॑म॒भि प्र॑ गा॒यत॑ ।  
 वि॒श्वासा॑हं श॒तक्र॑तुं मं॒हिष्ठं॑ च॒र्षणी॑नाम् १  
 पु॒रु॒हूतं॑ पु॒रु॒ष्टुतं॑ गा॒थान्यं॑ स॒नश्रु॑तम् । इन्द्र॑ इति॒ ब्रवी॑तन २  
 इन्द्र॑ इ॒न्नो म॒हाना॑ दा॒ता वा॒जा॒नां नृ॑तुः । म॒हाँ अ॒भिज्ज्वा॑ यमत् ३  
 अ॒पा॒दु शि॒ष्य॒न्ध॒सः सु॒दक्ष॑स्य प्र॒होषि॑णः । इन्द्रो॑रिन्द्रो॒ यवा॑शिरः ४  
 त॒म्व॒भि प्रा॑र्चते॒न्द्रं सो॒मस्य॑ पी॒तये॑ । तदि॒द्वय॑स्य॒ वर्ध॑नम् ५  
 अ॒स्य पी॒त्वा म॑दानां दे॒वो दे॒वस्यो॑र्जसा । वि॒श्वा॒भि भु॑व॒ना भु॑वत् ६  
 त्यमु॑ वः स॒त्रासा॑हं वि॒श्वासु॑ गी॒र्ष्वाय॑तम् । आ च्या॑वयस्यु॒तये॑ ७  
 यु॒ध्मं स॑न्त॒मन॑र्वा॒णं सो॒म॒पाम॑न॒पच्यु॑तम् । न॒र॒मवा॑र्य॒क्रतु॑म् ८

शिद्धां ण इन्द्र राय आ पुरु विद्वाँ ऋचीषम । अवा नः पार्ये धने ६  
 अतश्चिदिन्द्र ण उपा ऽऽ याहि शतवाजया । इषा सहस्रवाजया १०  
 अयाम् धीर्वतो धियो ऽवद्भिः शक्र गोदरे । जयैम पृत्सु वज्रिवः ११  
 वयमु त्वा शतक्रतो गावो न यवसेष्वा । उक्थेषु रणयामसि १२  
 विश्वा हि मर्त्यत्वना ऽनुकामा शतक्रतो । अगन्म वज्रिन्नाशसः १३  
 त्वे सु पुत्र शवसो ऽवृत्रन् कामकातयः । न त्वामिन्द्राति रिच्यते १४  
 स नो वृषन् त्सनिष्ठया सं घोरया द्रवित्वा । धियाविद्धि पुरंध्या १५  
 यस्तै नूनं शतक्रतु विन्द्रं द्युमितमो मदः । तेन नूनं मदै मदेः १६  
 यस्तै चित्रश्रवस्तमो य इन्द्र वृत्रहन्तमः । य औजोदातमो मदः १७  
 विद्या हि यस्तै अद्रिव स्त्वादत्तः सत्य सोमपाः । विश्वासु दस्म कृष्टिषु  
 १८

इन्द्राय मद्रने सुतं परि षोभन्तु नो गिरः । अर्कमर्चन्तु कारवः १९  
 यस्मिन् विश्वा अधि श्रियो रणन्ति सप्त संसदः । इन्द्रं सुते हवामहे २०  
 त्रिकंद्रुकेषु चेतनं देवासो यज्ञमत्त । तमिद्वर्धन्तु नो गिरः २१  
 आ त्वा विशन्तिवन्दवः समुद्रमिव सिन्धवः । न त्वामिन्द्राति रिच्यते २२  
 विव्यकथं महिना वृषन् भक्षं सोमस्य जागृवे । य इन्द्र जठरैषु ते २३  
 अरं त इन्द्र कुक्षये सोमो भवतु वृत्रहन् । अरं धामभ्य इन्दवः २४  
 अरमश्वाय गायति श्रुतकक्षो अरं गवै । अरमिन्द्रस्य धाम्ने २५  
 अरं हि ष्मा सुतेषु णः सोमेष्विन्द्र भूषसि । अरं ते शक्र दावनै २६  
 पुराकाताच्चिदद्रिव स्त्वां नक्षन्त नो गिरः । अरं गमाम ते वयम् २७  
 एवा ह्यसि वीरयु रेवा शूर उत स्थिरः । एवा ते राध्यं मनः २८  
 एवा रातिस्तुवीमघ विश्वेभिर्धायि धातृभिः । अधा चिदिन्द्र मे सचा २९  
 मो षु ब्रह्मेव तन्द्रयु भुवो वाजानां पते । मत्स्वा सुतस्य गोमतः ३०  
 मा न इन्द्राभ्याश्दिशः सूरौ अक्तुष्वा यमन् । त्वा युजा वनेम् तत् ३१  
 त्वयेदिन्द्र युजा वयं प्रति ब्रुवीमहि स्पृधः । त्वमस्माकं तव स्मसि ३२  
 त्वामिद्धि त्वायवो ऽनुनोनुवतश्चरान् । सखाय इन्द्र कारवः ३३

(८२) द्वयशीतितमं सूक्तम्

(१-३४) चतुस्त्रिंशदृचस्यास्य सूक्तस्याङ्गिरसः सुकक्ष ऋषिः । (१-३३)  
 प्रथमादित्रयस्त्रिंशदृचामिन्द्रः (३४) चतुस्त्रिंशयाश्चेन्द्र ऋभवश्च देवताः ।

गायत्री छन्दः

उद्घेदुभि श्रुतामघं वृषभं नर्यापसम् । अस्तारमेषि सूर्य १  
 नवु यो नवृतिं पुरो बिभेद ब्राह्मोजसा । अहिं च वृत्रहावधीत् २  
 स न इन्द्रः शिवः सखा ऽश्वावद्गोमृद्यवमत् । उरुधरिव दोहते ३  
 यदुद्य कच्च वृत्रह नृदगा अभि सूर्य । सर्वं तदिन्द्र ते वशै ४  
 यद्वा प्रवृद्ध सत्पते न मरा इति मन्यसे । उतो तत् सत्यमित् तव ५  
 ये सोमांसः परावति ये अर्वावति सुन्विरे । सर्वास्ताँ इन्द्र गच्छसि ६  
 तमिन्द्रं वाजयामसि महे वृत्राय हन्तवे । स वृषा वृषभो भुवत् ७  
 इन्द्रः स दामने कृत ओर्जिष्ठः स मदै हितः । द्युम्नी श्लोकी स सोम्यः ८  
 गिरा वज्रो न संभृतः सबलो अनपच्युतः । वृक्ष ऋष्वो अस्तृतः ९  
 दुर्गे चिन्नः सुगं कृधि गृणान इन्द्र गिर्वणः । त्वं च मघवन् वशः १०  
 यस्य ते नू चिंदादिशं न मिनन्ति स्वराज्यम् । न देवो नाधिगुर्जनः ११  
 अधा ते अप्रतिष्कृतं देवी शुष्मं सपर्यतः । उभे सुशिप्र रोदसी १२  
 त्वमेतदधारयः कृष्णासु रोहिणीषु च । परुष्णीषु रुशत् पर्यः १३  
 वि यदहेरधं त्विषो विश्वे देवासो अक्रमुः । विदन्मृगस्य ताँ अमः १४  
 आदु मे निवरो भुव दृत्रहादिष्ट पौस्यम् । अजातशत्रुरस्तृतः १५  
 श्रुतं वो वृत्रहन्तमं प्र शर्धं चर्षणीनाम् । आ शुषे राधसे महे १६  
 अया धिया च गव्यया पुरुणामन् पुरुष्टुत । यत् सोमैसोम् आभवः १७  
 बोधिन्मना इदस्तु नो वृत्रहा भूर्यासुतिः । शृणोतु शक्र आशिषम् १८  
 कया त्वं न ऊत्या ऽभि प्र मन्दसे वृषन् । कया स्तोतृभ्य आ भर १९  
 कस्य वृषा सुते सचा नियुत्वान् वृषभो रणत् । वृत्रहा सोमपीतये २०  
 अभी षु णस्त्वं रयिं मन्दसानः सहस्त्रिणम् । प्रयन्ता बोधि दाशुषै २१  
 पत्नीवन्तः सुता इम उशन्तो यन्ति वीतये । अपां जग्मिर्निचुम्पुणः २२  
 इष्टा होत्रा असृक्षते न्द्रं वृधासो अध्वरे । अच्छावभृथमोजसा २३  
 इह त्या संधमाद्या हरी हिरण्यकेश्या । वोळहामभि प्रयो हितम् २४  
 तुभ्यं सोमाः सुता इमे स्तीर्णं बर्हिर्विभावसो । स्तोतृभ्य इन्द्रमा वह २५  
 आ ते दक्षं वि रौचना दधद्रत्ना वि दाशुषै । स्तोतृभ्य इन्द्रमर्चत २६  
 आ तै दधामीन्द्रिय मुक्था विश्वा शतक्रतो । स्तोतृभ्य इन्द्र मृळय २७  
 भद्रंभद्रं न आ भरे षमूर्जं शतक्रतो । यदिन्द्र मृळयांसि नः २८  
 स नो विश्वान्या भर सुवितानि शतक्रतो । यदिन्द्र मृळयांसि नः २९

त्वामिद्वृत्रहन्तम सुतावन्तो हवामहे । यदिन्द्र मृळयांसि नः ३०  
उप नो हरिभिः सुतं याहि मदानां पते । उप नो हरिभिः सुतम् ३१  
द्विता यो वृत्रहन्तमो विद इन्द्रः शतक्रतुः । उप नो हरिभिः सुतम् ३२  
त्वं हि वृत्रहन्त्रेषां पाता सोमानामसि । उप नो हरिभिः सुतम् ३३  
इन्द्र इषे ददातु न ऋभुक्षणमृभुं रयिम् । वाजी ददातु वाजिनम् ३४

(८३) त्र्यशीतितमं सूक्तम्

(१-१२) द्वादशर्चस्यास्य सूक्तस्याङ्गिरसो बिन्दुः पूतदक्षो वा ऋषिः । मरुतो  
देवताः । गायत्री छन्दः

गौर्धयति मरुतां श्रवस्युर्माता मघोनाम् । युक्ता वह्नी रथानाम् १  
यस्या देवा उपस्थे वृता विश्वे धारयन्ते । सूर्यामासो दृशे कम् २  
तत् सु नो विश्वे अर्य आ सदा गृणन्ति कारवः । मरुतः सोमपीतये ३  
अस्ति सोमो अयं सुतः पिबन्त्यस्य मरुतः । उत स्वराजो अश्विना ४  
पिबन्ति मित्रो अर्यमा तना पूतस्य वरुणः । त्रिषधस्थस्य जावतः ५  
उतो न्वस्य जोषमाँ इन्द्रः सुतस्य गोमतः । प्रातर्होतैव मत्सति ६  
कदत्विषन्त सूरय स्तिर आप इव स्त्रिधः । अर्षन्ति पूतदक्षसः ७  
कद्वो अद्य महानां देवानामवो वृणे । त्मना च दुस्मर्वर्चसाम् ८  
आ ये विश्वा पार्थिवानि प्रथन् रोचना दिवः । मरुतः सोमपीतये ९  
त्यान् नु पूतदक्षसो दिवो वो मरुतो हुवे । अस्य सोमस्य पीतये १०  
त्यान् नु ये वि रोदसी तस्तभुर्मरुतो हुवे । अस्य सोमस्य पीतये ११  
त्यं नु मारुतं गणं गिरिष्ठां वृषणं हुवे । अस्य सोमस्य पीतये १२

(८४) चतुरशीतितमं सूक्तम्

(१-६) नवर्चस्यास्य सूक्तस्याङ्गिरसस्तिरश्वीर्ऋषिः । इन्द्रो देवता । अनुष्टुप् छन्दः  
आ त्वा गिरो रथीरिवाऽस्थुः सुतेषु गिर्वणः ।  
अभि त्वा समनूषते न्द्र वत्सं न मातरः १  
आ त्वा शक्रा अचुच्यवुः सुतासं इन्द्र गिर्वणः ।  
पिबा त्वश्वस्यान्धस इन्द्र विश्वासु ते हितम् २  
पिबा सोमं मदाय क मिन्द्र श्येनाभृतं सुतम् ।  
त्वं हि शश्वतीनां पती राजा विशामसि ३

श्रुधी हवँ तिरश्चया इन्द्र यस्त्वा सपर्यति ।  
 सुवीर्यस्य गोमतो रायस्पूधिं महँ असि ४  
 इन्द्र यस्ते नवीयसीं गिरं मन्द्रामजीजनत् ।  
 चिकित्विन्मनसं धिर्यं प्रत्नामृतस्य पिप्युषीम् ५  
 तमुं ष्टवाम् यं गिरं इन्द्रमुक्थानि वावृधुः ।  
 पुरुरार्यस्य पौस्या सिषासिन्तो वनामहे ६  
 एतो न्विन्द्रं स्तवाम शद्धं शद्धेन साम्ना ।  
 शद्धैरुक्थैर्वावृध्वांसं शद्ध आशीवान् ममत्तु ७  
 इन्द्र शद्धो नु आ गहि शद्धः शद्धाभिरूतिभिः ।  
 शद्धो रयिं नि धारय शद्धो ममद्धि सोम्यः ८  
 इन्द्र शद्धो हि नो रयिं शद्धो रत्नानि दाशुषे ।  
 शद्धो वृत्राणि जिघ्रसे शद्धो वाजं सिषाससि ९

(८५) पञ्चाशीतितमं सूक्तम्

(१-२१) एकविंशत्यृचस्यास्य सूक्तस्य मारुतो द्युतान आङ्गिरसस्तिरश्चीर्वा ऋषिः ।

(१-१३, १४, १६-२१) प्रथमादित्रयोदशर्चा चतुर्दश्याः पादत्रयस्य षोडश्यादिषण्णाञ्चेन्द्रः, (१४) चतुर्दश्यास्तुरीयपादस्य मरुतः, (१५)

पञ्चदश्याञ्चेन्द्राबृहस्पती देवताः । (१-३, ५-२०) प्रथमादितृचस्य पञ्चम्यादिषोडशर्चाञ्च त्रिष्टुप्, (४) चतुर्थ्या विराट्, (२१) एकविंश्याञ्च पुरस्ताज्ज्योतिस्त्रिष्टुप् छन्दांसि

अस्मा उषासु आतिरन्त याम् मिन्द्राय नक्तमूर्म्याः सुवाचः ।  
 अस्मा आपो मातरः सप्त तस्थु नृभ्यस्तराय सिन्धवः सुपाराः १  
 अतिविद्धा विथुरेणां चिदस्त्रा त्रिः सप्त सानु संहिता गिरीणाम् ।  
 न तद्देवो न मर्त्यस्तुतुर्या द्यानि प्रवृद्धो वृषभश्चकार २  
 इन्द्रस्य वज्र आयसो निमिश्ल इन्द्रस्य बाहोर्भूयिष्ठमोजः ।  
 शीर्षन्निन्द्रस्य क्रतवो निरेक आसन्नेषन्त श्रुत्या उपाके ३  
 मन्ये त्वा यज्ञियं यज्ञियानां मन्ये त्वा च्यवनमच्युतानाम् ।  
 मन्ये त्वा सत्वंनामिन्द्र केतुं मन्ये त्वा वृषभं चर्षणीनाम् ४  
 आ यद्वज्रं बाहोरिन्द्र धत्से मदच्युतमर्हये हन्तवा उ ।  
 प्र पर्वता अनवन्त प्र गावः प्र ब्रह्माणौ अभिनक्षन्त इन्द्रम् ५



तमु॑ ष्टवाम् य इ॒मा ज॒जानु॑ विश्वा॑ जा॒तान्यव॑राण्यस्मात् ।  
 इन्द्रे॑ण मि॒त्रं दि॒धिषेम॑ गी॒र्भिरु॒पो नमो॑भिर्वृष॒भं वि॒शेम ६  
 वृ॒त्रस्य॑ त्वा श्व॒सथा॒दीष॑माणा विश्वे॑ दे॒वा अ॒जहुर्ये॑ सखायः ।  
 म॒रुद्भिरिन्द्र॑ स॒ख्यं तै अ॒स्त्वथे॒मा विश्वाः॑ पृ॒तना॑ जयासि ७  
 त्रिः ष॒ष्टिस्त्वा॑ म॒रुतो॑ वावृ॒धाना॑ उ॒स्त्रा इ॒व रा॒शयो॑ य॒ज्ञिया॑सः ।  
 उप॒ त्वेमः॑ कृ॒धि नो॑ भाग॒धेयुं॑ शु॒ष्मं त ए॒ना ह॒विषा॑ वि॒धेम ८  
 ति॒ग्ममा॑यु॒धं म॒रुता॑मनी॒कं कस्त॑ इन्द्र॒ प्रति॑ वज्रं दधर्ष ।  
 अ॒नायु॑धासो अ॒सुरा॑ अ॒देवा॑ श्व॒क्रेण॑ ताँ अप॑ वप ऋ॒जीषिन् ९  
 म॒ह उ॒ग्राय॑ त॒वसे॑ सुवृ॒क्तिं प्रेर॑य शि॒वत॑माय प॒श्वः ।  
 गि॒र्वाह॑से गि॒र इन्द्रा॑य पूर्वा॒र्धेहि॑ त॒न्वै कु॒विद॒ङ्ग वेद॑त् १०  
 उ॒क्थवा॑हसे वि॒भ्वै मनी॑षां द्रु॒णा न पा॒रमो॑रया न॒दीना॑म् ।  
 नि स्पृ॑श धि॒या त॒न्वि श्रु॒तस्य॑ जुष्ट॒तरस्य॑ कु॒विद॒ङ्ग वेद॑त् ११  
 तद्वि॑विद्धि यत् त इन्द्रो॑ जु॒जौषत्॑ स्तु॒हि सु॒ष्टुतिं॑ नम॒सा वि॒वास ।  
 उप॑ भूष ज॒रित॑र्मा रु॒वगयः॑ श्रा॒वया॑ वाचं कु॒विद॒ङ्ग वेद॑त् १२  
 अ॒व द्रु॒प्सो अ॒शम॑तीमतिष्ठ॒ दियानः॑ कृ॒ष्णो द॒शभिः॑ स॒हस्रैः॑ ।  
 आ॒वत् तमिन्द्रः॑ श॒च्या ध॑र्मन्त॒ मप॑ स्ने॒हिती॑र्नृमणा॒ अधत् १३  
 द्रु॒प्सम॑पश्यं वि॒षुणे॑ चरन्त॒ मुप॑हरे न॒द्यौ अ॒शम॑त्याः ।  
 नभो॑ न कृ॒ष्णम॑वतस्थिवांस॒ मिष्या॑मि वो वृ॒षणो॑ यु॒ध्यता॑जौ १४  
 अ॒ध द्रु॒प्सो अ॒शम॑त्या उ॒पस्थे॑ ऽधा॒रयत्॑ त॒न्व तित्वि॑षा॒णः ।  
 विशो॑ अ॒देवी॒रभ्या॑श्चरन्ती॒ बृह॑स्पति॒ना यु॒जेन्द्रः॑ ससाहे १५  
 त्वं ह॒ त्यत् स॒प्तभ्यो॑ जा॒र्यमा॑नो ऽश॒त्रुभ्यो॑ अ॒भवः॑ श॒त्रुरिन्द्र॑ ।  
 गू॒ळहे॑ द्यावा॒पृथि॒वी अ॒न्ववि॑न्दो वि॒भुम॒ञ्चो भु॒वने॑भ्यो रणं॒ धाः १६  
 त्वं ह॒ त्यद॑प्रति॒मान॑मोजो॒ वज्रै॑ण वज्रिन् धृ॒षितो॑ जघन्थ ।  
 त्वं शु॒ष्णास्या॑वा॒तिरो॑ वध॒त्रै स्त्वं गा॑ इन्द्र॒ शच्ये॑दविन्दः १७  
 त्वं ह॒ त्यद्वृ॑षभ च॒र्षणी॑नां घ॒नो वृ॒त्राणां॑ तवि॒षो ब॑भूथ ।  
 त्वं सि॒न्धूरै॑सृ॒जस्त॑स्तभानान् त्वम॒पो अ॒जयो॑ दा॒सप॑तीः १८  
 स सु॒क्रतू॑ रणि॒ता यः सु॒तेष्व॑ नु॒त्तम॑न्युर्यो॒ अहै॑व रे॒वान् ।  
 य ए॒क इ॒न्नर्य॑पांसि॒ कर्ता॑ स वृ॒त्रहा॑ प्रतीद॒न्यमा॑हुः १९  
 स वृ॒त्रहेन्द्र॑श्च॒र्षणी॑धृत् तं सु॒ष्टुत्या॑ हव्यं हुवेम ।  
 स प्रा॒विता॑ म॒घवा॑ नोऽधि॒वृक्ता॑ स वा॒जस्य॑ श्रव॒स्यस्य॑ दा॒ता २०

स वृत्रहेन्द्रं ऋभुक्षाः सद्यो जज्ञानो हव्यो बभूव ।  
कृगवन्नपांसि नर्या पुरूणि सोमो न पीतो हव्यः सखिभ्यः २१

(८६) षडशीतितमं सूक्तम्

(१-१५) पञ्चदशर्चस्यास्य सूक्तस्य काश्यपो रेभ ऋषिः । इन्द्रो देवता । (१-६)  
प्रथमादिनवर्चा बृहती, (१०, १३) दशमीत्रयोदशयोरतिजगती, (११-१२)  
एकादशीद्वादशयोरुपरिष्ठाद्बृहती, (१४) चतुर्दश्यास्त्रिष्टुप्, (१५) पञ्चदश्याश्च  
जगती छन्दांसि

या इन्द्र मुञ्ज आभरः स्वर्वाँ असुरेभ्यः ।  
स्तोतारमिन्मघवन्नस्य वर्धय ये च त्वे वृक्तबर्हिषः १  
यमिन्द्र दधिषे त्वमश्वं गां भागमव्ययम् ।  
यजमाने सुन्वति दक्षिणावति तस्मिन् तं धेहि मा पृणौ २  
य इन्द्र सस्त्यवृत्तो ऽनुष्वापमदेवयुः ।  
स्वैः ष एवैर्मुमुरत् पोष्यं रयिं सनुतधेहि तं ततः ३  
यच्छक्रासिं परावति यदेवावति वृत्रहन् ।  
अतस्त्वा गीर्भिर्द्युगदिन्द्र केशिभिः सुतावाँ आ विवासति ४  
यद्वासिं रोचने दिवः समुद्रस्याधि विष्टपि ।  
यत् पार्थिवे सदेने वृत्रहन्तम् यदन्तरिक्ष आ गहि ५  
स नः सोमेषु सोमपाः सुतेषु शवसस्पते ।  
मादयस्व राधसा सूनृतावितेन्द्र राया परीणसा ६  
मा न इन्द्र परा वृणग्भवा नः सधमाद्यः ।  
त्वं न ऊती त्वमिन्न आप्यं मा न इन्द्र परा वृणक् ७  
अस्मे इन्द्र सचा सुते नि षदा पीतये मधु ।  
कृधी जरित्रे मघवन्नवो मह दस्मे इन्द्र सचा सुते ८  
न त्वा देवास आशत न मर्त्यासो अद्रिवः ।  
विश्वा जातानि शर्वसाभिभूरसि न त्वा देवास आशत ९  
विश्वाः पृतना अभिभूतरं नरं सजू स्ततक्षुरिन्द्रं जजनुश्च राजसै ।  
क्रत्वा वरिष्ठं वरं आमुरिमुतो ग्रमोजिष्ठं तवसं तरस्विनम् १०  
समीं रेभासो अस्वरं निन्द्रं सोमस्य पीतये ।  
स्वर्पतिं यदी वृधे धृतव्रतो ह्योजसा समूतिभिः ११

नेमिं नमन्ति चक्षसा मेषं विप्रां अभिस्वरा ।  
सुदीतयो वो अद्बुहो ऽपि कर्णे तरस्विनुः समृक्वभिः १२  
तमिन्द्रं जोहवीमि मृगवानमुग्रं सत्रा दधानुमप्रतिष्कृतं शवांसि ।  
मंहिष्ठो गीर्भिरा च यज्ञियो ववर्तद्राये नो विश्वा सुपथा कृणोतु वृज्जी १३  
त्वंपुरं इन्द्र चिकिदैना व्योजसा शविष्ठ शक्र नाशयध्वै ।  
त्वद्विश्वानि भुवनानि वज्रिन् द्यावा रेजेते पृथिवी च भीषा १४  
तन्मं ऋतमिन्द्र शूर चित्र पात्वपो न वज्रिन् दुरिताति पर्षि भूरि ।  
कदा न इन्द्र राय आ दशस्ये विश्वप्सून्यस्य स्पृहयाय्यस्य राजन् १५  
इति षष्ठाष्टके षष्ठोऽध्यायः ।

सप्तमोऽध्यायः

व० १-३६

(८७) सप्ताशीतितमं सूक्तम्

(१-१२) द्वादशर्चस्यास्य सूक्तस्याङ्गिरसो नृमेध ऋषिः । इन्द्रो देवता । (१-६,  
८) प्रथमादितृचद्वयस्याष्टम्या ऋचश्चोष्णिक, (७, १०-११) सप्तमीदशम्येकादशीनां  
ककुप्, (९, १२) नवमीद्वादशयोश्च पुर उष्णिक छन्दांसि  
इन्द्राय सामं गायतु विप्राय बृहते बृहत् । धर्मकृते विपश्चिते पनुस्यवे १  
त्वमिन्द्राभिभूरसि त्वं सूर्यमरोचयः । विश्वकर्मा विश्वदेवो महाँ असि २  
विभ्राजञ्जयोतिषा स्वर्गच्छो रोचनं दिवः । देवास्त इन्द्र सख्याय येमिरे  
३  
एन्द्रं नो गधि प्रियः सत्राजिदगौह्यः । गिरिर्न विश्वतस्पृथुः पतिर्दिवः ४  
अभि हि संत्य सोमपा उभे बभूथ रोदसी । इन्द्रासि सुन्वतो वृधः पतिर्दिवः  
५  
त्वं हि शश्वतीना मिन्द्रं दुर्ता पुरामसि । हुन्ता दस्योर्मनोवृधः पतिर्दिवः ६  
अधा हीन्द्र गिर्वण उप त्वा कामान् महः संसृज्महे । उदेव यन्त उदभिः ७  
वारण त्वा यव्याभिर्वर्धन्ति शूर ब्रह्माणि । वावृध्वांसं चिदद्रिवो दिवेदिवे  
८  
युञ्जन्ति हरी इषिरस्य गार्थयो रौ रथ उरुयुगे । इन्द्रवाहा वचोयुजा ९  
त्वं न इन्द्रा भरं ओजो नृम्णां शतक्रतो विचर्षणे । आ वीरं पृतनाषहम् १०  
त्वं हि नः पिता वसो त्वं माता शतक्रतो बभूविथ । अधा ते सुम्नमीमहे ११

त्वां शुष्मिन् पुरुहूत वाजयन्त मुपे ब्रुवे शतक्रतो । स नो रास्व सुवीर्यम्  
१२

(८८) अष्टाशीतितमं सूक्तम्

(१-८) अष्टर्चस्यास्य सूक्तस्याङ्गिरसो नृमेध ऋषिः । इन्द्रो देवता । प्रगाथः  
(विषमर्चा बृहती, समर्चा सतोबृहती) छन्दः

त्वामिदा ह्यो नरो ऽपीप्यन् वज्रिन् भूर्णयः ।  
स इन्द्र स्तोमवाहसामिह श्रुध्यु प स्वसरमा गहि १  
मत्स्वा सुशिप्र हरिवस्तदीमहे त्वे आ भूषन्ति वेधसः ।  
तव श्रवांस्युपमान्युक्थ्या सुतेष्विन्द्र गिर्वणः २  
श्रायन्त इव सूर्य विश्वेदिन्द्रस्य भक्षत ।  
वसूनि जाते जनमान् ओजसा प्रति भागं न दीधिम ३  
अनर्शरातिं वसुदामुपे स्तुहि भद्रा इन्द्रस्य रातयः ।  
सो अस्य कार्म विधतो न रोषति मनो दानाय चोदयन् ४  
त्वमिन्द्र प्रतूर्तिष्वभि विश्वा असि स्पृधः ।  
अशस्तिहा जनिता विश्वतूरसि त्वं तूर्य तरुष्यतः ५  
अनु ते शुष्मं तुरयन्तमीयतुः क्षोणी शिशं न मातरा ।  
विश्वास्ते स्पृधः शनथयन्त मन्यवे वृत्रं यदिन्द्र तूर्वासि ६  
इत ऊती वो अजरं प्रहेतारमप्रहितम् ।  
आशुं जेतारं हेतारं रथीतम् मतूर्तं तुग्र्यावृधम् ७  
इष्कर्तारमनिष्कृतं सहस्कृतं शतमूर्तिं शतक्रतुम् ।  
समानमिन्द्रमवसे हवामहे वसवानं वसूजुवम् ८

(८९) एकोननवतितमं सूक्तम्

(१-१२) द्वादशर्चस्यास्य सूक्तस्य (१-३, ६-१२) प्रथमादितृचस्य  
षष्ठ्यादिसप्तानामृचां भार्गवो नेमः, (४-५) चतुर्थीपञ्चम्योश्चेन्द्र ऋषी । (१-७,  
१२) प्रथमादिसप्तर्चा द्वादश्याश्चेन्द्रः, (८) अष्टम्याः सुपर्ण इन्द्रो वा, (९) नवम्या  
वज्रो इन्द्रो वा, (१०-११) दशम्येकादशयोश्च वाग्देवताः । (१-५, १०-१२)  
प्रथमादिपञ्चर्चा दशम्यादितृचस्य च त्रिष्टुप्, (६) षष्ठ्या जगती, (७-९)  
सप्तम्यादितृचस्य चानुष्टुप् छन्दांसि

अयं त एमि तन्वा पुरस्ता द्विश्वे देवा अभि मा यन्ति पश्चात् ।  
यदा मह्यं दीर्घरो भागमिन्द्रा ऽऽदिन्मया कृणवो वीर्याणि १  
दधामि ते मधुनो भक्षमग्रे हितस्तै भागः सुतो अस्तु सोमः ।  
असञ्च त्वं दक्षिणतः सखा मे ऽधा वृत्राणि जङ्घनाव भूरि २  
प्र सु स्तोमं भरत वाजयन्त इन्द्राय सत्यं यदि सत्यमस्ति ।  
नेन्द्रो अस्तीति नेम उ त्व आह क ई ददर्श कमभि ष्टवाम ३  
अयमस्मि जरितः पश्य मेह विश्वा जातान्यभ्यस्मि म्हा ।  
ऋतस्य मा प्रदिशो वर्धय न्त्याददिरो भुवना ददर्मीमि ४  
आ यन्मा वेना अरुहन्वृतस्यँ एकमासीनं हर्यतस्यं पृष्ठे ।  
मनश्चिन्मे हृद आ प्रत्यवोच दचिक्रद्विच्छिशुमन्तः सखायः ५  
विश्वेत् ता ते सर्वनेषु प्रवाच्या या चकथं मघवन्निन्द्र सुन्वते ।  
पारावतं यत् पुरुसंभृतं व स्वपावृणोः शरभाय ऋषिबन्धवे ६  
प्र नूनं धावता पृथङ् नेह यो वो अवावरीत् ।  
नि षीं वृत्रस्य मर्मणि वज्रमिन्द्रो अपीपतत् ७  
मनोजवा अयमान आयसीमतरत् पुरम् ।  
दिवं सुपर्णो गत्वाय सोमं वज्रिण आभरत् ८  
समुद्रे अन्तः शयत उदना वज्रो अभीवृतः ।  
भरन्त्यस्मै संयतः पुरःप्रस्रवणा बलिम् ९  
यद्वाग्वदन्त्यविचेतनानि राष्ट्रीं देवानां निषसाद मन्द्रा ।  
चतस्र ऊर्जं दुदुहे पयांसि क्वं स्वदस्याः परमं जगाम १०  
देवीं वाचमजनयन्त देवा स्तां विश्वरूपाः पशवो वदन्ति ।  
सा नो मन्त्रेषमूर्जं दुहाना धेनुर्वागस्मानुप सुष्टुतैतु ११  
सखे विष्णो वितरं वि क्रमस्व द्यौर्देहि लोकं वज्राय विष्कभे ।  
हनाव वृत्रं रिणचाव सिन्धू निन्द्रस्य यन्तु प्रसवे विसृष्टाः १२

(६०) नवतितमं सूक्तम्

(१-१६) षोडशर्चस्यास्य सूक्तस्य भार्गवो जमदग्निर्ऋषिः । (१-४, ५)

प्रथमादिचतुर्ऋचां पञ्चम्याः पादत्रयस्य च मित्रावरुणौ, (५-६)

पञ्चम्यास्तृतीयपादस्य षष्ठ्याश्चादित्याः, (७-८) सप्तम्यष्टम्योरश्विनौ, (९-१०)

नवमीदशम्योर्वायुः, (११-१२) एकादशीद्वादशयोः सूर्यः, (१३) त्रयोदश्या उषाः

सूर्यप्रभा वा, (१४) चतुर्दश्याः पवमानः, (१५-१६) पञ्चदशीषोडशयोश्च  
गौर्देवताः । (१-२, ५-१२) प्रथमाद्वितीययोर्ऋचोः पञ्चम्याद्यष्टानाञ्च प्रगाथः  
(विषमर्चा बृहती, समर्चा सतोबृहती), (३) तृतीयाया गायत्री, (४) चतुर्थ्याः  
सतोबृहती, (१३) त्रयोदश्या बृहती,  
(१४-१६) चतुर्दश्यादितृचस्य च त्रिष्टुप् छन्दांसि

ऋधगित्था स मर्त्यः शशमे देवतातये ।  
यो नूनं मित्रावरुणावभिष्टय आचक्रे हव्यदातये १  
वर्षिष्ठक्षत्रा उरुचक्षसा नरा राजाना दीर्घश्रुत्तमा ।  
ता बाहुता न दंसना रथर्यतः साकं सूर्यस्य रश्मिभिः २  
प्र यो वा मित्रावरुणा ऽजिरो दूतो अद्रवत् ।  
अयःशीर्षा मदैरघुः ३  
न यः संपृच्छे न पुनर्हवीतवे न सवादाय रमते ।  
तस्मान्नो अद्य समृतेरुरुष्यतं बाहुभ्यां न उरुष्यतम् ४  
प्र मित्राय प्रार्यम्णे सचथ्यमृतावसो ।  
वरुथ्यं वरुणे छन्द्यं वचः स्तोत्रं राजसु गायत ५  
ते हिन्विरे अरुणं जेन्यं वस्वे कं पुत्रं तिसृणाम् ।  
ते धामान्यमृता मर्त्याना मदब्धा अभि चक्षते ६  
आ मे वचांस्युद्यता द्युमत्तमानि कर्त्वा ।  
उभा यातं नासत्या सजोषसा प्रति हव्यानि वीतये ७  
रातिं यद्दामरक्षसं हवामहे युवाभ्यां वाजिनीवसू ।  
प्राचीं होत्रां प्रतिरन्तावितं नरा गृणाना जमदग्निना ८  
आ नो यज्ञं दिविस्पृशं वायो याहि सुमन्मभिः ।  
अन्तः पवित्रं उपरि श्रीणानोऽयं शक्रो अयामि ते ९  
वेत्यध्वर्युः पथिभी रजिष्ठैः प्रति हव्यानि वीतये ।  
अधा नियुत्व उभयस्य नः पिब शुचिं सोमं गवाशिरम् १०  
बरमहाँ असि सूर्यं बळादित्य महाँ असि ।  
महस्तै सतो महिमा पनस्यते ऽद्धा देव महाँ असि ११  
बट् सूर्यं श्रवसा महाँ असि सत्रा देव महाँ असि ।  
महा देवानामसुर्यः पुरोहितो विभु ज्योतिरदाभ्यम् १२  
इयं या नीच्यर्किणी रूपा रोहिण्या कृता ।

चित्रेव प्रत्यदश्यायत्यर्न्तर्दशसु ब्राह्मणु १३  
 प्रजा ह तिस्रो अत्यार्यमीयुर्न्यर्न्या अर्कमभितौ विविश्रे ।  
 बृहद्ध तस्थौ भुवनेष्वन्तः पर्वमानो हरितु आ विवेश १४  
 माता रुद्राणां दुहिता वसूनां स्वसादित्यानाममृतस्य नाभिः ।  
 प्र नु वौचं चिकितुषे जनाय मा गामनागामदितिं वधिष्ट १५  
 वचोविदं वाचमुदीरयन्तीं विश्वाभिर्धीभिरुपतिष्ठमानाम् ।  
 देवीं देवेभ्यः पर्येयुषीं गा मा मावृक्त मर्त्यो दभ्रचैताः १६

(६१) एकनवतितमं सूक्तम्

(१-२२) द्वाविंशत्यृचस्यास्य सूक्तस्य भार्गवः प्रयोगो बार्हस्पत्यः पावको वाग्निर्वा,  
 सहसः सुतौ गृहपतियविष्ठौ वा तयोरन्यतरो वा ऋषिः । अग्निर्देवता ।

गायत्री छन्दः

त्वमग्ने बृहद्वयो दधासि देव दाशुषे । क्विर्गृहपतिर्युवा १  
 स न ईळानया सह देवाँ अग्ने दुवस्युवा । चिकिद्विभानुवा वह २  
 त्वया ह स्वद्युजा वयं चोदिष्टेन यविष्ठय । अभि ष्मो वाजसातये ३  
 और्वभृगुवच्छुचि मप्रवानवदा हुवे । अग्निं समुद्रवाससम् ४  
 हुवे वातस्वनं क्विं पर्जन्यक्रन्द्यं सहः । अग्निं समुद्रवाससम् ५  
 आ सवं सवितुर्यथा भगस्येव भुजिं हुवे । अग्निं समुद्रवाससम् ६  
 अग्निं वौ वृधन्त मध्वराणां पुरुतमम् । अच्छा नप्त्रे सहस्वते ७  
 अयं यथा न आभुवत् त्वष्टा रूपेव तदया । अस्य क्रत्वा यशस्वतः ८  
 अयं विश्वा अभि श्रियो ऽग्निर्देवेषु पत्यते । आ वाजैरुप नो गमत् ९  
 विश्वेषामिह स्तुहि होतृणां यशस्तमम् । अग्निं यज्ञेषु पूर्व्यम् १०  
 शीरं पावकशौचिषं ज्येष्ठो यो दमेष्वा । दीदार्य दीर्घश्रुतमः ११  
 तमवन्तं न सानसिं गृणीहि विप्र शष्मिणम् । मित्रं न यातयज्जनम् १२  
 उप त्वा जामयो गिरो देदिशतीर्हविष्कृतः । वायोरनीके अस्थिरन् १३  
 यस्य त्रिधात्ववृतं बर्हिस्तस्थावसंदिनम् । आपश्चिन्नि दधा पदम् १४  
 पदं देवस्य मीळहृषो ऽनाधृष्टाभिरूतिभिः । भद्रा सूर्य इवोपदृक् १५  
 अग्ने घृतस्य धीतिभि स्तेपानो देव शोचिषा । आ देवान् वदन्ति यद्वि च १६  
 तं त्वाजनन्त मातरः क्विं देवासौ अङ्गिरः । हव्यवाहममर्त्यम् १७  
 प्रचैतसं त्वा कवे ऽग्ने दूतं वरैरयम् । हव्यवाहं नि षैदिरे १८

नृहि मे अस्त्यघ्न्या न स्वधितिर्वनन्वति । अथैतादृग्भरामि ते १६  
 यदग्ने कानि कानि चिदा ते दारूणि दध्मसि । ता जुषस्व यविष्ठय २०  
 यदत्युपजिह्विका यद्वग्नो अतिसर्पति । सर्वं तदस्तु ते घृतम् २१  
 अग्निमिन्धानो मनसा धियं सचेत् मर्त्यः । अग्निमीधे विवस्वभिः २२

(६२) द्विनवतितमं सूक्तम्

(१-१४) चतुर्दशर्चस्यास्य सूक्तस्य कारवः सोभरिर्ऋषिः । (१-१३)  
 प्रथमादित्रयोदशर्चामग्निः, (१४) चतुर्दश्याश्चाग्रामरुतो देवताः । (१-४, ६)  
 प्रथमादिचतुर्ऋचां षष्ठ्याश्च बृहती, (५) पञ्चम्या विराड् रूपा, (७, ९, ११, १३)  
 सप्तमीनवम्येकादशीत्रयोदशीनां सतो बृहती, (८, १२) अष्टमीद्वादशयोः ककुप्,  
 (१०) दशम्या हसीयसी गायत्री, (१४) चतुर्दश्याश्चानुष्टुप् छन्दांसि  
 अदर्शि गातुवित्तमो यस्मिन् वृतान्यादधुः ।  
 उपो षु जातमार्यस्य वर्धनमग्निं नक्षन्त नो गिरः १  
 प्र दैवोदासो अग्निर्देवाँ अच्छा न मज्मना ।  
 अनु मातरं पृथिवीं वि वावृते तस्थौ नाकस्य सानवि २  
 यस्माद्रेजन्त कृष्टयश्चर्कृत्यानि कृणवतः ।  
 सहस्रसां मेधसाताविव त्मना ऽग्निं धीभिः संपर्यत ३  
 प्र यं राये निनीषसि मर्तो यस्तै वसो दाशत् ।  
 स वीरं धत्ते अग्र उक्थशंसिनं त्मना सहस्रपोषिणम् ४  
 स दृळहे चिदभि तृणति वाजमर्वता स धत्ते अक्षिति श्रवः ।  
 त्वे दैवत्रा सदा पुरूवसो विश्वा वामानि धीमहि ५  
 यो विश्वा दयते वसु होता मन्द्रो जनानाम् ।  
 मधोर्न पात्रा प्रथमान्यस्मै प्र स्तोमा यन्त्यग्रये ६  
 अश्वं न गीर्भी रथ्य सुदानवो मर्मज्यन्तै देवयवः ।  
 उभे तोके तनये दस्म विश्पते पर्षि राधो मघोनाम् ७  
 प्र मंहिष्ठाय गायत ऋताव्ने बृहते शुक्रशौचिषे ।  
 उपस्तुतासो अग्रये ८  
 आ वंसते मघवा वीरवद्यशः समिद्धो द्युम्रयाहुतः ।  
 कुविन्नो अस्य सुमतिर्नवीयस्य च्छा वाजेभिरागमत् ९  
 प्रेषमु प्रियाणां स्तुह्यासावातिथिम् ।



अग्निं रथानां यमम् १०  
उदिता यो निदिता वेदिता वस्वा यज्ञियो ववर्तति ।  
दुष्टरा यस्य प्रवृणे नोर्मयो धिया वाजं सिषासतः ११  
मा नो हणीतामतिथिर्वसुरग्निः पुरुप्रशस्त एषः ।  
यः सुहोता स्वध्वरः १२  
मो ते रिषुन्ये अच्छौक्तिभिर्वसो ऽग्ने केभिश्चिदेवैः ।  
कीरिश्चिद्धि त्वामीद्वै दूत्याय रातहव्यः स्वध्वरः १३  
आग्ने याहि मरुत्सखा रुद्रेभिः सोमपीतये ।  
सोभर्या उप सुष्टुतिं मादयस्व स्वर्णरे १४

(६३) त्रिनवतितमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । पवमानः सोमो देवता । गायत्री छन्दः

स्वादिष्ठया मदिष्ठया पवस्व सोम धारया । इन्द्राय पातवे सुतः १  
रुद्धोहा विश्वर्षणि रभि योनिमयोहतम् । द्रुणा सधस्थमासदत् २  
वरिवोधातमो भव मंहिष्ठो वृत्रहन्तमः । पर्षि राधौ मघोनाम् ३  
अभ्यर्ष महानां देवानां वीतिमन्धसा । अभि वाजमुत श्रवः ४  
त्वामच्छा चरामसि तदिदर्थं दिवेदिवे । इन्द्रो त्वे न आशसः ५  
पुनाति ते परिस्त्रुतं सोमं सूर्यस्य दुहिता । वारैण शश्वता तना ६  
तमीमरवीः समर्य आ गृभ्णन्ति योषणो दश । स्वसारः पार्ये दिवि ७  
तमीं हिन्वन्त्यगुवो धर्मन्ति बाकुरं दृतिम् । त्रिधातु वारणं मधु ८  
अभीममघ्न्या उत श्रीणन्ति धेनवः शिशुम् । सोममिन्द्राय पातवे ९  
अस्येदिन्द्रो मदेष्वा विश्वा वृत्राणि जिघ्नते । शूरो मघा च मंहते १०

(६४) चतुर्नवतितमं सूक्तम्

(१-१०) दशर्चस्यास्य सूक्तस्य कारवो मेधातिथिर्ऋषिः । पवमानः सोमो देवता । गायत्री छन्दः

पवस्व देववीरति पवित्रं सोम रंहा । इन्द्रमिन्द्रो वृषा विश १  
आ वच्यस्व महि प्सरो वृषेन्दो द्युम्वत्तमः । आ योनिं धर्णसिः संदः २  
अधुक्तत प्रियं मधु धारा सुतस्य वैधसः । अपो वसिष्ठ सुक्रतुः ३

म॒हान्तं॑ त्वा म॒हीर॒न्वापौ॑ अ॒र्षन्ति॑ सि॒न्धवः॑ । यद्गो॑भिर्वा॒सयि॒ष्यसै॑ ४  
 स॒मुद्रो॑ अ॒प्सु मा॑मृजे विष्ट॒म्भो ध॒रुणो॑ दि॒वः । सोमः॑ प॒वित्रै॑ अ॒स्मयुः॑ ५  
 अ॒र्चिक्र॑दद्दृषा॒ हरि॑र्म॒हान् मि॒त्रो न द॑र्शतः । सं सूर्ये॑ण रोचते ६  
 गि॒रस्त॑ इ॒न्द्र ओ॒जसा॑ म॒र्मृज्यन्ते॑ अ॒पस्यु॑वः । याभि॑र्मदाय॒ शु॒म्भसे॑ ७  
 तं त्वा॒ मदा॑य॒ घृष्व॑य उ॒ लोक॑कृ॒तुमी॑महे । तव॒ प्रश॑स्तयो म॒हीः ८  
 अ॒स्मभ्य॑मि॒न्द्रवि॒न्द्रयु॑र्म॒ध्वः प॑वस्व॒ धार॑या । प॒र्जन्यो॑ वृष्टि॒माँ इ॒व ९  
 गो॒षा इ॒न्दो नृ॒षा अ॒स्य श्व॑सा वा॒जसा॑ उ॒त । आ॒त्मा य॒ज्ञस्य॑ पू॒र्व्यः १०

(६५) पञ्चनवतितमं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (कृत्रिमो वैश्वामित्रो देवरातः)

ऋषिः । पवमानः सोमो देवता । गायत्री छन्दः

ए॒ष दे॒वो अ॒मर्त्यः॑ प॒र्णवी॑रि॒व दी॑यति । अ॒भि द्रो॑णा॒न्यास॑दम् १  
 ए॒ष दे॒वो वि॒पा कृ॑तो ऽति॒ ह्रांसि॑ धावति । प॒र्वमा॑नो अ॒दाभ्यः॑ २  
 ए॒ष दे॒वो वि॒प॒न्युभिः॑ प॒र्वमा॑न ऋ॒तायु॑भिः । ह॒रिर्वा॑जाय मृज्यते ३  
 ए॒ष वि॒श्वानि॑ वा॒र्या शू॒रो यन्नि॑व॒ सत्व॑भिः । प॒र्वमा॑नः सिषासति ४  
 ए॒ष दे॒वो र॑थर्यति॒ पर्व॑मानो दशस्यति । आ॒विष्कृ॑णोति व॒ग्वनु॑म् ५  
 ए॒ष वि॒प्रैर॑भिष्टुतो ऽपो दे॒वो वि॑ गा॒हते॑ । द॒ध॒द्रत्नानि॑ दा॒शुषे॑ ६  
 ए॒ष दि॒वं वि॑ धा॒वति॑ ति॒रो रजा॑सि॒ धार॑या । प॒र्वमा॑नः क॒र्निक्र॑दत् ७  
 ए॒ष दि॒वं व्या॑सरत् ति॒रो रजा॑स्यस्पृतः । प॒र्वमा॑नः स्व॒ध्वरः॑ ८  
 ए॒ष प्र॒त्नेन॑ जन्मना दे॒वो दे॒वेभ्यः॑ सु॒तः । ह॒रिः प॒वित्रै॑ अ॒र्षति॑ ९  
 ए॒ष उ॒ स्य पु॑रुवृ॒तो ज॒ज्ञानो॑ ज॒नय॑न्निषः । धार॑या पवते सु॒तः १०

(६६) षण्णवतितमं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता

। गायत्री छन्दः

स॒ना च॑ सोम॒ जेषि॑ च॒ पर्व॑मान॒ महि॑ श्रवः । अ॒था नो॑ व॒स्यस॑स्कृधि १  
 स॒ना ज्यो॑तिः स॒ना स्व॑श्॒र्विश्वा॑ च सोम॒ सौभ॑गा । अ॒था नो॑ व॒स्यस॑स्कृधि  
 २  
 स॒ना दक्ष॑मु॒त क्र॑तु॒मप॑ सोम॒ मृधो॑ जहि । अ॒था नो॑ व॒स्यस॑स्कृधि ३

पर्वीतारः पुनीतन् सोममिन्द्राय पातवे । अथा नो वस्यसस्कृधि ४  
 त्वं सूर्ये न आ भज तव क्रत्वा तवोतिभिः । अथा नो वस्यसस्कृधि ५  
 तव क्रत्वा तवोतिभिर्ज्योक् पश्येम सूर्यम् । अथा नो वस्यसस्कृधि ६  
 अभ्यर्ष स्वायुध सोमं द्विबर्हसं रयिम् । अथा नो वस्यसस्कृधि ७  
 अभ्यर्षानपच्युतो रयिं समत्सु सासहिः । अथा नो वस्यसस्कृधि ८  
 त्वां यज्ञैरवीवृधन् पर्वमानं विधर्मणि । अथा नो वस्यसस्कृधि ९  
 रयिं नश्चित्रमश्विनं मिन्दौ विश्वायुमा भर । अथा नो वस्यसस्कृधि १०

(६७) सप्तनवतितमं सूक्तम्

(१-११) एकादशर्चस्यास्य सूक्तस्य काश्यपोऽसितो देवलो वा ऋषिः । (१)  
 प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया इळः,  
 (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७)  
 सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः,  
 (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो  
 देवताः । (१-७) प्रथमादिसप्तर्चा गायत्री, (८-११)

अष्टम्यादिचतसृणाञ्चानुष्टुप् छन्दसी

समिद्धो विश्वतस्पतिः पर्वमानो वि रंजति । प्रीणन् वृषा कनिक्रदत् १  
 तनूनपात् पर्वमानः शृङ्गे शिशानो अर्षति । अन्तरिक्षेण रारंजत् २  
 ईळैन्यः पर्वमानो रयिर्वि रंजति द्युमान् । मधोर्धाराभिरोजसा ३  
 बर्हिः प्राचीनमोजसा पर्वमान स्तृणन् हरिः । देवेषु देव ईयते ४  
 उदातैर्जिहते बृहद् द्वारौ देवीर्हिरण्ययीः । पर्वमानेन सुष्टुताः ५  
 सुशिल्पे बृहती मही पर्वमानो वृषण्यति । नक्तोषासा न दर्शति ६  
 उषा देवा नृचक्षसा होतारा दैव्या हुवे । पर्वमान इन्द्रो वृषा ७  
 भारती पर्वमानस्य सरस्वतीळा मही ।  
 इमं नो यज्ञमा गमन् तिस्रो देवीः सुपेशंसः ८  
 त्वष्टारमग्रजां गोपां पुरोयावानमा हुवे ।  
 इन्दुरिन्द्रो वृषा हरिः पर्वमानः प्रजापतिः ९  
 वनस्पतिं पर्वमानं मध्वा समङ्गधि धारया ।  
 सहस्रवल्शं हरितं भ्राजमानं हिरण्ययम् १०  
 विश्वे देवाः स्वाहाकृतिं पर्वमानस्या गत ।

वायुर्बृहस्पतिः सूर्यो ऽग्निरिन्द्रः सजोषसः ११

(६८) अष्टनवतितमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

मन्द्रया सोम धारया वृषा पवस्व देवयुः । अव्यो वारैष्वस्मयुः १  
अभि त्यं मद्यं मदु मिन्द्रविन्द्र इति क्षर । अभि वाजिनो अर्वतः २  
अभि त्यं पूर्व्यं मर्दं सुवानो अर्षं पवित्र आ । अभि वाजमुत श्रवः ३  
अनु द्रुप्सास इन्द्रव आपो न प्रवतासरन् । पुनाना इन्द्रमाशत ४  
यमत्यमिव वाजिनं मृजन्ति योषणो दश । वने क्रीळन्तमत्यविम् ५  
तं गोभिर्वृषणं रसं मदाय देववीतये । सुतं भरायु सं सृज ६  
देवो देवायु धारयेन्द्राय पवते सुतः । पयो यदस्य पीपयत् ७  
आत्मा यज्ञस्य रंहा सुष्वाणः पवते सुतः । प्रतं नि पाति काव्यम् ८  
एवा पुनान इन्द्रयु मर्दं मदिष्ठ वीतर्ये । गुहा चिद्दधिषे गिरः ९

(६९) नवनवतितमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

असृग्रमिन्द्रवः पथा धर्मन्वृतस्य सुश्रियः । विदाना अस्य योजनम् १  
प्र धारा मध्वो अग्रियो महीरपो वि गाहते । हविर्हविष्णु वन्द्यः २  
प्र युजो वाचो अग्रियो वृषाव चक्रद्वनै । सद्याभि सत्यो अध्वरः ३  
परि यत् काव्या कविर्नृम्णा वसानो अर्षति । स्वर्वाजी सिषासति ४  
पर्वमानो अभि स्पृधो विशो राजैव सीदति । यदीमृणवन्ति वेधसः ५  
अव्यो वारे परि प्रियो हरिर्वनेषु सीदति । रेभो वनुष्यते मती ६  
स वायुमिन्द्रमश्विना साकं मदेन गच्छति । रणा यो अस्य धर्मभिः ७  
आ मित्रावरुणा भगं मध्वः पवन्त ऊर्मयः । विदाना अस्य शक्यभिः ८  
अस्मभ्यं रोदसी रयिं मध्वो वाजस्य सातर्ये । श्रवो वसूनि सं जितम् ९

(१००) शततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

एते सोमा अभि प्रिय मिन्द्रस्य काममक्षरन् । वर्धन्तो अस्य वीर्यम् १  
पुनानासंश्चमूषदो गच्छन्तो वायुमश्विना । ते नो धान्तु सुवीर्यम् २  
इन्द्रस्य सोम राधसे पुनानो हार्दि चोदय । ऋतस्य योनिमासदम् ३  
मृजन्ति त्वा दश क्षिपो हिन्वन्ति सप्त धीतर्यः । अनु विप्रा अमादिषुः ४  
देवेभ्यस्त्वा मदाय कं सृजानमति मेर्ष्यः । सं गोर्भिर्वासयामसि ५  
पुनानः कलशेष्वा वस्त्राणयरुषो हरिः । परि गव्यान्वव्यत ६  
मघोन् आ पवस्व नो जहि विश्वा अप द्विषः । इन्दो सखायमा विश ७  
वृष्टिं दिवः परि स्रव द्युम्रं पृथिव्या अधि । सहो नः सोम पृत्सु धाः ८  
नृचक्षसं त्वा वयमिन्द्रपीतं स्वर्विदम् । भक्षीमहि प्रजामिषम् ९

(१०१) एकोत्तरशततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

परि प्रिया दिवः कविर्वयांसि नप्तयौर्हितः । सुवानो याति कविक्रतुः १  
प्रप्र क्षयाय पन्यसे जनाय जुष्टौ अद्रुहे । वीत्यर्ष चनिष्ठया २  
स सूनुर्मातरा शुचिर्जातो जाते अरोचयत् । महान् मही ऋतावृधा ३  
स सप्त धीतिभिर्हितो नद्यो अजिन्वदद्रुहेः । या एकमक्षि वावृधुः ४  
ता अभि सन्तमस्तृतं महे युवानुमा दधुः । इन्दुमिन्द्र तव वृते ५  
अभि वह्निरमर्त्यः सप्त पश्यति वावहिः । क्रिविर्देवीरतर्पयत् ६  
अवा कल्पेषु नः पुमस्तमांसि सोम योध्या । तानि पुनान जङ्घनः ७  
नू नव्यसे नवीयसे सूक्ताय साधया पथः । प्रवद्रौचया रुचः ८  
पवमान् महि श्रवो गामश्च रासि वीरवत् । सना मेधां सना स्वः ९

(१०२) द्व्युत्तरशततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

प्र स्वानासो रथा इवाऽर्वन्तो न श्रवस्यवः । सोमासो राये अक्रमुः १  
हिनवानासो रथा इव दधन्वरे गर्भस्त्योः । भरासः कारिणामिव २  
राजानो न प्रशस्तिभिः सोमासो गोभिरञ्जते । यज्ञो न सप्त धातृभिः ३

परि सुवानास इन्दवो मदाय बर्हणा गिरा । सुता अर्षन्ति धारया ४  
 आपानासौ विवस्वतो जनेन्त उषसो भगम् । सूरु अण्वं वि तन्वते ५  
 अप द्वारा मतीनां प्रत्वा ऋणवन्ति कारवः । वृष्णो हरस आयवः ६  
 समीचीनास आसते होतारः सप्तजामयः । पदमेकस्य पिप्रतः ७  
 नाभा नाभिं न आ ददे चक्षुश्चित् सूर्ये सचा । कवेरपत्यमा दुहे ८  
 अभि प्रिया दिवस्पद मध्वर्युभिर्गुहा हितम् । सूरः पश्यति चक्षसा ९

(१०३) त्र्युत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
 देवता । गायत्री छन्दः

उपास्मै गायता नरः पवमानायेन्दवे । अभि देवाँ इयत्तते १  
 अभि ते मधुना पयो ऽथर्वाणो अशिश्रयुः । देवं देवार्य देवयु २  
 स नः पवस्व शं गवे शं जनाय शमवते । शं राजन्नोषधीभ्यः ३  
 बभ्रवे नु स्वतवसे ऽरुणाय दिविस्पृशे । सोमाय गाथमर्चत ४  
 हस्तच्युतेभिरद्रिभिः सुतं सोमं पुनीतन । मधावा धावता मधु ५  
 नमसेदुप सीदत दध्रेदभि श्रीणीतन । इन्दुमिन्द्रै दधातन ६  
 अमित्रहा विचर्षणिः पवस्व सोम शं गवे । देवेभ्यो अनुकामकृत् ७  
 इन्द्राय सोम पातवे मदाय परि षिच्यसे । मनुश्चिन्मनसस्पतिः ८  
 पवमान सुवीर्यं रयिं सोम रिरीहि नः । इन्दुविन्द्रेण नो युजा ९

(१०४) चतुरुत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
 देवता । गायत्री छन्दः

सोमा असृग्रमिन्दवः सुता ऋतस्य सादने । इन्द्राय मधुमत्तमाः १  
 अभि विप्रा अनूषत गावो वृत्सं न मातरः । इन्द्रं सोमस्य पीतये २  
 मद्रच्युत् क्षेति सादने सिन्धौरूर्मा विपश्चित् । सोमो गौरी अधि श्रितः ३  
 दिवो नाभा विचक्ष्णो ऽव्यो वारै महीयते । सोमो यः सुक्रतुः कविः ४  
 यः सोमः कलशेष्वाँ अन्तः पवित्र आहितः । तमिन्दुः परि षस्वजे ५  
 प्र वाचमिन्दुरिष्यति समुद्रस्याधि विष्टपि । जिन्वन् कोशं मधुश्चुतम् ६  
 नित्यस्तोत्रो वनस्पतिर्धोनामन्तः सबर्दुघः । हिन्वानो मानुषा युगा ७

अभि प्रिया दिवस्पदा सोमो हिन्वानो अर्षति । विप्रस्य धारया कविः ८  
आ पवमान धारय रयिं सहस्रवर्चसम् । अस्मे इन्दो स्वाभुवम् ९

अष्टमोऽध्यायः

व० १ । ३३ ।

(१०५) पञ्चोत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

सोमः पुनानो अर्षति सहस्रधारो अत्यविः । वायोरिन्द्रस्य निष्कृतम् १  
पवमानमवस्यवो विप्रमभि प्र गायत । सुष्वाणं देववीतये २  
पवन्ते वाजसातये सोमाः सहस्रपाजसः । गृणाना देववीतये ३  
उत नो वाजसातये पवस्व बृहतीरिषः । द्युमिन्दो सुवीर्यम् ४  
ते नः सहस्रिणं रयिं पवन्तामा सुवीर्यम् । सुवाना देवास इन्दवः ५  
अत्या हियाना न हेतृभि रसृगं वाजसातये । वि वारमव्यमाशवः ६  
वाश्रा अर्षन्तीन्दवो ऽभि वत्सं न धेनवः । दधन्विरे गर्भस्त्योः ७  
जुष्ट इन्द्राय मत्सरः पवमानु कर्निक्रदत् । विश्वा अपु द्विषो जहि ८  
अपघ्नन्तो अराव्णः पवमानाः स्वर्दृशः । योनावृतस्य सीदत ९

(१०६) षडुत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

परि प्रासिष्यदत् कविः सिन्धोरूमावधिं श्रितः । कारं बिभ्रत् पुरुस्पृहम् १  
गिरा यदी सबन्धवः पञ्च वाता अपस्यवः । परिष्कृणवन्ति धर्णसिम् २  
आदस्य शष्मिणो रसे विश्वे देवा अमत्सत । यदी गोभिर्वसायते ३  
निरिणानो वि धावति जहृच्छयाणि तान्वा । अत्रा सं जिघ्रते युजा ४  
नृप्तीभिर्यो विवस्वतः शश्रो न मामृजे युवा । गाः कृणवानो न निर्णिजम् ५  
अति श्रिती तिरश्चता गुव्या जिगात्यणव्या । वृमुर्मियर्ति यं विदे ६  
अभि क्षिपुः समगमत मर्जयन्तीरिषस्पतिम् । पृष्ठा गृभ्णत वाजिनः ७  
परि दिव्यानि मर्मृशद् विश्वानि सोम पार्थिवा । वसूनि याह्यस्मयुः ८

(१०७) सप्तोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

एष धिया यात्यशव्या शूरो रथेभिराशुभिः । गच्छन्निन्द्रस्य निष्कृतम् १  
 एष पुरु धियायते बृहते देवतातये । यत्रामृतासु आसते २  
 एष हितो वि नीयते ऽन्तः शभ्रावता पथा । यदी तुञ्जन्ति भूर्णयः ३  
 एष शृङ्गाणि दोधुवच्छिर्षीति यूथ्योर्षु वृषा । नृम्णा दधानु ओजसा ४  
 एष रुक्मिभिरीयते वाजी शुभ्रेभिरंशुभिः । पतिः सिन्धूनां भवन् ५  
 एष वसूनि पिबन्ना परुषा ययिवाँ अति । अव शादैषु गच्छति ६  
 एतं मृजन्ति मर्ज्यमुप द्रोणैष्वायवः । प्रचक्राणं महीरिषः ७  
 एतमु त्यं दश क्षिपो मृजन्ति सप्त धीतर्यः । स्वायुधं मदिन्तमम् ८

(१०८) अष्टोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र ते सोतारं ओणयोर्षु रसं मदायु घृष्वये । सर्गो न तक्त्येतशः १  
 क्रत्वा दक्षस्य रथ्यमुपो वसानुमन्धसा । गोषामणवेषु सञ्चिम २  
 अनप्तमुप्सु दुष्टरं सोमं पवित्र आ सृज । पुनीहीन्द्राय पातवे ३  
 प्र पुनानस्य चेतसा सोमः पवित्रै अर्षति । क्रत्वा सधस्थमासदत् ४  
 प्र त्वा नमोभिरिन्दव इन्द्र सोमा असृक्षत । महे भराय कारिणः ५  
 पुनानो रूपे अव्यये विश्वा अर्षन्नभि श्रियः । शूरो न गोषु तिष्ठति ६  
 दिवो न सानु पिप्युषी धारा सुतस्य वेधसः । वृथा पवित्रै अर्षति ७  
 त्वं सोम विपश्चितं तना पुनान आयुषु । अव्यो वारं वि धावसि ८

(१०९) नवोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

प्र निम्नेनैव सिन्धवो घन्तो वृत्राणि भूर्णयः । सोमा असृग्रमाशवः १  
 अभि सुवानास इन्दवो वृष्टयः पृथिवीमिव । इन्द्रं सोमासो अक्षरन् २  
 अत्यूर्मिर्मत्सरो मदः सोमः पवित्रै अर्षति । विघ्नन् रक्षासि देवयुः ३



आ कलशेषु धावति पवित्रे परि षिच्यते । उक्थैर्यज्ञेषु वर्धते ४  
अति त्री सौम रोचना रोहन् न भ्राजसे दिवम् । इष्णान् त्सूर्यं न चौदयः ५  
अभि विप्रा अनूषत मूर्धन् यज्ञस्य कारवः । दधानाश्चक्षसि प्रियम् ६  
तमु त्वा वाजिनं नरो धीभिर्विप्रा अवस्यवः । मृजन्ति देवतातये ७  
मधोर्धारामनु क्षर तीव्रः सधस्थमासदः । चारुर्ऋताय पीतये ८

(११०) दशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

परि सुवानो गिरिष्ठाः पवित्रे सोमो अक्षाः । मर्देषु सर्वधा असि १  
त्वं विप्रस्त्वं कविर्मधु प्र जातमन्धसः । मर्देषु सर्वधा असि २  
तव विश्वे सजोषसो देवासः पीतिमाशत । मर्देषु सर्वधा असि ३  
आ यो विश्वानि वार्या वसूनि हस्तयोर्दधे । मर्देषु सर्वधा असि ४  
य इमे रोदसी मही सं मातरैव दोहते । मर्देषु सर्वधा असि ५  
परि यो रोदसी उभे सद्यो वाजैभिरर्षति । मर्देषु सर्वधा असि ६  
स शुष्मी कलशेष्वा पुनानो अचिक्रदत् । मर्देषु सर्वधा असि ७

(१११) एकादशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

यत् सौम चित्रमुक्थ्यं दिव्यं पार्थिवं वसु । तन्नः पुनान आ भर १  
युवं हि स्थः स्वर्पती इन्द्रश्च सोम गोपती । ईशाना पिप्यतं धियः २  
वृषा पुनान आयुषु स्तनयन्नधि बर्हिषि । हरिः सन् योनिमासदत् ३  
अवावशन्त धीतयो वृषभस्याधि रेतसि । सूनोर्वत्सस्य मातरः ४  
कुविद्वृषयन्तीभ्यः पुनानो गर्भमादधत् । याः शक्रं दुहते पयः ५  
उप शिन्नापतस्थुषो भियसमा धेहि शत्रुषु । पवमान विदा रयिम् ६  
नि शत्रोः सोम वृष्यं नि शुष्मं नि वयस्तिर । दूरे वा सतो अन्ति वा ७

(११२) द्वादशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

प्र कविर्देववीतये ऽव्यो वारैभिरर्षति । साह्वान् विश्वा अभि स्पृधः १  
स हि ष्मा जरितृभ्य आ वाजं गोमन्तमिन्वति । पवमानः सहस्रिणाम् २  
परि विश्वानि चेतसा मृशसे पवसे मृती । स नः सोम श्रवो विदः ३  
अभ्यर्ष बृहद्यशौ मघवद्भ्यो ध्रुवं रयिम् । इषं स्तोतृभ्य आ भर ४  
त्वं राजैव सुव्रतो गिरः सोमा विवेशिथ । पुनानो वहे अद्भुत ५  
स वह्निरप्सु दुष्टरौ मृज्यमानो गर्भस्त्योः । सोमश्चमूषु सीदति ६  
क्रीळुर्मुखो न मह्युः पवित्रं सोम गच्छसि । दधत् स्तोत्रे सुवीर्यम् ७

(११३) त्रयोदशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

एते धावन्तीन्दवः सोमा इन्द्राय घृष्वयः । मत्सरासः स्वर्विदः १  
प्रवृशवन्तो अभियुजः सुष्वये वरिवोविदः । स्वयं स्तोत्रे वयस्कृतः २  
वृथा क्रीळन्त इन्दवः सधस्थमभ्येकमित् । सिन्धौरूर्मा व्यक्षरन् ३  
एते विश्वानि वार्या पवमानास आशत । हिता न सप्तयो रथे ४  
आस्मिन् पिशङ्गमिन्दवो दधाता वेनमादिशे । यो अस्मभ्यमरावा ५  
अभुर्न रथ्यं नवं दधाता केतमादिशे । शक्राः पवध्वमर्णसा ६  
एत उ त्पे अवीवशन् काष्ठा वाजिनो अक्रत । सतः प्रासाविषुर्मतिम् ७

(११४) चतुर्दशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो  
देवता । गायत्री छन्दः

एते सोमास आशवो रथा इव प्र वाजिनः । सर्गाः सृष्टा अहेषत १  
एते वाता इवोरवः पर्जन्यस्येव वृष्टयः । अग्नेरिव भ्रमा वृथा २  
एते पूता विपश्चितः सोमासो दध्याशिरः । विपा व्यानशुर्धियः ३  
एते मृष्टा अर्मत्याः ससृवांसो न शश्रमुः । इयक्षन्तः पृथो रजः ४  
एते पृष्ठानि रोदसो विप्रयन्तो व्यानशुः । उतेदमुत्तमं रजः ५  
तन्तुं तन्वानमुत्तमं मनुं प्रवत आशत । उतेदमुत्तमाय्यम् ६  
त्वं सोम पणिभ्य आ वसु गव्यानि धारयः । ततं तन्तुमचिक्रदः ७

(११५) पञ्चदशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

सोमा असृग्रमाशवो मधोर्मदस्य धारया । अभि विश्वानि काव्या १  
अनु प्रत्वास आयवः पदं नवीयो अक्रमुः । रुचे जनन्त सूर्यम् २  
आ पवमान नो भराऽर्यो अदाशुषो गर्यम् । कृधि प्रजावतीरिषः ३  
अभि सोमास आयवः पवन्ते मद्यं मदम् । अभि कोशं मधुश्चुतम् ४  
सोमो अर्षति धर्णसि र्दधान इन्द्रियं रसम् । सुवीरो अभिशस्तिपाः ५  
इन्द्राय सोम पवसे देवेभ्यः सधमाद्यः । इन्द्रो वाजं सिषाससि ६  
अस्य पीत्वा मदाना मिन्द्रो वृत्रारयप्रति । जघान जघनञ्च नु ७

(११६) षोडशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

प्र सोमासो अधन्विषुः पवमानास इन्दवः । श्रीणाना अप्सु मृञ्जत १  
अभि गावो अधन्विषु रापो न प्रवता यतीः । पुनाना इन्द्रमाशत २  
प्र पवमान धन्वसि सोमेन्द्राय पातवे । नृभिर्यतो वि नीयसे ३  
त्वं सोम नृमार्दनः पवस्व चर्षणीसहे । सस्त्रियो अनुमाद्यः ४  
इन्द्रो यदद्रिभिः सुतः पवित्रं परिधावसि । अरमिन्द्रस्य धाम्ने ५  
पवस्व वृत्रहन्तमो कथेभिरनुमाद्यः । शुचिः पावको अद्भुतः ६  
शुचिः पावक उच्यते सोमः सुतस्य मध्वः । देवावीरघशंसहा ७

(११७) सप्तदशोत्तरशततमं सूक्तम्

(१-६) षडृचस्यास्य सूक्तस्यागस्त्यो दृळ्हच्युत ऋषिः । पवमानः सोमो देवता । गायत्री छन्दः

पवस्व दक्षसाधनो देवेभ्यः पीतये हरे । मरुद्भ्यो वायवे मदः १  
पवमान धिया हितोर्ऽभि योनिं कनिक्रदत् । धर्मणा वायुमा विश २  
सं देवैः शौभते वर्षा क्विर्योनावधि प्रियः । वृत्रहा देववीतमः ३  
विश्वा रूपाण्याविशन् पुनानो याति हर्यतः । यत्रामृतास आसते ४

अरुषो जनयन् गिरः सोमः पवत आयुषक् । इन्द्रं गच्छन् कविक्रतुः ५  
आ पवस्व मदिन्तम पवित्रं धारया कवे । अर्कस्य योनिमासदम् ६

(११८) अष्टादशोत्तरशततमं सूक्तम्

(१-६) षडृचस्यास्य सूक्तस्य दाळ्हच्युत इध्मवाह ऋषिः । पवमानः सोमो देवता  
। गायत्री छन्दः

तममृक्षन्त वाजिन मुपस्थे अदितेरधि । विप्रासो अशव्या धिया १  
तं गावो अभ्यनूषत सहस्रधारमक्षितम् । इन्दुं धर्तारमा दिवः २  
तं वेधां मेधयाह्यन् पवमानमधि द्यवि । धर्णसिं भूरिधायसम् ३  
तमह्यन् भुरिजौर्धिया संवसानं विवस्वतः । पतिं वाचो अदाभ्यम् ४  
तं सानावधिं जामयो हरिं हिन्वन्त्यद्रिभिः । हर्यतं भूरिचक्षसम् ५  
तं त्वां हिन्वन्ति वेधसः पवमान गिरावृधम् । इन्द्रविन्द्राय मत्सरम् ६

(११९) एकोनविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।  
गायत्री छन्दः

एष कविरभिष्टुतः पवित्रे अधि तोशते । पुनानो घ्नन्नप स्त्रिधः १  
एष इन्द्राय वायवे स्वर्जित् परि षिच्यते । पवित्रे दक्षसाधनः २  
एष नृभिर्वि नीयते दिवो मूर्धा वृषा सुतः । सोमो वनेषु विश्ववित् ३  
एष गव्युरचिक्रदत् पवमानो हिरण्ययुः । इन्दुः सत्राजिदस्तृतः ४  
एष सूर्येण हासते पवमानो अधि द्यवि । पवित्रे मत्सरो मदः ५  
एष शुष्यसिष्यद दन्तरिक्षे वृषा हरिः । पुनान इन्दुरिन्द्रमा ६

(१२०) विंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसः प्रियमेध ऋषिः । पवमानः सोमो देवता ।  
गायत्री छन्दः

एष वाजी हितो नृभिर्विश्वविन्मनसस्पतिः । अव्यो वारं वि धावति १  
एष पवित्रे अक्षरत् सोमो देवेभ्यः सुतः । विश्वा धामान्याविशन् २  
एष देवः शुभायते ऽधि योनावमर्त्यः । वृत्रहा देववीतमः ३

एष वृषा कर्निक्रद द्दशभिर्जाभिर्भिर्यतः । अ॒भि द्रो॑णानि धावति ४  
एष सूर्यमरोचयत् पव॑मानो विचर्षणिः । विश्वा॒ धामा॑नि विश्ववित् ५  
एष शु॒ष्यदा॑भ्यः सोमः पुना॑नो अर्षति । दे॒वावीर॑घशंसहा ६

(१२१) एकविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।

गायत्री छन्दः

प्रास्य॒ धारा॑ अक्षर॒न् वृष्णः॑ सुतस्यौजसा । दे॒वाँ अनु॑ प्रभूषतः १  
स॒प्तिं मृ॑जन्ति वे॒धसौ॑ गृणन्तः॒ कार॑वो गिरा । ज्योति॑र्जज्ञानमुक्थ्यम् २  
सुष॑हा सोम॒ तानि॑ ते पुना॒नार्य॑ प्रभूवसो । वर्धा॑ समुद्रमुक्थ्यम् ३  
विश्वा॒ वसू॑नि संजय॒न् पव॑स्व सोम॒ धार॑या । इनु॒ द्वेषा॑सि स॒ध्र्यक् ४  
रक्षा॒ सु नो॑ अ॒ररु॑षः स्व॒नात् संम॑स्य कस्य॒ चित् । नि॒दो यत्र॑ मुमु॒चमहे॑ ५  
ए॒न्दो पा॑र्थिवं॒ रयि॑ं दि॒व्यं प॑वस्व॒ धार॑या । द्युम॑न्तं शुष्म॒मा भर॑ ६

(१२२) द्वाविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो बिन्दुऋषिः । पवमानः सोमो देवता ।

गायत्री छन्दः

प्र धारा॑ अस्य शष्मि॒णो वृ॑था॒ पवि॑त्रे अक्षर॒न् । पुना॑नो वाचमिष्यति १  
इ॒न्दुर्हि॑यानः सो॒तृभि॑र्मृ॒ज्यमा॑नः कर्निक्रदत् । इ॒यैर्ति॑ वृ॒ग्नुमि॑न्द्रियम् २  
आ नः॑ शुष्मं नृषा॒ह्यं वी॑रवन्तं पुरु॒स्पृह॑म् । पव॑स्व सोम॒ धार॑या ३  
प्र सोमो॑ अ॒ति धार॑या॒ पव॑मानो असिष्यदत् । अ॒भि द्रो॑णान्यासदम् ४  
अ॒प्सु त्वा॒ मधु॑मत्तमं॒ हरि॑ं हि॒न्वन्त्य॑द्रिभिः । इ॒न्दुवि॑न्द्राय पीतयै ५  
सु॒नोता॒ मधु॑मत्तमं॒ सोम॑मिन्द्राय वृ॒जिणै॑ । चा॒रुं श॑र्धाय मत्सरम् ६

(१२३) त्रयोविंशत्युत्तरशततमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । पवमानः सोमो देवता ।

गायत्री छन्दः

प्र सोमा॑सः स्वा॒ध्यश्ः प॑वमानासो अ॒क्रमुः । र॒यिं कृ॑णवन्ति चेतनम् १  
दि॒वस्पृ॑थिव्या अ॒धि भ॑वैन्दो द्यु॒म्वर्ध॑नः । भ॒वा वा॑जा॒नां प॑तिः २

तुभ्यं वाता अभिप्रियं स्तुभ्यमर्षन्ति सिन्धवः । सोमं वर्धन्ति ते महः ३  
 आ प्यायस्व समेतु ते विश्वतः सोमं वृष्यम् । भवा वाजस्य संगुथे ४  
 तुभ्यं गावो घृतं पयो बभ्रौ दुदुहे अक्षितम् । वर्षिष्ठे अधि सानवि ५  
 स्वायुधस्य ते सतो भुवनस्य पते वयम् । इन्दो सखित्वमुश्मसि ६

(१२४) चतुर्विंशत्युत्तरशततमं सूक्तम्

(१-६) षडृचस्यास्य सूक्तस्यात्रेयः श्यावाश्च ऋषिः । पवमानः सोमो देवता ।

गायत्री छन्दः

प्र सोमांसो मदच्युतः श्रवसे नो मघोनः । सुता विदथे अक्रमुः १  
 आदीं त्रितस्य योषणो हरिं हिन्वन्त्यद्रिभिः । इन्दुमिन्द्राय पीतये २  
 आदीं हंसो यथा गुणं विश्वस्यावीवशन्मतिम् । अत्यो न गोभिरज्यते ३  
 उभे सौमावचाकशन् मृगो न तक्तो अर्षसि । सीदन्नृतस्य योनिमा ४  
 अभि गावो अनूषत योषां जारमिव प्रियम् । अगन्नाजिं यथा हितम् ५  
 अस्मे धेहि द्युमद्यशौ मघवद्भ्यश्च मह्यं च । सनिं मेधामुत श्रवः ६

(१२५) पञ्चविंशत्युत्तरशततमं सूक्तम्

(१-६) षडृचस्यास्य सूक्तस्याप्तचस्त्रित ऋषिः । पवमानः सोमो देवता । गायत्री

छन्दः

प्र सोमांसो विपश्चितो ऽपां न यन्त्यूर्मयः । वनानि महिषा इव १  
 अभि द्रोणानि बभ्रवः शक्रा ऋतस्य धारया । वाजं गोमन्तमक्षरन् २  
 सुता इन्द्राय वायवे वरुणाय मरुद्भ्यः । सोमा अर्षन्ति विष्णावे ३  
 तिस्रो वाच उदीरते गावो मिमन्ति धेनवः । हरिरिति कनिक्रदत् ४  
 अभि ब्रह्मीरनूषत युहीर्ऋतस्य मातरः । मर्मृज्यन्ते दिवः शिशुम् ५  
 रायः समुद्रांश्चतुरो ऽस्मभ्यं सोम विश्वतः । आ पवस्व सहस्त्रिणः ६

(१२६) षड्विंशत्युत्तरशततमं सूक्तम्

(१-६) षडृचस्यास्य सूक्तस्याप्तचस्त्रित ऋषिः । पवमानः सोमो देवता । गायत्री

छन्दः

प्र सुवानो धारया तनेन्दुर्हिन्वानो अर्षति । रुजद्वृळहा व्योजसा १

सुत इन्द्राय वायवे वरुणाय मरुद्भिः । सोमो अर्षति विष्णावे २  
वृषाणि वृषभिर्यतं सुन्वन्ति सोममद्रिभिः । दुहन्ति शक्मना पर्यः ३  
भुवत् त्रितस्य मज्यो भुवदिन्द्राय मत्सरः । सं रूपैरज्यते हरिः ४  
अभीमृतस्य विष्टर्ष दुहते पृश्निमातरः । चारु प्रियतमं हविः ५  
समेनमहुता इमा गिरौ अर्षन्ति सस्रुतः । धेनूर्वाश्रो अवीवशत् ६

(१२७) सप्तविंशत्युत्तरशततमं सूक्तम्

(१-६) षड्चस्यास्य सूक्तस्याङ्गिरसः प्रभूवसुऋषिः । पवमानः सोमो देवता ।  
गायत्री छन्दः

आ नः पवस्व धारया पवमान रयिं पृथुम् । यया ज्योतिर्विदासि नः १  
इन्दो समुद्रमीङ्ख्य पवस्व विश्वमेजय । रायो धर्ता न ओजसा २  
त्वया वीरेण वीरवो ऽभि ष्याम पृतन्यतः । क्षरा णो अभि वार्यम् ३  
प्र वाजमिन्दुरिष्यति सिषासन् वाजसा ऋषिः । वृता विदान आयुधा ४  
तं गीर्भिर्वाचमीङ्ख्य पुनानं वासयामसि । सोमं जनस्य गोपतिम् ५  
विश्वो यस्य वृते जनो दाधार धर्मणस्पतैः । पुनानस्य प्रभूर्वसोः ६

(१२८) अष्टाविंशत्युत्तरशततमं सूक्तम्

(१-६) षड्चस्यास्य सूक्तस्याङ्गिरसः प्रभूवसुऋषिः । पवमानः सोमो देवता ।  
गायत्री छन्दः

असर्जि रथ्यो यथा पवित्रै चम्बोः सुतः । कार्ष्मन् वाजी न्यक्रमीत् १  
स वह्निः सोम जागृविः पवस्व देववीरति । अभि कोशं मधुश्चुतम् २  
स नो ज्योतीषि पूर्य पवमान वि रौचय । क्रत्वे दक्षाय नो हिनु ३  
शुम्भमान ऋतायुभिर्मृज्यमानो गभस्त्योः । पवते वारं अव्ययै ४  
स विश्वा दाशुषे वसु सोमो दिव्यानि पार्थिवा । पवतामान्तरिद्वया ५  
आ दिवस्पृष्टमश्वयुर्गव्ययुः सोम रोहसि । वीरयुः शवसस्पते ६

(१२९) एकोनत्रिंशदुत्तरशततमं सूक्तम्

(१-६) षड्चस्यास्य सूक्तस्याङ्गिरसो रहूगण ऋषिः । पवमानः सोमो देवता ।  
गायत्री छन्दः

स सुतः पीतये वृषा सोमः पवित्रैर् अर्षति । विघ्नन् रक्षांसि देवयुः १  
 स पवित्रैर्विचक्ष्णो हरिरर्षति धर्णांसिः । अभि योनिं कर्निक्रदत् २  
 स वाजी रौचना दिवः पवमानो वि धावति । रक्षोहा वारमव्ययम् ३  
 स त्रितस्याधि सानवि पवमानो अरोचयत् । जामिभिः सूर्यं सह ४  
 स वृत्रहा वृषा सुतो वरिवोविददाभ्यः । सोमो वाजमिवासरत् ५  
 स देवः कविनेषितोऽभि द्रोणानि धावति । इन्दुरिन्द्राय मुहना ६

(१३०) त्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो रहूगण ऋषिः । पवमानः सोमो देवता ।  
 गायत्री छन्दः

एष उ स्य वृषा रथो ऽव्यो वारैभिरर्षति । गच्छन् वाजं सहस्रिणम् १  
 एतं त्रितस्य योषणो हरिं हिन्वन्त्यद्रिभिः । इन्दुमिन्द्राय पीतये २  
 एतं त्यं हरितो दशं मर्मज्यन्तै अपस्युर्वः । याभिर्मदाय शुम्भते ३  
 एष स्य मानुषीष्वा श्येनो न विक्षु सीदति । गच्छञ्जारो न योषितम् ४  
 एष स्य मद्यो रसो ऽव चष्टे दिवः शिशुः । य इन्दुर्वारमाविशत् ५  
 एष स्य पीतये सुतो हरिरर्षति धर्णांसिः । क्रन्दन् योनिमभि प्रियम् ६

(१३१) एकत्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।  
 गायत्री छन्दः

आशुरर्षं बृहन्मते परि प्रियेण धाम्ना । यत्र देवा इति ब्रवन् १  
 परिष्कृणवन्ननिष्कृतं जनाय यातयन्निषः । वृष्टिं दिवः परि स्रव २  
 सुत एति पवित्र आ त्विषिं दधान् ओजसा । विचक्षाणो विरोचयन् ३  
 अयं स यो दिवस्परि रघुयामा पवित्र आ । सिन्धौरूर्मा व्यक्षरत् ४  
 आविवांसन् परावतो अथौ अर्वावतः सुतः । इन्द्राय सिच्यते मधु ५  
 समीचीना अनूषत हरिं हिन्वन्त्यद्रिभिः । योनावृतस्य सीदत ६

(१३२) द्वात्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।  
 गायत्री छन्दः



पुनानो अक्रमीदभि विश्वा मृधो विचर्षणिः । शम्भन्ति विप्रं धीतिभिः १  
 आ योनिमरुणो रुहद्मदिन्द्रं वृषा सुतः । ध्रुवे सदसि सीदति २  
 नू नो रयिं महामिन्दो ऽस्मभ्यं सोम विश्वतः । आ पवस्व सहस्रिणाम् ३  
 विश्वा सोम पवमान द्युम्नानीन्दवा भर । विदाः सहस्रिणीरिषः ४  
 स नः पुनान आ भर रयिं स्तोत्रे सुवीर्यम् । जरितुर्वर्धया गिरः ५  
 पुनान इन्दवा भर सोमं द्विबर्हसं रयिम् । वृषन्निन्दो न उक्थ्यम् ६

(१३३) त्रयस्त्रिंशदुत्तरशततमं सूक्तम्

(१-६) षड्चस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।  
 गायत्री छन्दः

प्र ये गावो न भूरण्य स्त्वेषा अयासो अक्रमुः । घ्नन्तः कृष्णामपु त्वचम् १  
 सुवितस्य मनामहे ऽति सेतुं दुराव्यम् । साहांसो दस्युमवृतम् २  
 शृणवे वृष्टेरिव स्वनः पवमानस्य शष्मिणः । चरन्ति विद्युतो दिवि ३  
 आ पवस्व महीमिषं गोमदिन्दो हिरण्यवत् । अश्वावद्वाजवत् सुतः ४  
 स पवस्व विचर्षण आ मही रोदसी पृण । उषाः सूर्यो न रश्मिभिः ५  
 परि णः शर्मयन्त्या धारया सोम विश्वतः । सरा रसेव विष्टपम् ६

(१३४) चतुस्त्रिंशदुत्तरशततमं सूक्तम्

(१-६) षड्चस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।  
 गायत्री छन्दः

जनयन् रोचना दिवो जनयन्नप्सु सूर्यम् । वसानो गा अपो हरिः १  
 एष प्रत्नेन मन्मना देवो देवेभ्यस्परि । धारया पवते सुतः २  
 वावृधानाय तूर्वये पवन्ते वाजसातये । सोमाः सहस्रपाजसः ३  
 दुहानः प्रत्नित् पर्यः पवित्रे परि षिच्यते । क्रन्दन् देवाँ अजीजनत् ४  
 अभि विश्वानि वार्या ऽभि देवाँ ऋतावृधः । सोमः पुनानो अर्षति ५  
 गोमन्नः सोम वीरव दश्वावद्वाजवत् सुतः । पवस्व बृहतीरिषः ६

(१३५) पञ्चत्रिंशदुत्तरशततमं सूक्तम्

(१-६) षड्चस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।  
 गायत्री छन्दः

यो अत्यं इव मृज्यते गोभिर्मदाय हर्यतः । तं गीर्भिर्वासयामसि १  
 तं नो विश्वा अक्स्युवो गिरः शुम्भन्ति पूर्वथा । इन्दुमिन्द्राय पीतये २  
 पुनानो याति हर्यतः सोमो गीर्भिः परिष्कृतः । विप्रस्य मेध्यातिथेः ३  
 पर्वमान विदा रयि मस्मर्भ्य सोम सुश्रियम् । इन्दो सहस्रवर्चसम् ४  
 इन्दुरत्यो न वाजसृत् कनिक्रन्ति पवित्र आ । यदक्षारति देवयुः ५  
 पर्वस्व वाजसातये विप्रस्य गृणतो वृधे । सोम रास्व सुवीर्यम् ६

इति षष्ठोऽष्टकः